

ПЕТӖ 1926 ВОСЯНЬ

ЛЭДЗӖНЫ: КОМИ РЕСПУБЛИКАСА ГИЖЫСЬ КОТЫР, ПЕЧАТЬ ДА ЮӖР
СЕТАН КОМИ РЕСПУБЛИКАСА АГЕНТСТВО

ВОЙВЫВ КОДЗУВ



ISSN 0134-4323

БЫД ТӖЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

12 ӖШЫМ (ДЕКАБРЬ) 2010

ТАЙӖ НОМЕРЫН:

Елена КОЗЛОВА. СямтӖм зонка. Повесът-мойд	3
Алёна ШОМЫСОВА. КышакылӖ-мунӖ арся войыс.	
Кывбурьяс	27
Виктор НАПАЛКОВ. Войся ангел. Роман	30
Любовь АНУФРИЕВА. КыштӖм блокнот. Висьт.	
Коли сӖмын сыланкыв... Миниатюраяс	51
Василий ЛОДЫГИН. Перым гӖра. Висьт	55
Александр ПАНЮКОВ. ОлӖмтӖ он бергӖд... Висьт	62

А.П.РАЗМЫСЛОВЛЫ — 95

Диана ХОЛОПОВА. Сылан горыс олӖ	66
---------------------------------------	----

ЧЕЛЯДЬЛЫ

Вячеслав БАБИН. Выль кывбурьяс	68
Ольга ШЛОПОВА. ВӖрса тьӖтка. Мойд	71
Литература олӖмысь	77
ЙӖзӖдӖма «Войвыв кодзув» журналын 2010 воын	79

Обложка вылын снимокыс Денис БеяевлӖн.

© «Войвыв кодзув» («Северная звезда»), 2010 г.

СЫКТЫВКАР

СЕВЕРНАЯ ЗВЕЗДА



***Ежемесячный
литературно-художественный
журнал***



Учредители:

СОЮЗ ПИСАТЕЛЕЙ РЕСПУБЛИКИ КОМИ

**АГЕНТСТВО РЕСПУБЛИКИ КОМИ ПО ПЕЧАТИ
И МАССОВЫМ КОММУНИКАЦИЯМ**



РЕДАКЦИОННАЯ КОЛЛЕГИЯ:

Главный редактор

ЕЛЬКИН М.А.

Зам. гл. редактора

ПОЛУГРУДОВ А.В.

Ответственный
секретарь

КИЧИГИН И.Н.

КОЗЛОВ Е.В.

ЛИМЕРОВА В.А.

ТИМИН В.В.

УЛЬЯНОВ А.В.





Сямтём зонка

ПОВЕСЬТ-МОЙД

Мөдөра-дора

— Ок, ыджыд мам, ыджыд мам! Мый нө меным тэкөд вөчны? Мый нө тэ ме дорө дутдывтөг крукасылан? Этійө абу тадз вөчө-мыд, этійөс абу сэтчө пуктөмыд, этійө вошөма, этійө жуталөма. И быд лун тадз,— шогалис зонка.

Мынлас Денис ыджыд мамыслөн төвгөмысь сөмын рытнас, кор бать-мамыс удж вылысь воасны да бабыс ылалас накөд сёрнийө, вунөдлас внукуыс йылысь. Нөшта бурджык, кор Денис вой кежлө пырас аслас жырийө. Сэки сы вылө некод нин оз во. Но бара аслыс тшөктөны водны узыны. Либө мынлас, кор дышөдас ыджыд мамсө кывзыны да пышъяс вөр дорө либө ты дорө.

Керкаыс налөн выль, ыджыд, кык судтаа, ты берег дорын. Матигөгөрын сэсся некод оз ов. Батыс да мамыс машинаөн ветлөддөны уджавны шөрсиктө. Водзынджык найө асьныс сәні олісны кык жыръя патераын, сэсся батыс шуис ас керка лэптыны. Патерасө вузалис да кыпөдіс ты дорө тайө керкасө, а сэккості олыштисны ыджыд мамыслөн важ керкаын. Сэсся ставөн: мамыс, батыс, Соня чойыс да ыджыд мамыс вуджисны овны выль керкаө. Виль оланінас зэв гажа да лөсьыд: ыджыд кыпид жыръяс, паськыд югыд өшиньясыс ты вылө видзөдөны. Гөгөр быдмөны мича джуджыд пожөмъяс, увтасас, ты дорланьыс, өнджыкасө коръя вөр. Тулыснас мамыс керка гөгөрыс мутор вөчис, мича дзоридзьяс пукталіс. Ыджыд мамыс керкасайса му вылын град выв пуктас быдтө. Лэбачьяс дзользёны асыв-водзяньныс. Зэв лөсьыд да кыпид эськө. Но ыджыд мамыс?! Дутдывтөг велөдө гөгаписө овны. Оз куж Денис ветлөддыны өти джодж плакаті. Кежсьө бокө. Нөшта на киас быдтор пырө. Оз нин көйы Денис босьтны киас, но век да мыйкө босьтсьө.

А сэсся либё жугалас босьтөмторйыс, либё мөдлао пуктыссяс. Вот сэки и заводитчас:

— Мыйла тэнад кийн ставыс жугалё? Мыйла тэ кө босьтлан киад — вошө?

Но оз төд Денис. Оз куж висьтавынсьо, мыйла сы кийн ставыс жугалё.

Босьтис Сонялысь аканьсьо, бергөддис, бергөддис киас, веськаліс акань кокнас Сонялы чужомас. Мөдыс бөрөдзис. Ыджыд мамыс бара:

— Мыйла кагаыс бөрөдө? Мый тэ вөчин?

Висьталіс Денис. Ыджыд мамыс бара:

— Мыйла тэ медводз вөчан, а сэсся мөвпалан? Медводз колё артыштны гөгөрбок, а сэсся вөчны. Вот висьтав, мыйла тэ киад босьтін Сонялысь аканьсьо?

— Сідз, прөста.

— Прөстасө мыйла босьтан?

Но окота лои Денислы, и босьтис. Сэсся тай бөр пуктіс. Бур на, мый чачаыслөн кийс эз ор либё кокыс. Эськө Соня бура дыр на бөрдис. А сідзсө өдйө на бурасис.

Сонялы нель арөс. Сійө вермө дыр ворсны өтнас. Чөв-лөня. Аслас чачаясөн, аканьясөн. Ыджыд мамыс сійөс пыр ошкө. И тшөктө Денислы сы вылысь велөдчыны. А Денис оз вермы сідзсө. Сылы колө быд здуко мыйкө вильөс вөчны. Да мед нөшта кодкө видзөддис. Отнаслы сылы гажтөм. Со и бергалё ыджыд мамыс дорын. А мөдыс дугдывтөг велөдө овны мөд ног, ас ногыс, ас гөгөрвоом сертиыс. А Денис сідзсө оз куж. И мөвпавнысьо водзвыв оз куж. Збыль өд, первой мыйкө вөчас, сэсся вөчөм бөрас сөмын аддзас, мый артмис. «Ок, тэ эськө и мөдөра-дора жө да», — шуывлө бабыс, кор Денис дөзмөдас. Мый сійө лоө «мөдөра-дораыс», Денис оз төд, и некод сылы оз висьтав.

Со и талун ыджыд мамыскөд зыкө воисны. Соня пукалө да ворсө, лэптө кубикъясысь чом. Ыджыд мамыс инпөлын сёян лөсьөдө-дасьтө. Денислы лои окота чойсө дзерөдыштны-дэльөдыштны. Сійө пыраліс овтөм жырйө, кытчө тэчөма быдсяма эмбурсө, корсис батысылысь төвся пасьсө, гугөдіс да пасьталіс. Чабуасис да сідзи и пырис жыръяс, көні ворсіс чойыс. Мый сэки лоис?! Соня весьөпөри, первой чилөстіс, сэсся лёкгоршөн горөдіс. Ыджыд мамыс повзёма, чепөсйис инпөлысь, киас ки чышкөд, өвтовтіс сійөн да равөстіс Денис вылө, сэсся уськөдчис Соня дорө, мөдіс сійөс бурөдны, юрсисө шыльөдны да мелі кывъяс шуавны.

Денис шыбитіс пасьсө порог дорас да петіс керкасыс. Да, бара Денис лёк, а Соня бур. И век өд тадз. Весиг ворсны некодкөд. Некод сійөс оз гөгөрво. Мыйла батыс лэптис татчө, ты дорас, керкасө? Олісны эськө важ патераас сикт шөрын. Ёртъясыскөд, ас коддөмыскөд эськө Денис ворсіс: котралісны пөттөдзыс, гаражъяс вывсянь чеччалісны, мач чужъялісны, «дечысь» ворсісны. Аддзисны эськө, мый вөчны. А тані? Весиг вөрас оз тшөктыны мунны өтнаслы. Вошан пө. Кыдзи вошас? Быдладорсянь ыджыд керкаыс тыдалө. Коркө пө эськө на дорө и мукөдъяс лэптасны керкаяс, но кор на тайө лоө? Да и лооны оз олысьяснас Денис кодъ зонкаяс, мед позис накод ворсны? Отнас Денис, и ёна гажтөм сылы...

Бушков бёрын вёрын

Ывлаыс ымраліс шоныдысла. Тёврутём. Жар. Вёськыдвылас шылясис ты. Денис вёськовтіс вёрлань. Вёрыс вёлі матын, некымын вёськов сайын. Позьё шуны, мый керкаыс сулаліс вёрас. Гырысь пожомъяс талун сулалісны чёла, быттё унмовсьёмаось, измёмаось. А ёд войнас вёлі сэтшём тёла. Мыйкё пыр шутляліс, увгис, пожомъясыс шувгисны. Денис весиг садьмыліс, кывзысьыштіс. Сьёлёмыс топавліс повзьёмысла, сылы мыйлакё кажитчис, мый пожом пуыс пёрё да усьё вёськыда налён керка вёлё. Сэки артмас лёктор: тімбыльгчас налён вель оланіныс. Денис вевттысис эшкыннас юр вывтыс, коркё тай сэсся бёр унмовсьёма.

Югыд асылыс, шондіа луныс, чёв-лёнбыс вуштісны паметьсьыс войся повзьёлёмсё. А ёні со бара казтыштіс, а сэсся дум вылас уси чойсё дзерёдөмыс. Ёд, кёнкё, сійё сідз жё повзис, кыдзи и ачыс Денис колян войё. Сійё ёд ичёт на, и эз гёгөрво, мый керкаё пырис гугёдөм пася Денис, а эз ош. Со и повзис. Казьтіс кё ас кадё войся лоёмторсё, гашкё, и эз повзьёд чойсё. Ёні нин мый вёчан, бёр он бергёд, мый лоёма — лоёма. Ёні, дерт, ыджыд мамыс бурёдө чойсё морёс бердас топёдөмөн. Денисёс, кёнкё, бара пинялө. Но и мед. Вот мунас Денис ылө-ылө. И вошө вёрас. Сэк, гашкё, ыджыд мамыс и жалитас сійёс, шуас: «Эз ков таdzi скёравны Денис вёлө».

Зонка вёсьлаліс неыджыд ордымөд. Вёрсьыс сійё эз пов. Батыскөд унаысь ветлываліс и тшак вотны, и пувла. Таті, матігөгөрсё, гөгөртлісны кольём во, кор эз на овны вель керкаас.

Колян войся бушколыс тані ёна пакөститчёма, чегъялёма пу увъяс, чальяс, шыблалёма муас, ордымсё ёгөсьтёма, тыртёма. Со быдса пу пёрөдөма. Коз пу. Пёрысь пу. Рой тошка. Туйсё вомёналёма. Денис босьтчыліс туй вывсьыс вештыны пёрөм пусё, мед эз мешайт ветлөддынысё, но выныс эз тырмы. Сэтчө и ковмис кольны. Батыслы висьталас, да коркё воласны, дзоля бензопилаён дзужнитасны-пилитасны да вештасны. Позьё на и пес вёлө нуны гортас. Ройсё кинас чукёртыштіс, көсйис гортас нуны, тош вёчны аслыс да сідзикөн петкөдчыны чойыслы да ыджыд мамыслы, но бёр эновтчис тайё мөвпсьыс. Соня чойыс, кёнкё, талунъя повзьёлёмсьыс на ас саяс эз во. А сэсся и некод водзын петкөдчыныс. Танөсь кё эськё вөліны сылён ёртъясыс! Кутшөм лөсьыда позис ворсны быдсяматорсьыс. Позис кытчөкө вёрса чом вёчны, мед некод гырысьясысь эз төд. Но өтнаслы Денислы гажтөм.

Аслыспөлөс аддзысьём

Денис ньөжйёникөн муніс водзлань, усьём пу лапъяссө кокнас чужйышталігтыр. Оз ков некодлы Денис. Мамыс да батыс лунтыръясөн удж вылынөсь. Рытнас локтасны мудзөсь, сёйыштасны да телевизор видзөдоны. Шыасьлас жё эськё на дорө зонка кутшөмкө сёрниён ли, ворсөмөн ли, но вёсьшөрө, ми пө мудзим. Ыджыд мамсё эськё Денис и ёна радейтө, но со оз лөсаяны, вывті ёна велөдө Денисөс да. Денис эськё и ачыс көсийө бурөн, рамөн да кывзысьысьён лоны, но оз куж.

Водзланьын, туй вылас, кызкӧ тешкодя чеччаліс зэв посни еджыд чутъяса сьӧд лэбач. Зонка сувтыштліс, видзӧдыштліс. Лэбачыс повтӧг матыстчис Денислань, сэсса бордъяссӧ шевкнитліс, быттӧ кӧсйӧ лэбзыны, но эз кыпӧдчы енэжас, а чеччалӧмӧн косіс. Сы бӧрын бара сетчис Денислань. «Доймӧма»,— чайтіс зонка. Эз и тӧд, мый вӧчны: водзлань мунны, кутны лэбачсӧ да видзӧдлыны, кыті доймӧма, али ылітіджык гӧгӧртны, мед не повзӧдны да весьӧпӧртны лэбачсӧ. Но сійӧ выль пӧв чеччаліс зонкалань, а сэсса китшкигтыр бӧр косіс. «Мый тайӧ, мый лоӧма?»— Денис видзчысьмӧн воськовтіс водзлань. И друг, водзысь, туй вывсьыс, аддзис кык ёкмыль. Лэбачпиян! Найӧ вӧліны гӧнтӧмӧсь, муртса рудсермунӧмаӧсь. Со мый тані лоӧма! Пияныс усьӧмаӧсь позсьыс. Денис матыстчис, энӧ лэбачыс лэбзис коз пу йылӧ. Зонка синнас колльӧдіс сійӧс. Но позйыс эз тыдав. Гашкӧ, горсйын да? Татысянь, мусяньыд, оз и тыдав. Лэбачыс, дерт, корис отсӧг! Эскис, мый зонкаыс лэптас пиянсӧ. Денис лажынтчис на дорӧ, лэптіс шоныдіник ёкмыльяссӧ да суюис питшӧгас. Найӧ вӧрисны-гыжъясисны да чипсісны. Ньӧж-йӧникӧн, увйысь увйӧ, Денис кайис пуӧ. Со и позйыс. Збыльысь горсйын, абу йӧз син улын. Медводз лэдзис позъяс ӧти ёкмыль. Но! А ӧти тай нӧ сэнні нин! Да, буракӧ, абу сӧмын ӧти. Сідзкӧ, абу ставныс усьӧмаӧсь. Лэбачпиянсӧ иналӧм бӧрын Денис лэччис муӧ. Энныс лэбзис позъяс, аслас пиян дорӧ. Денис нюмъевтіс, ӧвтыштліс кинас, олӧй пӧ сэсса бура. Видзӧдӧ Денис, да на дорӧ нӧшта ӧти сьӧд мича лэбач лэбӧ, вайӧ пияныслы нур. Тайӧ, буракӧ, айыс.

«Кутшӧм эськӧ тайӧ лэбачьяс? Буракӧ, ябыръяс. Но найӧ ӧд ёнджыкасӧ сиктъясын олӧны. А, гашкӧ, вӧрас тшӧтш поздысьӧны? Колӧ ыджыд мамлысь юавны». Зонкалы сьӧлӧм вылас лои лӧсьыд, ӧд сійӧ дорйис пикӧ воӧмаясӧ.

«Тэ лоан тӧдысь»

Зонка муніс туй кузяыс да нюмъяліс. Гортса зыкыс дзикӧдз вуні. И ыджыд мамыс, и Соня чойыс кажитчисны ӧні сылы медся мусаӧн. Мыйла и дӧзмис на вылӧ? Но эз кӧ дӧзмы да эз мун гортсьыс, эськӧ эз вермы отсавны лэбачпиянлы. А ӧні найӧ шоныд позйынӧсь, энӧ-айыскӧд орччӧнӧсь. Денислы тшӧтш овлӧ гортас шоныд да гажа, кор бать-мамыс воӧны удж вылысь. Мед видзӧдӧны телевизор, мед сьӧд оз ворсны, но зонка тӧдӧ, мый найӧ гортасӧсь, да сьӧлӧм вылас кызкӧ лоӧ торъя лӧсьыд. Друг зонка казяліс: сы бӧрся пуысь пуӧ вуджӧмӧн вӧтчӧ лэбач. Мый тайӧ? Ӑні сійӧ эз нин чеччав муті, а дженъыдика коставлӧмӧн лэбыштліс пуысь пуӧ. Денис кежис веськыдыв, мед видзӧдлыны, мый мӧдас лэбачыс вӧчны: лэбас водзӧ али кежас сы бӧрся. Кежис. Денис мӧдіс тэрмасьмӧн мунны, лэбач мӧдіс тэрыбджыка сы бӧрся лэбны. Но тайӧ эз вӧв сійӧ лэбачыс, коді чеччаліс туй кузя сылы воча, а буракӧ, мӧдыс. Кутшӧм эськӧ тайӧ лэбач да мыйла ме бӧрся вӧтчӧ? Гашкӧ, абу и ябыр? Мый сылы колӧ? Гашкӧ, мыйкӧ ме эг сідз вӧч? Гашкӧ, кутшӧмкӧ лэбачпи доймис пуктігас? Детинка весиг повзъыштліс-кодъ. Друг пуксяс юр вылас да кокыштас. Мыйла вӧтчӧ, мыйла?

Денис петіс ты дорё. Пуксис пөрөм пу вылө. Син бөжнас видзөдіс, мый мөдас вөчны лэбачыс. Сійө пуксис орчча пу вылө да мөдіс дзоргыны зонка вылө. Либө сылы сідз кажитчис.

Здук-мөд пукалісны чөв. Денис көсйис нин корсьны из да лыйны лэбачыслы, мед мунө ас могнас, кытчө мөдөма, а оз дзоргы сы вылө. Но друг зонка кыліс лэбачыслысь китшкөмсө да мөдіс кывзысьны. И кыліс!

— Китш-китш-китш! Тэ мездін менсьым пиянөс неминучаысь. И ме тэд козьнала төдөмлун. Тэ мөдан гөгөрвоны звер-пөткалысь сёрнисө. Но төд, та йылысь некодлы оз позь висьтавыны. Висьта-лан кө — воштан төдөмлунтө. Гөгөрвоин? Китш-китш-китш.

— Да,— довкнитіс юрнас Денис. Да өні эз нин син бөжнас, а тыр синмөн видзөдіс лэбач вылө. Весиг сувтіс.

— Да. Гөгөрвои.

— Китш-китш-китш. Сөмын некодлы эн висьтав.

— Но,— көсйысис Денис.

Лэбач кыпөдчис вөр-пу весьтө да туйвизьсө босьтіс позла-ныс, кытчө дзик на неважөн Денис лэптіс куим тіралысь, чипсысь шоныд ёкмыль.

Денис шай-паймунөмөн сулаліс пөрөм пу дорын да эз на тырвийө гөгөрво, мый сыкөд лои.

Денис гөгөрвоө лэбачлысь сёрни

Мый тайө? Збыль, абу збыль? Сійө мөдас гөгөрвоны звер-пөткалысь сёрнисө? Али тайө Денислы кимөститчис? Юр вемыс нин дзугсис? А мый эськө ыджыд мамыс шуас? Шуас: вежөрнад торксин, бласлө Кристос, бурдөдчыны колө. Но өд сылы висьтавыныс оз позь. Некодлы оз позь. А кыдзи нө некодлысө? Весиг ай-мамыслы? «Татшөм шуд уси меным: гөгөрвоны лэбачьяслысь сёрни. И не сөмын лэбачьяслысь,— шензис и өттшөтш радліс зонка.— Час, кывзысьышта вөр-ваыслысь. Но мыйлакө сэтшөм чөв-лөнь».

Лун шөр кад. Жар. Став гут-гагыс ланьтөдчөма шоныдысла. Луньмунөмаось, дыш, буракө, варовитныс.

— Э-э-эй! Шыасьй кодкө!— горөдіс Денис.

Некод эз шыась. Быттьө ставныс дзебсьөмаось. Гашкө, збыль меным кимөститчис лэбачыс да? И сылөн сёрниыс. Дерт, кимөститчис. Татшөмыс оз вермы лоны. Оз вермы лоны сы вөсна, мый оз вермы лоны. Денис ыджыд нин, велөдчө школаын, вуджис нельөд классө да мойдьясө оз эскы. Төдө, мый Вель во войө козиньяс ёлка улө пуктөны гырысьяс, мам-бать либө ыджыд мамыс. Төдө, но быд во виччысьө Көдзыд пөльсянь козин. А тайө... Мый лэбачыс висьталіс... Дерт, абу збыль. Сідз, Денислы кимөститчис. Сы вөсна, мый сылы окота вөлі кутшөмкө вөвлытөмторйө эскыны. Но и мед. Абу кө нинөм шензьөданаыс олөмас, мый сэсся вөчан. Муна гортө, бара мыйкө босьта киө, жугөда либө мөдлаө пукта. Ыджыд мам бара мөдас люкөдны сэтчө да велөдны овны. Бара лоө ставыс гажтөм. Бурджык ветла гортө, босьта вугыр шать да пукалышта ты дорын. Гашкө, мыйкө шедас, кутшөмкө чери: кельчи либө йөрш. А гашкө, сир?

Но Денислы вөлі забеднө сыысь, мый сэтшөм мича мойдыс,

кор эськө сійө мөдiс гөгөрвоны став ловъя лолыслысь сёрнисö, эз збыльмы. А кутшөм эськө вöли интереснö: кывзысьыштны, мый сьылöны лэбачьяс, мый йылысь котсöны курөгъяс, мый руксö-висьталö чошö, мый увтö Тяпи понпиныс.

Детинка чеччис пörөм пу вылысь, аддзис зор да дöзмöмвыв-сьыс чорыда кучкис коз пуас, кöни неважөн пукалис лэбач да китшкис-висьталiс Денислы (а гашкö, ставыс сылы сöмын кажитчис?), мый сійө мөдас гөгөрвоны лэбач да пемöс сёрни.

Пу вывсьыс жбыр лэбзисны пыстаяс, вöлөм, унзильмöмaсь лапъяс костас, а гашкö, и ойбыртлiсны.

— Этайö, кык кокаясыслөн, сямтöм зонкаыс чегсьöдiс,— друг кылiс Денис вöсньыдик гөлöс.

— Код тайö? Кодi шуис?— зонка весиг мышкыртчыштлiс тайö кывъяссö кылöм бöрын. Пыстаыс кодыскö. Сэсся некоды. Код йылысь тадзсö шуисны, Денис йылысь? Но мыйла татшöм мисьтöмa: «сямтöм зонка», «кык кокаяслөн»?

Пыстаяс пуксисны орчча пу вылö.

— Ме тай шулi, мися, нинöм бурыс оз ло керка лэптöм бöрас,— бара сэтшöм жö вöсни гөлöс кылiс.

— Миянлы сöмын дöзмöдчöны, оз сетны бура овны,— содтiс мöдыс.

Пыстаяслы эз нин узьсьы, ойбырмунöмсö вунöдiсны, мöдiсны таргыны.

— Нöшта на зонкаыс зэв аслыссикас. Мыйкö век неладнö вöчö. Мыйö оз босьтчы, сійö и жутöдö.

Денислөн вомыс калькмунiс татшöм кывъяссö кылöм бöрын. Тайö тöлктöм пыстаясыс сы йылысь сёрнитöны? Сийöс видöны? Курөг юръяс!

Зонка босьтiс ыджыдкодь кос ув да шенасьöмөн вöтлiс пыстаяссöс.

— Кысь! Мунö татысь, тöлктöм юръяс!

— Аддзан-ö, кутшöм сійö омöль зонка?!— дöзмöмпырысь шуис öтиыс.

— Тьпу! Тьпу!— сьöлыштiс мöдыс.

Сямтöм зонка

Татшöм сёрни гөгөрвоöмьд Денислы оз ков. Ёна тай! Сийöс нöшта и лэбачьяс пинялöны! Пиньтöм вомъяс! Курөг юръяс! «Меным татшöм козиныд оз ков! Мездiн менсьым пиянöс! Ме тэнö аттьöала! Тэ мөдан гөгөрвоны лэбачлысь да став ловъя лолыслысь сёрнисö!— нерыштiс зонка öнтая лэбачöс.— Да ёна мен колö! Мöда кывзыны, кыз менö пинялöны!»

Скөрйивсьыс Денис босьтiс ыджыдкодь из да шыбитiс тыас. Изйыс бузнитчис берегсьыс неылö, гыясыс паськыда разалiсны сы гөгөр.

— Дзeбсьöй, дзeбсьöй, изйөн лыйсьö!— кылiс сійö тяпöдчана сёрни.— Этайö кык кокаясыслөн тöлктöм зонкаыс танi.

— Татчöдз воöма! Ас керка дорсö ставсö нин пузувтiс да,— кылiс сійö сэтшöм жö тяпöдчысь, но дзуртанаджык гөлöс.

— Кодöс ме пузувтi? Мый ме пузувтi?— нöшта ёна дöзмис зонка.

Но тяпöдчысь вомаяс водзö сёрнитiсны.

— Керкасё татчө лэптисны, да матігөгөрсыйс ставлы ковмис мунны,— шуё отикыс.

— Быть од. Тонё беддён жвучкалё-вачкылё ваас, то изйён лыйлё. Юрад кө веськалас — виныгыртан,— шогсьё модыс.

— Сэтшөм сямтём зонка.

— Вывті сямтём.

Денисёс шогөдіс тайё сёрнисыйс. Сійё дась вөлі лэбачыслы бөр сетны төдөмлунсё, мед сөмын не кывны татшөм кывъяссё. Сы йылысь таdzi шуасьёны? Сы йылысь? Тайё тяпөдчысь вома-ясыс, буракё, лягейяс. Босьтас вот ыджыд из да кыз бузнитас ваас. Мед төдөны, кыз нимтысьны. Мед ставныс татысь ризі-разі лэбовтасны. «Сямтём зонка», «вывті сямтём». Асьныс кутшө-мөсь! Мый кужоны? Пась вомнаныс сөмын тяпөдчөны. Весько-дяс! Мунас гортас, сәні некутшөм лэбач ни лягей абу. Дышөдіс таянёс кывзынысё.

Ыджыд мамлөн ошкөм

— Кытчө нө ветлін?— юалис ыджыд мамыс төждысяна, быт-тьё асывводзнас эз и вөв некутшөм зык ни шум.

— Вөрө.

— Тэ ылө эн мун, вошан.

— Ог, керкаыс од ылысянь тыдалё. А ылала кө од, ты дорас век пета. Сэтысянь сәсся туйыс сюрас нин. Ме од абу нин ичөт.

— Абу, эськө, ичөт да. Сюсьён колө лоны. Вөрас ветлөдлыны колө кужны.

— Менё бать велөдліс.

— Колө төдны: шонді воча кө пыран вөрас, шонді бөр колө петны.

— Ме төда, ыджыд мам.

— А шондіыс кө абу, пуяс серти видзөдны: лунвывладорас пуясылөн унджык увйыс.

— Да төда, ыджыд мам. Тэ Соняёс велөд.

— Сійё ичөт на. Сійёс өтнассё вөрө он лэдз. Вай сөйышт, кынөмыд, көнкө, орө-сюмалө.

Сөйигас Денис висьталіс ыджыд мамыслы пөрөм пу йылысь, лэбач поэтыр лэптөм йылысь. Таысь сійё ёна ошкис Денисёс, бур сьөлөма пө быдман.

— Ыджыд мам, кутшөм эськө тайё лэбач вөлі?

— Сьод, шуан? Еджыд чутъяса? Айыс мичаджык, лөсталан гөна?

— Да.

— Висьталөм сертиыд кө — ябыр.

— Ме сідз жө чайті. Сөмын шунысё стөча эг лысьт.

— Но, ябыртө од аддзывлін, найё и сиктын олөны, и вөр дорын, и муяс дорын. Скворечникис кө оз сюр сиктсьыс, пу горсьяс корсялөны. Сывнысё уна ног кужоны и. Төлка лэбачьяс.

Сәсся кежөдіс сёрнисё, шуис, мый Денис ыджыд нин, да содтіс, мый сылы уджавны колө, а уджтөгыд сөмын чөйтө дзерө-дан, чачаяс жуглан. Он төд, кытчө вынтө воштыны. Сәсся сійё дыр висьтавліс, кызди челядьдырйиыс ёна уджавлөма, тулыснас

ёг весйывлёма, гожомнас турун пуктылёма, арнас тшак-вотёсла вөрө котралёма, кага видзлывлёма.

Талун со ыджыд мамыс ошкис: бур сьолёма пö быдман. Отчыдысь лунтырнас. А кымынөн пинялісны. А ябыр позтырсö эськö быдөн лэптисны, Денис со веськалі лэбачпиян шөрö да Денис и мездіс пикö воомаяссö. Батыс кө веськаліс сійö туяс, сідз жö вöчис. Но ябырлөн козиныс эз во сьолём вылас зонкалы. Медводз эськö нимкодясис, мый мöдас гөгөрвоны звер-пöткалысь сёрнисö. Но кор кывзысьштіс да гөгөрвоис, мый сійöс сэтшöм ёна пинялёны лэбачьяс да лягейяс, зэв ёна дöзмис. Оз ков сылы татшöм козиныс. Кызди ябырыс шуис? Кодлыкö висьталан кө, дугдан гөгөрвоны. Вот висьталас ыджыд мамыслы, и ставыс помасяс. Сэсся оз мöд Денис кывны, мый сы йылысь чипсöны йöй пыстаясыс либö ватшкöны пась вома лягейясыс.

Денис йылысь юöрыс паськалö

— Ыджыд мам, ме лэччала ты дорас, вуграсьшта.

— Вугрась. Мед Петыр Павелыс сетас тэныд чери гырысь и посни, гырысь и посни.

— Ыджыд мам, чери кыйны мунігөн век Петыр Павелöс гаралан, а көн нö сійö черисö сеталö? Гашкö, ме ог и вугрась, а сы дорö ветла?

— Ланьт, эн ышмы. Петыр Павелыслы колö кевмысьны, мед чериыд шедас.

— Но либö тэ, ыджыд мам, кевмысь. Мед шедö.

Ты дорын, керкасянь неуна веськыдвылынджык, батыслөн да Денислөн радейтана чери кыянін, сэні тыыс джуджыдджык, и чериыс шедісджык. Дзик берег дорас пөрöм пу вужля улын и пукаліс Денис. Кор мöдіс вугырö пысавны нидзув, кывліс эськö кутшöмкö шы, но зэв гуся, да зонка эз гөгөрво шуöмсö. Чöвтис табсö да мöдіс виччысьны. Коли нин мыйтакö кад, но табсö некод эз дэбöд. Регыдья кадөн и дышöдіс сылы нем вöчтöгыс дзоргыны ва вылас. Но нинöм вöчны Денис эз лысьт. Пуö кучкыны он лысьт, гашкö, сэні бара кутшöмкö лэбачьяс ойбыралöны-вугтралöны, либö нöшта мыйкö. Ваö из шыблавны оз позь, бара лягейяс мöдасны тшетшійöдчыны-пинясьны. Мый и позьö? Денис бужöдті кайис вывлань да пуксис вутш вылö, пуяс костöд мöдіс видзöдны ты вылö. Сэні, уліас, öткөн гажтöмтчис сылөн вугыр шатьыс. Тыыс ыджыд, талун лöнь да абу гыа, ваыс сук лöз рöма. Мöдар берегас тыдалöны еджыд кока веж кызьяс, нöшта кутшöмкö пемыд корья пуяс, буракö, льом пуяс, сэтчöдзсö Денис эз на волы да стöчасö оз тöд. Но сыладорыс латшкöсджык берега да корья вöра. А таладорыс джуджыдджык, берегыс крут, ёнджыкасö таті лыска вöра. А увланыс, ва дорас матынджык, быдсяма пуыс жö быдмö: пелысь, льом, водзын — бадь, сэтöр, öмидз.

Пукалö Денис, видзöдö водзлань, любуйтчö веж мичнас. Друг кыліс нургана сёрни:

— Лёка узи колян войö,— шуö кодкö.— Тöрыт эстчö, керка дорас, ветлі видзöдлыны, коді сэні олö. Воис кутшöмкö сьöд жургысь, а ме повзи да вөрзыны места вылысь ог вермы. Сэ-

тысь петісны кык кокаяс, кыкѳн, энъ да ай, буракѳ, керкаас пырисны. Съѳд жургысьыс ланьтіс. Дыр эг лысьт вѳрзьѳдчыны, сѳсся матыстчы, мися, мыйсяма пемѳс тайѳ. Исышті, да сѳтшѳма несйѳдіс. Сѳтшѳм лѳк дука, муртса эз вукѳд. Войбыд сѳсся несъялі.

Денислѳн серамыс петѳ, но кутчысьѳ. Кывзысьѳ. Дерт, гѳгѳрвоис нин, мый машина йылысь сѳрнитѳны. Но кодъяс? Кыйкнитліс ѳтарѳ-мѳдарѳ — некод оз тыдав.

— Кывлі жѳ эськѳ, кык кокаяс пѳ локтѳмаѳсь овны татчѳ, да эг на ветлы видзѳдлынысьѳ,— тайѳ сѳрнитысьыс нюжйѳдлѳмѳнджык шуаліс кывъяссѳ.

— Ветлы,— шыасис воддзаыс,— но жургысь дорас эн матыстчы, он кѳ кѳйы ме моз войбыд несъявны. Хи-хи-хи,— серѳктыштіс кодкѳ.

— Ме кывлі, кык кокаясылѳн пѳ пиныс зѳв збой да сямтѳм.

Денис весиг лов шысѳ кутыштіс: тайѳ сы йылысь сѳрнитѳны. Лѳк ногѳн, нимтысьѳмѳн. Но кодъяс?

— Кывлі, ме тшѳтш кывлі, кор пѳ сйѳ керкасьыс петас, колѳ ылѳ пышйыны. А то вермас зорйѳн лыйны. А то и кучкас на мыйѳнкѳ, да оран.

— Тѳрыт лягейяс кваксісны, изйѳн пѳ лыйлѳма.

Денис сѳсся татшѳмтортѳ эз нин вермы кывзыны: сѳтшѳма мѳдіс ярзыны да скѳрмыны, весиг кабыръяссѳ зѳвтіс. Сувтас да корсяс нургысьяссѳ да кыдз швичкас ньѳрйѳн, мед тѳдласны да татшѳм лѳка сѳсся сы йылысь оз шуасьны. Но кутіс асьсѳ. Лѳньѳдіс. Код тѳдас, кодъяс сѳрнитѳны. Колѳ кыйѳдыштны. Кыліс сѳрниыс веськыдвывсянныс. Денис гусьѳн-гусьѳн воськовтіс гоз-мѳдысь, но увтор чегис кок улас, да сѳмын казяліс, кыдзи куст сайсянь тювкнитіс визяорда да воши пашкыр лапъя коз улѳ. Мѳдсѳ зонка эз аддзыв, буракѳ, мѳдарѳ котѳртіс. Жаль, мый лѳкгоршѳн горѳдѳмѳн эз уськѳдчы на вылѳ да эз повзьѳд.

Чери кыйѳм

Денис лѳччис бѳр аслас шатин дѳрѳ. Лѳптыштліс, абу-ѳ кодкѳ шѳдѳма, сѳсся бѳр чѳвтіс. Пукалыштіс муртсук. Мѳвпаліс. Став вѳр пасьятыс на йылысь сѳрнитѳны. Кык кокаясѳн шуѳны. Кыйѳдчѳны. Волѳны гусьѳник видзѳдлыны на вылѳ. Но мед эськѳ. Но мыйла Денис йылысь сѳтшѳм лѳка сѳрнитѳны? Эз на вевъяв Денис став матігѳгѳрса вѳрсѳ кытшовтны, некод бѳрся зорйѳн эз вѳтлысь, некодѳс эз дойд, а лѳк юѳр сы йылысь паськалѳ. Буртор на вѳчис, ябыр позтыр лѳптіс. Сы йылысь мыйлакѳ некод оз казьтыв. Ачыс ѳд Денис оз мѳд горзыны: ме бур вѳчи, мыйла менѳ пиняланныд. Да ѳд лѳбачьясыс да пемѳсьясыс сйѳс оз гѳгѳрвоны. Бара мѳдасны шуны: сямтѳм зонка, сямтѳм зонка, вѳр тырнас равзѳ. И кыдзи сѳсся тані колѳ овнысьѳ? Сиктын олігѳн вѳлі ставыс гѳгѳрвоана: пет да ворс керка дѳрад, позьѳ и котравны, и горзыны, и мач чужьявны. Ас коддьѳмыс уна и. Тані Денис ѳтнас. Ыджыд мамсѳ да Соняѳс кѳ не артавны. Накѳд ѳд он ворс, он котрав, весиг чери кыйны оз локны, кѳть мырдѳн кор.

Денис выльысь лѳптыштліс вугыр шатсьѳ. О, нидзувсѳ кодкѳ

нямёма. Сідзкё, кутшөмкё черилөн кынёмыс сюмалёма. Регыд мёдасны нетшкыны нидзувтё. Бара самалис нидзувсё да чөвтис. Трук-трак, табйис суніс ваё. Денис лэптыштіс черисё берегё. Ёкыш шедёма. Мездіс вугырсё, черисё шыбитіс турун вылө.

— Лэдз менё гортё, лэдз менё гортё,— назгём кыліс зонка.— Пёда, пёда, сынёдыс уна! Лэдз менё ваё.

Денис эз тёд, мый и вёчны. Лигышмуні ки и кок. Чериыс пессис да назгис-корис лэдзны ваё.

— Мыйся нё тайё чери кыйём тадзтё?— шензьё Денис.— Бөр кө лэдзны, мыйла и кыя либё?

Вылысь пысаліс нидзув да бара чөвтис вугырсё зонка. Недыр мысти лэптіс кельчи. Сійё бара мёдіс вёзйысьны нор гөлөсөн:

— Лэдз менё гортё, лэдз менё чой-вок дорё. Пёда ме, пёда. Сы дорын бара йиджласьны мёдіс ёкыш:

— Кула, кула, ва колё.

Денис ыджыда сёлыштіс:

— Мыйсяма чери кыйём тайё? Абу чери кыйём, а нок,— босьтіс кыйём черисё да кыкнансё өдйөдчөмөн шыбитіс ваё.— Мунёй! Олөй кыз кулад! Лөвтөмнад дөзмөдінныд менё,— кватитіс вугыр шатьсё, нидзув банкасё пөрөдіс муё.— Мунёй тшөтш. Веськодь. Тшөтш өд, буракё, назганныд вөсньыдика, да ме ог кыв. Олөй! Олөй! А ме муна гортё, йөртча аслам жырьё да не-кытчө ог петав! Нинём! Титөг ола! Некод меным оз ков,— и зонка, киас вугыр шатя, скөра мёдіс восьлавны гортланьыс.

— Кык кокаыслөн сямтём зонкаыс локтё, кык кокаыслөн сямтём зонкаыс локтё,— кыліс сійё ичөтик пысталысь чипсөмсё.

— Бара ме йылысь!— скөрйывсьыс Денис мышкыртчис, корсис из да мый вынсьыс лыйис сэтчань, кытён чивзіс пыс-таыс.

— Ой, коді лыйсьё?— букөстіс кодкё, а сэсся паськыд борд-сё шевкнитөмөн лэбис сюзь, зурасис мөд пуё да уси му вылө. Вөлөм, сійё куткырвидзё-узьё сэні, ув вылын.

Денис сэтшөма повзис сюзьлөн букөстөмысь да усьөмысь, сійё котөрөн уськөдчис гортас, мед сэсся некодөс не аддзыны, некодөс не кывны, став водзын не лоны мыжаён.

Денис майшасьё

Денис пуктіс посводзё вугыр шатьсё, пөрчис көмкотсё да видзчысьөмөн гусьонмоз пырис гортас. Сылөн жырьыс мөд судтаас. Мед эськё некод оз казав сылысь локтөмсё, мед эсь-кё ыджыд мамыс оз мөд юасьны, кытчө ветліс да мый кыйис. Денислы колё вөлі олыштны өтнаслы, мөвпалыштны, кызди-мый водзё овны.

Мыйкё дзугсис сылөн олөмын. И дзугысьнас лои ябыр, коді сетіс сылы лэбач да пемөс сёрни гөгөрвоём. Ёд быттё бур вы-лө жё сетіс тайё төдөмлунсё. Пиянсё мездөмысь аттьөалөмөн. А мый таысь артмис? Оні Денис оз куж овнысё. Он нин шу вөрті ветлөдлөм йылысь, керка дортіыс он лысьт, чери кыйны он лысьт, изйөн ни беддён шыбитны он лысьт. А мый сэсся позьё? Денис дзугё йөрмөм лэбач моз эз аддзы петан туйсё. Дзугйыс быттё пыр ёнджыка и ёнджыка зэлаліс. И петан ту-

йыс эз ло. Эм, дерт, ѡти петан туй: кодыкѡ висьтавыны, мый Денис гѡгѡрвоѡ лѣбачьяслысь да пемѡсьяслысь сѣрнисѡ. Ай ябырыс ѡд сэки шуис: висьталан — дугдан гѡгѡрвоны. Но Денис пыр на майшасис, некыдз на тырвыйѡ эз вермы вежѡртны, мыйла ябырыс сылы тайѡ тѡдѡмлунсѡ козыналіс. Гашкѡ, сылы ковмас на коркѡ. Сы вѡсна висьтавыны некодлы оз позь. Сідзкѡ, колѡ велѡдчыны мѡд ног овны, оз сідз, кыдзи став йѡзыс олѡны. Ѳд найѡ оз думайтны быд здукѡ лѣбачьяс либѡ пемѡсьяс йылысь. А Денислы ковмас. Кор Денис тадзи шуис аслыс, лои кокныбджык. Сідзкѡ, висьтавыны ассыс гусятѡрсѡ некодлы оз позь.

Майшасьнысѡ Денис дугдіс. Лѡнис. Кыдзкѡ, гашкѡ, велалас мѡд ногсѡ овныс. Видла, тадз шуис аслыс зонка. Сэсся, мед ылѡдчыны тайѡ мѡвпьяссыс, петіс спортивнѡй жырьѡ. Тані вѡлі тренажѣрнѡй туй, гортса велосипед, груша, кытчѡ позис кучкавыны, мыйта кѡсьян, ки мудзтѡдзыд, бильярдѡн ворсан пызан. Денис боксѣрскѡй перчаткаасис да мѡдіс кучкавыны ѡшалысь грушаѡ, мѡдыс бовьяліс, эз кѡсйы сетчыны. «Грушаыд оз элясь ни оз няргы,— мѡвпыштіс Денис.— А кужис кѡ сѣрнитны, гашкѡ, норасис жѡ?» Ѳні Денислы кажитчис, мый сѣрнитны кужѡны оз сѡмын лѣбачьяс да пемѡсьяс, но и ставыс, мый эм сы гѡгѡр.

Выльнога олѡм

Денис садьмис водз, но шондіыс ѣна нин нюмьяліс енэжын. Зонка восьтіс ѡшиньсѡ да медводдзаысь мѡдіс вѡчны зарядка. Некодѡн тшѡктытѡг. Ачыс. Ѳд тѡрытсаянь сійѡ шуис овны мѡд ног. Сідзкѡ, тайѡ мѡд ногсѡ колѡ заводитны талунсянь, асывводзсянь. Мед лоны збойѡн, ѣнѡн, и сэк жѡ некодѡс, коді ичѡтджык, жебджык, не кедзѡтны, не дойдны. Дерт, буракѡ, сьѡкыд лоѡ тадзтѡ овны. Но Денис ѡд и водзынджыксѡ эз дойдлы некодѡс, эз кѡсйыв дойдны, дзерѡдны, но сылѡн сідзи артмыліс. Ас кѡсйытѡгыс да ас тѡдлытѡгыс. Сѡмын Денис та йылысь некор эз мѡвпавлыв. Ыджыд мамыс кымынысь кевмыліс: «Тѣ медводз мѡвпышт, а сэсся вѡч».

И со Денис кѡсйѡ овны выль ног. И сэтшѡм кыпыд руѡн вѡчѡ зарядка. Друг детинка кыліс сьылѡм:

Ме медся збой,
 Ме медся ѣн!
 И некодысь
 Ме тан ог пов!

— Коді нѡ эськѡ медся збойыс тані? Коді татшѡма ошйысьѡ?

Денис гусьѡник матыстчис да видзѡдліс ѡшиньті. Керкадорса льѡм пуын пукаліс ичѡтик пышкай да сьылісѡ гоньѡдлѡмѡн гажаа сьыліс:

Ме медся збой,
 Ме медся ѣн!
 И некодысь
 Ме тан ог пов!

— Ок, кутшом ошйысьысь!— серамыс петіс Денислон.— Час, повзёда тэнё, да өдйё вунодан сыланкывтё: «Медся ён, медся збой». Кёсйис нин ырыштчыны пышкай вылас, но эновтчис. Мёвпыштіс: «А пышкайсё вөтлөмыс нё тшөтш лёктор лоё? Али сөмын вильшасьём? Шмонитём? Ворсём?» Денислон мөвпа-лігкості пышкайыд лэбзьёма, повзёдтём лои.

Өбедайтёгон ыджыд мамыс зэв нора видзөдліс раммом Денис былё:

— Мыйкё лои али мый? Гашкё, висян?

— Ог, ставыс бур,— тэрыба вочавидзис зонка.

— Но, медъянё,— шуыштіс. Но сэсся оз, оз да и бара зэв сюся видзөдлас зонка былё.

— Ыджыд мам, мыйкё, гашкё, отсыштны колё?— юалис зонка да тайон нин дзикөдз весьөпөртіс ыджыд мамсё. Сійё здук-мөд чөв оліс, буракё, мөвпаліс, кутшом удж эськё позьё сетны сылы, сэсся вөзйис:

— Мун петап инё, курөгъяслы шөна койышт да васё ворсьыс веж.

Денис лэччис курөгъяс дорё. Сарай сайын, шонді водзын, налы кыём сутугаён торйөдөма неыджыд ин. Пырис на дорё, медводз вежис ворсьыс васё, сэсся койыштіс шонді кодь виж шөна. Неыджыд гөрд сорса еджыд курөгъяс өта-мөдсё ордйөмөн уськөдчисны кокасьны. Кыкөн венё воисны:

— Эн тойлась! Кот-кот-кот!

— Кот-кот-кот! Ачыд эн тойлась!

— Сідз өд и ордйис менё!

— Весась!

Ыджыд зыкё воисны курөгъяс. Денис синсё шармөдөмөн видзөдө налөн косясьём былё. Сэтшөм тешкодьёсь найё, сылы тшөтьныс лыбис, тайкё уськөдчасны өта-мөдсё кокавны.

— Кот-кот-кот! Тшөть! Ланьтөй, курөг юръяс!— өлөдіс найөс ыджыд гөрд сорса петук, коді мыччысис сарай өдзөссянь. Сэсся зэв тшапа видзөдіс курөгъяс былё, тшөтш матыстчис да мөдіс кокасьны. Но кокасигмозыс пыр матөджык и матөджык сибөдчис Денислань. Сэсся эновтіс шыдөссө да скөрысь котсөмөн бокног мөдіс матыстчыны зонкалань.

— Мый тан керан?! Мый тан керан?!

Муртса Денис вевъяліс пөдавны ас бөрсяыс сутугаысь кыём дзиръясё, кызд петукыс паськөдөм бордъясөн люкасис сэтчө. Эз кө пет, эськё веськыда Денис былё чеччыштіс.

— Юртё кокала! Юртё кокала!— бара на мөдысь шыбитчис дзирьялань петук.

— Сэтшөм збой, төкөтьё менё эз кокав,— элясис Денис ыджыд мамыслы.

— Оз радейт, мед сылөн йөрө кодкө пырас. Видзчысьны колё, вермас кокавны,— велөдіс ыджыд мамыс.

Соня ворсіс кильчө дорын лыа вылын.

— Соня, лок пуксьы, качайта,— корис Денис.

Нывка радпырысь эновтіс ассъыс чачаяссө да котөртіс Денис-лань. Мөдыс зэв төждысьөмөн пуксьөдіс чойсё качайё да ньөж-йөникөн өддзөдіс.

Ыджыд мамыс сюся видзөдіс Денис былё. Зонка эз вөв ас кодыс. Мыйкё вежсис. Но ыджыд мамыс некыз эз гөгөрво,

мый лои. Мыйла татшом лонь? Весиг Соняос оз дзерод, ворсодо со. Та вoсна сийо шуис син увсьыс не лэдзлыны зонкаос. Сийо ёнасо эз эскы вежсьомгьясыслы. Тодіс, мый тайо недыр кезло. Регыд мысти Денис бара модас дзеродны чойсо, краийодлыны одзос, горзыны да ловтны быд ногыс. Лонь оласногыс абу сылы. Сэтшом нин чужома: модора-дора.

Урьяскөд аддзысьом

Ыджыд мамыс бура тодіс внуксö. Дыр отилаын чöv сулавны Денис эз вермы, колö вöлі мыйкö вöчны. Юрас бергаліс öти мовп: ветлыны матігөгöрсä вөрö, но некодос не дзеродны, некод вылö не тальчыны, мед сийос сэсся некод оз вид.

— Ыджыд мам, ме вөр дорас ворсышта.

— Ылö сöмын эн мун.

Денис видзчысьомон пырис пуяс сайö. Но видзчысьомон ветлöдлыны вөрті сылы лои дыш. Кутчысьыс да öшöдчыліс öти коз лап вылö. Доймисны чуньясыс, сэсся небыд ныв пу лапö инмöдчыліс, сэсся увйысь увйö кайис джуджыдкодь пуö.

— Ктш-ктш-ктш-ктш,— кыліс. Но тайö эз вöv катшалон китшкөм кодь. Денис кывзысьыштіс.

— Ктш-ктш-ктш, пуö кайö кык кока. Регыд воас ми дорö. Мый вöчны? Пышйыны? Али пыдöджык дзебсьыны?

— Ктш-ктш-ктш. Көнi мамыд? Мый öнi лоö?

— Ктш-ктш-ктш. Вай дзебсям пыдöджык. Гашкö, мянös оз казав.

Денис весьöпöрис. Кодъяс тайö? Сыысь татшöма повзисны? Мамсö гарыштісны, сідзкö, посниös. Гашкö, кутшöмкö лэбач поз? Денис гоньялыштіс-видзöдалыштіс, но некутшöм лэбач поз эз аддзы. Зонкалы зэв окота лои видзöдлыны, кодъяс тайö сёрнитысьысыс, и сийö ньöжйөнiкөн модіс кайны вывлань.

— Ктш-ктш-ктш, матын нин! Ме пола!

— О-о! Пу горс! Коді нö эськö тані олö? Да зэв ёна меысь полö?

Пу горсйыс абу ыджыд, кырсьыс дінсьыс вушйöма, доръясыс, медсясö улітыс, волялöны. Буракö, дыр нин тані кодкö олö. Но коді? Сёрнияс дугдісны кывны. Гөгöр чöv-лонь. Дзебсисны олысьысыс. Денис судзöдчис кинас горсйöдзыс, но некод ки улас эз шед. Ковмис кайны выліджык ув вылас. Öти кинас кутчысис увъяс, а моднас бара судзöдчис. Некод эз шед. Сідзкö, пыдынджыкös, горс пыдöсас куткыртчöмаös. Сöмын вот кодъяс? А пиня-гыжъяös кö? Сюяс Денис сэтчö кисö, а сэнi тшап курчасны? Оз. Кывліс öд Денис налысь сёрнисö, полöны сыысь. Зонка бара лöсьöдчис, öти кинас кутчысис горс дорышас, а модсö суйис пыдöджык. Киыс инмис мыйкö шоныдö да небыдö. Кималасөн босьтіс öти шоныд ёкмыль. Кутшöм сöмын шы эз мод кывны: и вöсна чилзöм, и китшкөм, и пинясянанога клотшкөм! Денис перйис ёкмыльсö ортсö: гөрдов гöна, сьод бöжа ичöтик ур.

Муртса удитіс кыскыны урписö, кыліс: кодкö тапнитіс сийос пельпомас. Денис дрөгнитіс, повзис, шатовмуні, муртса эз усь. Коді? Ачыс Вöрсаыс? Эз на вевъяв бергöдчыны, видзöдлыны,

кодi нö тапнитiс сийöс пельпомас, кодкö ёсь пиньясöн варснитiс-курччис сылысь пельсö. Доймöмысла сийö ойöстiс, кийс мынiс пу горс дорышсьыс, и Денис увйысь-увйö крукасьлигмоз мöдiс усьны. Öти киас кутiс урпиöс, эз лысьт шыбитнысö, мед оз доймы, а мöднас, шуйганас, эськö видiс кутчысьны кутшöмкö увйö, мед не шнёпкысьны муас, но весьшöрö. Шуйга кийс эз вöв сэтшöм пельк да ён, мед кутчысьны да не усьны. Увьясис гирслiсны Денислысь чужöмсö, кияссö, но муртсук кутыштiсны сийöс весьтас усьöмысь. Муас грыпнитчöм бöрын вöлись вöсьтiс веськыд кисö, мед урпиыс вермас чеччыштны. Урпи вöли ловъя, но сöмын ёна повзьöма. Сийö чеччыштiс Денис ки пыдöсысь да лыйыштiс-котöртiс орчча пу сайö. Денис син бöжнас казялiс, мый сы бöрся уськöдчис ур, письыс ёна ыджыдджык. «Буракö, мамыс вöтчис. Сийö и пуксис меным пельпомö да пельöс курччис»,— вирдыштiс Денис юрын. Зонка воштiс садьсö.

Больничаö

Дыр-ö Денис куйлiс садьтöгыс — оз тöд. Воис ас саяс — вöрас лöнь. Буракö, рытлань кадыс. Висис юрыс, доймис кийс и кокыс, чöсöдiсны дояиньяс. Чотiгтыр сийö мöдöдчис гортланьыс.

Гортас ставныс шызьöмаöсь: кытчö воши Денис, мыйла та дыра абу? Ыджыд мамыс звöнитлöма мам-батъыслы, найö воöмаöсь водзджык, гөгöртöмаöсь матiгөгöрсö, но зонкаöс абу аддзöмаöсь. Бур, мый сийö ачыс петiс вöрсьыс. Денисöс гөгöрбок видзöдалöм да видлалöм бöрын шуисны нуöдны сийöс больничаö. Денис водзсасис, пыксис, эз кöсийы мунны, но весьшöрö. Ковмис кывзысьны мам-батъыслысь.

Машинаын небыда лайкъялöмөн, мамыс дорö топöдчöмөн, Денис мунiс шöрсиктö, сэтчö, кöни сийö овлiс выль керкаö вудж-тöдз, кöни вöлины сылөн ёртъясыс, школа. Эз кö батъыс лэпты керкасö ты дорö, эськö Денис олiс важ мозыс, ёртъясыс моз. А öни? Öни сылөн мöд нога олöм.

— Мам,— шыасис сийö.

— Мый, доймö?— тöждысяна юалiс мамыс.— Терпityшт, регыд воам. Сэсся öлöдiс: эз ков пу вылас кайныс.

— Меным окота вöли видзöдлыны, кодъяс сэни, пу горсъяс, китшкöны,— шуис Денис и, гашкö, эськö сийö висьталiс мамыслы, кывлi пö, мый сёрнитiсны урпиян, но торкис батъыс.

— Гашкö, ньöжйöджык мунны, öдсö чинтыны?— юалiс батъыс, сийö пукалiс водзын да нуöдiс машинасö.

— Оз ков, меным абу лёк,— вочавидзис Денис да ланьтiс. Мамыс дорын вöли сэтшöм лöсьыд, шоныд. Дырджык эськö тадз пукавны. А друг сийöс больничаас колясны öтнассö? Денис гажтöммис, зумышмис.

— Эн пов, ставыс лоö бур,— быттö кылöма пиыслысь майшасьöмсö, такöдiс мамыс.

Денисöс колисны больничаö. Палатаыс, кытчö сийöс пыртöдiс медсестра, вöли югыд, сöстöм, ыджыд öшиньяса. Сэни вöлины куимöнöсь: öти детинка тшöтшгьякодъ, а кыкөн ичöтджыкöсь. Найö буретш лöсьöдчисны водны, но аддзисны Денисöс да мöдiсны дзоргыны сы вылö.

— Чолѳм,— шыасис Денис. Сылы вичмис ѳшиньдорса крѳватъыс. Зонка чѳвтїс крѳватъбердса тумбочка вылас пакетсѳ да пуксис.

Ичѳтик тушаа, еджыд юрсиа да беринѳсь чужѳма детинка матыстчис Денис дорѳ да кузякодъ чѳла видзѳдїс сы вылѳ. Сэсся юалїс:

— Тэнѳ ош сарпалїс?

— Эз.

— А кодї?

— Ёдї,— ѳвтовтчис Денис, сылы дыш вѳлї сѳрнитнысѳ. Скѳралїс, мый сїѳѳс колисны татчѳ.

— Ёдї?— выль пѳв юалїс детинка.— А мый, тэ ваѳ усьлїн?— серѳктїс сїѳѳ.

— Усьлї, вѳйлї, ёдїкодъ аддзысьлї, нѳшта мый?— дѳзмѳмпырьсѳ шуалїс Денис.

— Нинѳм,— лапїѳдлыштїс сїѳѳ еджыд синлапгъяснас да веш-йис.

Мукѳдыс чѳла водалїсны, некод сэсся нинѳм эз юасѳ. Денис пѳрччис джинсы гачсѳ да водїс жѳ. Вой кежлѳ некутшѳм лекарство эз сетны. Мыйла татчѳ и колисны? Юрыс, дерт, висис. Дойясыс ёнтїсны, но терпитана. Денис вугыртлис нин, кор медсестра корис сїѳѳс. Дойяссѳ мыйѳнкѳ мавталїс, тѳбис-кѳрталїс бинтѳн доймѳмингъяссѳ, кытчѳсюрѳ лейкопластыр ляскис.

— Повзѳдчысь кодъ лои,— ас вылас видзѳдлїс да мѳвпыштїс Денис.— Тадзи кѳ эськѳ керкадорса вѳрѳ петї, мый эськѳ шуисны вѳрса олысьяс? Бара мѳдїсны китшкыны-сѳрны: «Сямтѳм детинка, сямтѳм детинка». Лѳсьѳда рогатка да ставнысѳ лыйла, кодї тадз мѳдас шуавны. Мед лангътасны.

Тадзи став вылас дѳзмѳмѳн и унмовсис Денис выльлаын.

Выль ёртгъяс

Денис садъмис водз. Ставѳн на узисны. Гажа, шондїа асыв. Восьса форточка пыр кылїс вензѳм.

— Оз ков тадз сывны!

— Тэ менѳ эн велѳд!

— Лѳсьыда сыв дай.

— Ме ачым тѳда, кыдзи колѳ!

Денис чеччыштїс крѳватъ вывсьыс да видзѳдлїс ѳшиньѳ: орчча кыдз вож вылын пукалїсны кык ябыр да вензисны. Денис гораа серѳктїс. Таысь садъмисны зонкаяс.

— Чеччѳй,— шыасис на дїнѳ Денис.— Ывлаыс бура югыд нин.

— Водз на,— стенлань бѳр бергѳдчис Денискѳд тшѳтшгъяс зонка.

Но посниясыс чеччалїсны.

Вайисны градусникгъяс. Тадзи заводитчис медводдза луныс больничаын.

Врачыс, ыджыд тушаа, паськыд ныр-вома ань, Денисѳс видлалѳм бѳрын шуис, мый вежон-мѳд ковмас овны танї.

— Вежон-мѳд?— чуймис Денис.— Ме ог вевгъяв. Менам каникулгъяс.

Врачыслөн татчö петіс серамыс.

— Каникул дырйиыд унджык прöст кадыс,— кайтыштіс петіг-мозыс нин.

Зонка шогö уси. Вöлі кө эськö велöдчан кад, сэки позис тани лунъяссö колявны, шойччыштны школаысь. Но куйлыны больничаны гожöмын? Ёна тай! Пышъяс! Тан оз жö мöд овны. Дойясыс бурдасны. Сöмын вот юрыс висьö. Но видзöдлас, öти лунсö овлас да.

Луныс быттьö öдйö и коли. Вылысь тöбисны дойяссö нюдз виж мазьон мавтöм бöрын. Укол вöчисны, эз ёна и доймы. Тöдмасис палатаын куйлысь зонкаяскöд, видзöдыштіс телевизор. Бать-мамыс волісны, вайисны юмовторъяс. Абу на и лёк тани.

Мöд луннас сійö водз жö садьмис, аддзис кыз пу вож вылысь тöдса ябыръясöс. Но талун найö ньöти эз вензыны. Зэв лöсьыда пукалісны орчöн да öтвылысь сьылісны.

— Кутшöм мича гөгөр!— öтиыс.

— Кутшöм гажа!— мöдыс.

— Кутшöм гажа гөгөр!— öтиыс.

— Кутшöм мича!— мöдыс.

Денис нюмъевтіс, паськыджыка восьтіс öшиньсö да тайон повзöдіс найöс. Лэбачьяс жбыр лэбзисны мöд пуö да бара мöдісны ливкйöдлыны

— Кутшöм гажа гөгөр!

— Кутшöм мича!

Мыйла нö асланыс керкаын олігөн сійö некор эз кывзыв, мый йылысь сьылöны лэбачьясыс? Весиг эз кывлыв. Мыйла? Сэсся гөгөрвоис: а öд сійö сёрон садьмыліс, сэк, кор лэбачьяс оз нин сьывны.

Сійö луннас Денислы зэв нин лöсьыд да гажа вöлі. Ладмöдчис-лöсьöдчис ворсны детинкаяскöд. Кузь да вöсни зонкасö шуисны Валентинон, еджыд юрсиа да беринöсь чужöмаыс, кодкöд войдöрлун дышпырысь сёрнитіс Денис, Саша, а мöдыс, сьöд сэтөр синъяса, сьöд юрсиа визув детинкаыс — Сергей. Саша да Серёжа, быттьö сирасьöмаось, эз вешйывны Денис дорысь: то мыйкö юасьöны, то сой пöлас öшöдчасны, то вермасьны вöзйысьöны. Ыджыджык зонкаяс найöс ворсöдасны-дзерöдасны, но найö оз дöзмыны ни оз лөгасьны, ни оз няргыны Соня чойыс моз. Лунтыр турбылясисны-вальмасисны палата джоджын, и Денислы кажитчис, мый зонкаясыс зэв нин ёна тани гажтöмтчöмаось. Ачыс доймалöм вöснаыс эз ёна вермы накöд ворснысö, но ёнасö и эз öтдортчы. Нельнад гажа, пыр нин мыйкö выль ворсантор думыштасны. Рытланыс бара воисны Денислөн бать-мамыс. Вайисны быдсяма чöскыдторъяссö: кампетъяс, яблög, виноград. Денис весиг эз вöзйысь накöд гортö, мыйон зэв ёна чуймöдіс мамсö, öд тöрыт мырдөн-сорөн лои кольны татчö. А талун ньöти эз шогсы, эз вöv нор чужöма. Палата öдзöс сайсянь мыччысьлісны то еджыд юрсиа беринöсь чужöма детинка, то сьöд синъяса тэрыб видзöдласа зонка, найö виччысисны Денисöс, корисны öдйöджык локны ворсны. Та вöсна и мам-батьыс эз дыр пукавны, ковмис мунны. Но найö нимкодясисны, мый пиыслы тани абу гажтöм.

Öдйö коли кык вежоныс. Денис бурдіс, ёнмис. Бур ёртөн сылы лои Валентин. Сійö вöлöма арон ичöтджык Денисысь, ву-

джома витод классо, а Денис квайтодо. Валентин ветлодло, вольомко, спортзало, ворсо баскетболон. Доймома сэні, джомдома да лёкног усьома. Сійо чуйдіс Денисос быд асыв вочны зарядка, джоджо кымынь водомон ки выло кыпөдчывны да быд лун пыр унджыкысь и унджыкысь. Тадзи содтан киад вынійор. Посниджык детинкаяс, Саша да Сергей, на выло видзөдомон тшөтш модісны занимайтчыны спортон. Денислы ставыс тайо сьолөм вылас воис. Сійо көсйис лоны ёнон, збойон, и сэк жө посниджыкъясөс да вынтөмджыкъясөс дорйысьон.

Валентинөс лэдзисны больничасыс кык лунон водзджык, и сійо кыкнан рытсө воліс видлыны Денисөс, вайліс гортдорса градйысь оз. Тайо луньяснас найо лоины быттьо кык вок, сэтшөма лөсялісны. Денис тодіс, кор сылы лоо лёк, сійо век вермас шыасыны отсөгла ёртыс дорө, и ачыс, кор ковмас, отсалас Валентинлы.

Больничаын куйлом бөрын Денис эз нин вөв пикө воөм морт кодь. Збыльвылас кө, сійо дзикөдз вунөдіс, мый гөгөрвоө лэбачьяслысь да пемөсьяслысь сёрнисө. Тані найо эз вөвны, некод сійос эз ошкы ни эз дивит, и сылы вөлі лөсьыд. Весиг лэбачьяслысь сьылөмсө сэсся эз кывлыв. Велаліс да дырджык модіс узыны, медсестра пыртөдз.

Гортө

И со воис гортө мунан лун. Талун сійос лэдзасны. Воасны мам-батыс, нуодасны гортас. Кыдзи модас овны Денис? И друг сійо гөгөрвоис, мый өні лои мод нога, верстяммис. Сійо дугдіс дөзмөдны чойсө, ыджыд мамсө. Ёнакодь өд гажыс бырис наысь. Быд асывводз ывлаын, керка дорын, кутас вочны зарядка, дерт, кор оз зэр, котравны туй вывті, кыті быд асыв удж выло мунөны бать-мамыс, мыссьыны тыын көдзыд ваон, а гашкө, весиг купайтчыны. Сөйыштөм бөрын ыджыд мамыслы отсаяс, сэсся чойыскөд ворсыштас. Корсюрө вөзйысьлас мам-батыскөд ветлыны Валентин ордө, ськөд сэсся ветласны спортзалө. Арсяныс, кор мунас школаө, гижөдчас кутшөмкө секцияө. Сөмын эз на думышт, кутшөмө: баскетболон ворсны али футболон. Футболнас сылы кажитчөджык, сійо латшкөс тушаа да абу Валентин кодь кузь.

Мам-батыс воисны удж бөрын. Мамыс, чикыля руд юрсиа, дженьыдик гөрдовруд юбкаа, югыд мугов ковтаа, духион муртса өвтыштө, топөдіс Денисөс морөс бердас. Зонкалы тайо топөдомсьыс лои и жар, и дзескыд, но тшөтш вөлі и лөсьыд, и кыпыд. Батыс, кыдзи и век, чөв олө. Гежөда шуыштас кыв-мөд зэв коланаинө. Он и гөгөрво, мый йылысь сійо мөвпалө.

— Соня тэнө сэтшөма виччысьө! Гажыс бырөма! Вөчис тэныд кутшөмкө козин,— мамыс дугдывтөг мыйкө висьталө. И сылөн варовлунысь, мыла гөлөсысь, кутыштолөмысь Денислы шоныд, гортын кодь лөсьыд.— Ыджыд мамыд талун көсйис пөжасыны, виччысьоны тэнө.

Денислы лои кокни сьолөм вылас. Сідзкө, гортсаясыс сы выло оз лөгавны, виччысьоны. И сійо өні локтас мод мортон, кывзысьны модас ыджыд мамыслысь, ворсны ичөтик чойыскөд.

Машинанад өдйө и воисны гортаныс. Рытыс коли гажаа. Ыджыд мамыс мелі синъясөн видзөдіс Денис вылө: төдчис, мый збылысь гажыс бырөма. Отарө содтө тасьтө сөянтор, матыстө көвдум-шаньга, маа йөв тшөктө юны.

Денислөн, вөлөм, и аслас гажыс өна бырөма гортсыс. Аслас жырйысь, конструкторьясысь. А медся ыджыд вежсьөмыс гортын — компьютер. Сійөс бать-мамыс ньөбөмаөсь Денислы, мед эз сэтшөма гажтөмтчы өртъяссыс. Ужнайтөм бөрас да Сонякөд ворсыштөм бөрын, рытивбыд сэсся пукаліс компьютер сайын.

Сонялөн вошөм

Асывнас Денис узис дыр. Шондіс вылын нин вөлі, кор сы дорө пырис ыджыд мамыс:

— Соняыд эз пырав?

— Эз,— вочавидзис Денис да мөдіс вольпасяс нөдзласьны.

— Кытөні нө?— төждысяна юаліс ыджыд мамыс да петігмозыс нин чөвтис:— Чеччы да лэччы, сөй, ставыс пызан вылын.

Денис петіс балкон вылө да мөдіс вөчны зарядка. Мудзтөдзыс быд ногыс песіс асьсө. Сэсся лэччыліс ты дорө, мыссис, бөр кайис пельпом вылас ки чышкөдөн. Бара вочаасис ыджыд мамыскөд.

— Сонясө эн аддзыв?— бара юалө сійө.

— Эг.

— Некөн абу,— шай-паймунөмөн юөртис ыджыд мамыс.

— Дзебсис кыгчөкө. Дышөдас пукавнысө да петас,— такөдіс ыджыд мамсө Денис.

Песока рысь, картофеля шаньга, йөв — ставсө окотапырысь дзимыльтіс зонка.

— Денис, Соняыд воши, некөн абу, гөгөрбок корси,— пырис кухняө ыджыд мамыс. Гырысь руд синмас поздысьөма төждлун.

— Кыгчө сійө вермас вошны? Пукалө, көнкө, да ворсө. Сійө өд абу ме кодь, вермө часьясөн чөв-лөнъ овны.

— Сідз эськө да,— сөгласа ышловзис ыджыд мамыс.— Сөмын абу син улын, да төждыссьө. Ас синмөн кө аддза, көні сійө ворсө, и усыпаньвыв пукся.

— Но, корсьла!— көсйысис Денис да мөдіс мөвпавны. Маті-гөгөрсө, көні пырджык ворслывлө Соня, ыджыд мамыс гөгөртис нин. Сідзкө, сійө мөдлаын. Водзө. Гашкө, дзебсис? Гортө, гид дорө, либө пывсянө. Сэні кө абу, вермис петны вөр дорө ли ты дорө. А тайө нин лөкджык. Сідзкө, тадз. Медводз корсяс керкаысь, сэсся керка дорысь, видзөдлас гид дорысь, пывсянысь. Оз кө сюр, ты дор гөгөртас, а сэсся вөр дор. Ылө эз мун. Денис төдіс, мый чойыскөд нинөм лектор эз ло.

Медводз детинка кайис вылыс судтаө. Ни өти узылан жырйын Соня эз вөв, балкон вылын абу жө. Эз вөв и улысса судтаас. Керкаын абу. Гашкө, курөгъяс дорын? Абу. Сэні найө ззв лөня кокасёны ас кежсьыныс. Пывсянын абу, пывсян сайын абу. А збылысь тай некөн абу. Гашкө, гөбөчын? Денис пырис керкаө. Гөбөчө лэччис пуысь вөчөм зумыд пос. Биасис, поскөд лэччөм бөрын видзөдаліс гөгөрбок. Пелькөдөма гөгөр. Идөра. Джаджъясын банкаяс, туисъяс. Сэсся нинөм и некод. Бөр петіс. Весиг ыджыд мамыс некөн оз тыдав.

Денис мѡдіс майшасьны. Кѡні нѡ чойыс? Нуѡдісны кѡ мам-батъыс аскѡдныс, эськѡ ыджыд мамыс тѡдіс та йылысь. А гашкѡ, гусьѡн машинаас пуксис? Бѡръя пуклѡс костас? Мамыс да батъыс водзас пуксисны да эз и казьявлыны нывсѡ, сідз асланыс тѡдтѡг сиктѡ нуѡдісны. А сѣсся петісны машинасьыс да мунісны удж вылѡ, и Соня ѡтнас машинаас пукалѡ? Звѡнитлыны мам-батъыслы? Но оз ков тѣрмасьны. Ты дорѡ на эз лѣччыв ни вѡр дорѡ на эз петав. Гашкѡ, кѡнкѡ тані, матын? А мам-батъылы звѡнитан, да найѡ пырысьтѡм-пыр воасны. А сѣсся Соня кѡ сюрѡ, видасны, миянѡс пѡ удж вылысь нетшыштінныд-коринныд. Оз, медвойдѡр колѡ бура матігѡгѡрсьыс корсьны.

Кѡні нѡ ыджыд мамыс? Денис повзис. Ни Соня, ни ыджыд мамыс некѡн абуѡсь. Ставыс тайѡ эз во сьѡлѡм вылас зонкалы, чужтіс майшасьѡм, шогсьѡм. Мыйкѡ абу лючки-ладнѡ. Денис керка дорын и керка шѡрын ѡтнас. А тадзсѡ жугыль, гажтѡм. Кѡнѡсь? Денис шай-паймунѡмѡн видзѡдаліс гѡгѡр.

Шуис лѣччывны ты дорѡ. Векныдык туйѡд сійѡ мѡдѡдчис увлань, вадорлань. Тыыс ыджыдкодь, шусис Гѡгрѡстыѡн. И збыльысь гѡгрѡс. Гѡгѡрыс быдмис вѡр, ты дорас — коръя. А вылын-джык, ягас — лыска. Лѡнь да шондіа поводдѡ тыыс быттѡ рѡм-пѡштан: матігѡгѡрса пуясыс и енѣжыс тыдалѡны. А бушкала лунъясѡ лолѡ гырысь гыа, скѡр, нѡйтчѡ берегас, быттѡ дѡзмѡма мый вылѡ кѡ. Талун вѡлі лѡнь. Лун шѡр кад. Гѡгѡр чѡв, шоныд-сьыс быдѡнѡс босьтѡма ониш. Денис ѣна тальѡм-топѡдѡм ордымѡд лѣччис кыр горув ты дорѡ. Ѳтка бадь лѡня мышкыртчѡма валань. Виж лыаа береглань матыстчѡма ѣс кельѡб. Посни черияс дзѡрѡны ваас, ѡтарѡ-мѡдарѡасьѡны, быттѡ полѡны. Денис кок улын ратшмуні ув, ѣс чукѡр прысьмуні разі-пельѡ.

Соня ты дорын эз тыдав. Ты дор мозыс кѡ муніс чойыс, эськѡ, кодарас? Вєськыдладорас муніс туй, сѣті Денис унаысь ветлывліс батъыскѡд, бурджык вуграсянін корсигмоз. Сѣтчаныѡ и мѡдѡдчис. Воськов комын муныштѡм бѡрын вѡчаасис ыджыд мамыскѡд. Сійѡ гѡгѡртѡма нин таті да петѡ вѡлі вѡрсьыс.

— Но мый?— ѡта-мѡд вылас видзѡдісны найѡ. Ѳні кыкнанныс гѡгѡрвоисны, мый лѡма лѣктор, Соня вошѡма.

— Ой-ой-ой!— шогсис ыджыд мамыс. Чукыртчылас бѡрддзыны, но бѡр кыдзкѡ кутчысас.

— Колѡ корсьны, бѡрдѡмнад он отсав,— ѡлѡдіс ливзалѡмсьыс внукыс дзик нин верстьѡ моз.

Денислы ѡні кажитчис, мый сійѡ ѡні збыльысь верстьѡ морт, и сылы оз позь лѣдзчысьны, оз позь некод вылѡ надейтчыны, колѡ аслыс мѡвпавны да корсьны. Керкадорса вѡрыс Денислы бура тѡдса, татчѡ сійѡ оз вош, а вот Соня... Найѡ ыджыд мамыскѡд петісны керка дорѡ катѡдан туй вылѡ.

— Гашкѡ, воис, гортын,— бур вылѡ лача кутѡмѡн шыасис ыджыд мамыс.

— Видзѡдлам,— ыджыд воськолѡн Денис мѡдѡдчис керкалань. Но керка ѡдзѡс восьтылтѡг нин позис гѡгѡрвоны, мый Соня сѣні абу. Кильчѡ ѡдзѡсас пуктѡм тас некод абу вѡрзьѡдлѡма. Гожся лун вылѡ видзѡдтѡг, керкаас и керка гѡгѡрыс лои шуштѡм.

— Ыджыд мам, ме керка гѡгѡрсьыс вѡрсѡ гѡгѡрта.

— Энлы, вай сѣрнитчам,— ѡлѡдіс ыджыд мамыс.— Тѣ либѡ туйсянныс вєськыдыввсѡ гѡгѡрт, а ме шуйгавывсѡ. Да ачыд, Ен

могысьён, эн вош,— ыджыд мамыслён шыасьёмас вөлі и шөйөво-шөм, и корөм, и повзьём, и норасьём.

— Да ог, эн пов, ме матигөгөрсә вөрсө бура төда.

Лэбачьяслён отсөг

Денис ветлөддіс вөрті да чуксаліс чойсө. Корсис-видзөдаліс пуяс сайысь, усьём пу вужляяс улысь, коз пу улысь, тусяпуяс сайысь. Гөлөс чиртөдзыс нин горзіс, мудзтөдзыс шөйтис. Чойыс некөн эз вөв. Денис лэдзчысис яла нитш вылө да бөрддзис. Сійө сэсся эз төд, мый вөчны. Юрас сөмын өти мөвп: чойыс воши. И сійө нинөм оз вермы вөчны.

Друг сійө кыліс сёрни:

— Чойсө корсьө.

— Ёна шогсьө, чойыс вошөма да.

Денис первой пузыліс-скөрмыліс, мый сылөн сэтшөм ыджыд шог, а со кодъяскө тшетшкөдчөны-сёрнитөны сы йылысь, но весиг выныс эз вөв, мед корсьны, кодъяс сы йылысь варовитөны. А сэсся юрас воис мөвп: «Гашкө, найө аддзылісны, кытчаны чойыс муніс». Сійө ланьтіс, весиг эз вөрзьыштлы, мед не торкны сёрнисө, кывзисис.

— Эн-ө аддзыв?— юалис өтиыс.

— Эг,— вочавидзис мөдыс.

Денис гөгөрвоис, мый сёрнитөны лэбачьяс, но эз төд, кутшөм.

— Со, пыста лэбө. Юав,— тшөктө өтиыс.

— Пыстук, сямтөм зонкаыслысь, гашкө, чойсө аддзылін?

Зонка ставнас зэвтчис, гашкө, өні төдмалас. Кодкө өд отсалас жө сылы. Гашкө, кутшөмкө юөр, но... кутшөмкө.

— Аддзылі, дерт. Сөмын асыыводзнас.

Денис кутыштіс весиг лов шысө, мед бурджыка кывны.

— Кытысь? Вокыс да ыджыд мамы ёна нин корсисны. Шогсьөны ёна и,— тайө мөд лэбачыс шыасис.

— Асыыводзнас сійө батыслөн машина бөрсә вөтчис. А ыджыд мамыс гортас вөлі, эз аддзыв.

Денис звирк чеччыштіс:

— Атьё, атьё тіянлы, лэбачьяс.

Кыз пу ув вылын пукалысь кык ябыр да пыста повзисны Денис чепөсийөмысь да жбыр лэбзисны пыді вөрө.

Денис котөрөн уськөдчис гортланыс. Тэрмасьөмысла джөм-даліс, крукасьліс кос увъясө, веськавліс кокнас нөптовъясө, но нинөм вылө эз видзөд, мый вынсьыс котөртис гортланыс.

— Ыджыд мам, ыджыд мам, ме төда, көні Соняыд!

Керка дорас некод эз вөв, Денис уськөдчис керкасяныс шуйгаладор вөрас.

— Ыджыд мам!— вөр тырнас горзіс детинка.

— Локта, локта,— кыліс ыджыд мамыслөн нор гөлөс.

— Ме төда, көні Соняыд!— юөртис сійө, өдйө котөртөмсьыс ышлолалөмөн.

— Көні, көні, висьтав! Ловъя-ө?

— Да ловъя, дерт!— Денис уськөдчис пышйыны, но ыджыд мамыс горөдіс:

— Виччыв!

— Ог вевъяв!

— Виччыв, ноко!— тшөктөмөн горөдіс ыджыд мамыс, да лои сувтны.

Ышкиг-пошкигтырйи сійө матыстчис зонка дорө, кутчысис дөрөм соскас. Сійө ыджыда ышлолаліс, кажитчис, мый сылы өні лолыс оз шед.

Но сэсса мөдіс лолавны пыр лөнджыка и лөнджыка. Денис виччысис.

— Висьтав!— медбөрын ыджыда лолыштөм бөрын артмис ыджыд мамыслөн.

— Котөртөма асывводзнас бать машина бөрся.

— Гашкө, гашкө... А тэ кытысь төдан?

— Да сідз, төда.

— Коді висьталіс?

— Да висьталісны. Лэдз, ыджыд мам,— мөдіс мынтөдчыны Денис.

— Висьтав, кытысь төдан!— чорыда кутчысьөма дөрөмас, оз и чайт лэдзны.

— Лэдз, ме котөрта туй кузяыс сиктөдз, туй дор мозыс мөда видзөдны.

— Коді, мися, висьталіс?

Ыджыд мамкөд весьшөрө вөлі вензьяны.

— Лэбачьяс!

— Лэбачьяс...— шай-паймунөмсьыс ыджыд мамыслөн киясыс быттө разьсыштисны. Денис нетшыштчис, но эз мын.

— Лэбачьяс, ыджыд мам. Эскы. Ме гөгөрвоа лэбачьяслысь сёрни,— висьталіс Денис.

— Лэбачьяс,— гусьонмоз выль пөв шуис ыджыд мамыс да лэдзис кисө. Денис лөсьөдыштис дөрөмсө. Сэсса котөрөн уськөдчис горт дорас, сэтысянь чорыд веркөса туйті сиктлань.

Денис тэрмасис. Кадыс уна коли, туй вылын вермас лоны быдтор. Колө өдйөджык корсьны чойсө.

«Энө вөрөдө менсьым чойсө»

Кузякодь Денис восьлаліс векньыд, өти машина төрана чорыд веркөса туйті. Синъяснас кодзлаліс-видзөдаліс туй дор вөрсө. Гашкө, Соня сэні. Сэсса векньыд туйыс петкөдіс паськыд туй вылө. Таті муніс быдсяма машинаыс, посни и гырысь. Денис кежис шуйгавылө, сійө төдіс, мый сиктө колө мунны шуйгавыв. И друг сійөс пөсьон кисьтіс. А Соня өд оз төд, кодарө колө муннысө. Гашкө, кежис веськыдыв? Веськыдывлас туйыс карөдз мунө. Бара Денислөн сьөлөмыс мөдіс нөйтчыны, быттө сутугаа йөртөдө веськалөм лэбач. Öні и лэбачьясыд оз отсавны, өд сійө ыджыд мамыслы висьталіс, мый гөгөрвоө лэбач сёрни. А гашкө, эз на дугды гөгөрвонысө, да бара на висьталасны, кодарө муніс чойыс. Но Денис нинөм эз кыв, да и лэбачьяс маті-гөгөрын эз вөвны, отарө-мөдарө журъялысь машинаыссьыс, буракө, полісны.

Öні Денис жалитіс, мый эз звөнитлы мам-батъыслы удж вылас. Найө эськө локтісны машинанас воча, а мөдарас кө Соня муніс, позис машинанас бөрсянныс вөтчыны.

Но коліс мыйкө вöчны, кодарөкө сетчыны. Бөр бергөдчыны да батыслы звөнитны? Оз, бөр оз бергөдчы. Кад оз вошты. Гашкө, Сонялы колө отсөг?

Денис век жö мөдөдчис шуйгавывлань. Мунас подөн шөр-сиктөдз, оз кө Соня туй вывсьыс сюр, пырас батыс дорө удж вылө, ставсө висьталас, да мунасны корсьны чойсө машинаөн.

Ёна нин укшальмис Денис, мудзис. Но восьлаліс тэрыба на. Синнас гөгөртөдіс матігөгөрсә пуяс, оз-ө көнкө пукав чойыс, өд, көнкө, подөн восьлалігәд тшөтш мудзис. Но Соня некөн эз тыдав. Ок, кутшөма өні Денислы коліс отсөгыс. Көні нө быдторсө төдысь лэбачьясыс? Мыйла нө найө оз отсавны пикө воөм зонкалы? Көні нө сылөн төдса ябырыс? Мед көть нин сійө воліс эськө кытысянькө да висьталіс, кодарланьын чойыс.

Мыччысисны посёлокса медводдза керкаяс. И друг Денис аддзис: дзик туй бокас мышкөн, кокъяссө канаваас өшөдөмөн, пукаліс Соня. Сылөн алөйгөрд платтьөыс, чикыля рудов юрсиыс. Да тайө сійө, сійө!

— Соня!— горөдіс зонка да став кольөм вынсө чукөртөмөн мөдіс котөртны. Но кокъясыс эз зэв кывзысьны сылысь, мудзөмысла ли ёна шөгсьөм-шызьөмысла эз артмы востера котөртөмыс. Друг Соня весьтө сувтіс кутшөмкө машина. Зонка повзис, мый өні сылысь чойсө, кор нин Денис сійөс аддзис, кутшөмкө төдтөм йөз босьтасны, пуксьөдасны машинаө да нуөдасны кытчөкө. Сөмын тайө мөвпсьыс Денислөн кык пөв содіс выныс, сійө котөртіс туй дор мозыс, шенасис кияснас, горзіс:

— Соня, Соня! Сійө менам чой, энө вөрөдө!

Повзьөмвывсьыс сійө эз гөгөрво, мый сувтіс батыслөн машинаыс. И тайө батыс да мамыс матыстчисны нывка дорө да нуөдөны сійөс машиналань. Мамыс аддзис нин Денисөс да өвтис сылы кинас. И зонка аддзис нин да гөгөрвоис, мый тані и мамыс, и батыс, и Соня. Од медводдзаөн Соняөс аддзис Денис. Сөмын батыс машинанас водзджык воис сы дорө!

И ставсө тайөс гөгөрвоөмсьыс ставнас лигышмуніс Денис. И котөртнысө дугдіс, да и эз мөд вермыны. Бур, мый батыс машинасө сувтөдіс дзик сы дорө.

Петук велөдөма овны

Денис талун вөлі шуда — ставыс шуда помасис. Шуда да рам. Ставөн гортынөсь. Ыджыд мам инпөлын дзаж кисьтө блин, мам лөсьөдө ужын, бать пукалө да лыддьө талунтя газет, а Сонюкыс, сылөн муса чойыс, пукалө джодж шөрын лавкаысь босьтөм уна рөма джодждөра вылын, лайкйөдлө ичөтик аканьсө да «өввө» мургө-сьылө. А Денис рам сы вөсна, мый луныс лои вывті сьөкыд да майшасяна, уна вын босьтіс. Ыджыд мамыс висьталіс, мый гортас воөм бөрын сійө пыр жө звөнитөма мамыслы, а сэсся мам-батыс нюжмасьтөг петөмаөсь корсьны нывсө. Сы вөсна и чукөрмисны ставныс өтләө.

Сөйигөн нин, пызан сайын пукалігөн, ыджыд мамыс висьталіс:

— Лэбачьяс Денислы висьталөмаөсь, мый ті бөрсә Соня вөтчөма. Сійөн и кужис туй кузяыс котөртны.

Мамыс да батыс видзөдісны медводз өта-мөд вылас, а сэсся сюся да кузя Денис вылө.

— Да, лэбачыяс висьталісны,— шуис зонка.

Ни батыс, ни мамыс сёрнисѡ водзѡ эз нуѡдны. Сѡмын мамыс матыстіс сы дорѡ матѡджык блина тасьтисѡ.

— Меным аслам пѡльѡй со мый висьтавлывліс,— нюммуніс казътыштѡмсьыс ыджыд мамыс.— Коркѡ овлѡмаѡсь-вывлѡмаѡсь гозъя. Пѡльыс чери кыйѡ, вѡрын-ваын ветлѡ; гѡтырыс горт олѡ, курѡг-петук видзѡ. Коркѡ ѡтчыд айыд мунѡма чери кыйны, бѡт вѡйталѡма, бипур дорын узьѡма. Асывводз лэччас ва вылѡ, видзѡ-дѡ, да сылѡн бѡтйѡ дзугсьѡма утка. Ёнакодъ нин пессьѡма-мын-тѡдчѡма, но сѡмын ёнджыка дзугсьѡма. Воас айыд пыжѡн утка дорад, а уткаыд морт гѡлѡсѡн шыасяс:

— Ён ви менѡ, пѡльѡ, лэдз вѡля вылѡ, а ме тэныд сета ыджыд тѡдѡмлун: мѡдан тэ гѡгѡрвоны став звер-пѡткаыслысь сѡрни-баснисѡ. Сѡмын некодлы ён висьтав та йылысь, висьталан кѡ — кулан.

— Кулан, шуѡма?— стѡчмѡдіс Денис.

— Висьталан кѡ пѡ, кулан.

— А меным эз шу, кулан пѡ. Меным шуис: кодлыкѡ висьталан кѡ, бѡр дугдан гѡгѡрвоны звер-пѡткаыслысь сѡрнисѡ.

— Коді тэныд шуис?— шемѡсмѡмѡн юаліс зонкалысь ыджыд мамыс.

— Меным ябыр тѡдѡмлунсѡ сетіс.

Бара сюся видзѡдісны гырысьяс Денис вылѡ. Мамыс весиг матыстчыліс да ки пыдѡссѡ пиыслы кымѡсас пуктыліс, оз-ѡ биав писѡ.

— Но кывзѡ водзѡ,— висьталѡ ыджыд мам.— Лэдзис пѡль уткаѡс, ачыс олѡ-вылѡ, став вѡрса олысьяслысь сѡрнисѡ гѡгѡр-воѡ. Шпыньялѡ-сералѡ, олѡ. Гѡтырыс и юалѡ:

— Мый нѡ тэ ѡтторъя сералан?

— А сідз тай, курѡгъяс вылас серам петіс, тышкасьѡны-кот-сѡны да.

Мѡдысь бара гѡтырыс кыліс сералѡмсѡ да юалѡ:

— Мый вылѡ нѡ серамыд петѡ?

— Да со каньяс венѡ воѡмаѡсь, нявзѡны.

— Мый нѡ верстьѡ мортлѡн кань нявзѡм вылѡ серам петас,— броткѡ гѡтырыс.

Бара олѡны. Сэсся коркѡ ѡтчыд пѡльыд пукалѡ восьса ѡшинь дорын да каллян шпуткѡ-куритѡ. Ёшинь улын курѡг-петук вет-лѡдлѡны, котсѡны-варовитѡны.

Бара пѡльыдлѡн серамыс петіс. А месаньыс шуѡ:

— Висьтав, мыйла сералан?

— Да сідз тай мыйкѡ серам петіс.

А мѡдыс оз лэдзчысь: висьтав да висьтав.

— Ог висьтав,— шуѡ верѡсыс. Кодлы нѡ кувнытѡ окота.

— Висьтав!

— Ог висьтав!

— Тэ ме вылын сералан.

— Да ог тэ вылын. Со курѡгъяс серам петкѡдісны.

Оз эскы гѡтырыд. Сѡмын: висьтав да висьтав. Пикѡ воас пѡльыд, некытчѡ воштысьны.

— Висьтала кѡ, кула,— шуѡ верѡсыс.

— Мед кулан кѡ, висьтав,— оз и жалит гѡтырыд.

— Вай пывсян ломты,— шуѡ айыд.— Пывся кулѡм водзын.

Гөтырыд пывсян ломтас. Верөсыс пывсяс-корөсяяс. Сөстөм дөрөм-гач пасыталас. Каяс гортас да и водас сэрөг ув лабичас, кувны лөсьөдчө.

Гожом. Öшинь и өдзөс восьса.

— Но, прөститчам,— шуө верөсыс.— Ме өд тэныд кө висытала, сэсся ачым кула.

— Мед кулан кө, висытав,— мырдөн тшөктө гөтырыс.

Тайкө кыскө джодж шөрө петук воис, сорсыс стын сулалө.

— Кикируллю,— горөдіс да кок пөв йылас бергөдчис.— Менам дас гөтыр, да ог пов, а тэ өти гөтырысь повзёмыд! Кувны лөсьөдчөмыд! Кикируллю!

— А сідз өд и эм! Öти гөтыр, да пола, кувны воді,— пөльыд чеччас лабичсьыд да ыджыда сёлыштас.— Нинөм ме тэныд ог висытав. Пасибө петуклы, велөдіс менө овны.

Ставөн серөктісны.

Мамыс дорын медся лөсьыд

— А ме, ыджыд мам, тэныд висыталі. Сэсся ог нин мөд гө-гөрвоны звер-пөткалысь сёрнисө,— нормис Денис.

— Лок ме тэнө водтөда,— кызкө торъя нин меліа, төждысьө-мөн шуис мамыс. Юрыд на тэнад висьө, больничасьыд воин, да некутшөм шойччөг на эз вөв. Талун со мыйта төждыс шедліс.

Денис кывзысис мамыслысь: весаліс пиньсө, мыссис көдзыд ваён, чышкысис небыд ки чышкөдөн, сэсся кайис мөд судтаө, аслас жырьө. Пырис мамыс, пуксис Денис дінө крөватьө, бось-тіс небыд кияснас Денислысь кисө да кузя тадз пукаліс.

— Узь сэсся, узь!— меліа вашкөдіс сійө.

— Мамук, ме сэсся некор ог мөд лыйлыны лэбачьясөс, ог мөд дзерөдны-дзескөдны некодөс,— вашнитіс зонка.

Сійө нюмъөвтис мамыслы воча, сылы вөлі сэтшөм лөсьыд мамыскөд, и сёлөм вылас лөнь. Синалпъясыс сёктаммисны, а синъясыс асьныс нин пөдлассисны.

— Бур вөтъяс тэныд, пиук.



Кышакылö-мунö арся войыс

Сöstөм кабала

Бобувъясөн
лэбзисны мөвпъясөй
дзескыд оланінö,
но войбыднас
некод на пиысь
эз коль кырымпассö
сöstөм кабала былö.
А асывнас öшиньсö восьтіс төлөн,
и кабалаыс жбыркнитіс ывлаö.
Гашкö пö,
өтка зэр тусьяс
инмөдчыласны?
Лов вылад öд сэтшөм тыртөм,
кор еджыд вылас
ни öти пас абу.

Арлөн гижөд

Арыс серөдіс
гылалөм коръяснас
муыввса эжсö,
Быттö мичаа гижалис
вөр-валысь быдсяма дум.
Сылөн гижөдыс
вочасөн сьöктаммис,
содіс да вежсис,
Быттö арыслы отсасис
вөр-васа кутшөмкö тун.

Арыс ворсөдчис коръяснас,
быттöкö мөвпъясөн гижысь,
Сöмын коръяссö тэчигас
нимъяссö налы эз сет.
Сійö сёрнитіс рөмъясөн:
гөрдөн и рудөн и вижөн,
И быд кор былö визьйөдліс
стихъяссö, быттö поэт.

И ме босьтчывлі
вежөртны арыслысь
гижөдсö тайöс,

Сöмьн мыйлакö сідз эг и гөгөрво
ни öти кор...
Арыс такöдіс менö,
эн шогсьы пö,
кадыс кор воас,
Тэныд вөр-ваыс ёртлы моз вашкөдас
быд гусятор.

Войся бабича*

Биа öшиньö рытсёр таркөдчис
Ыджыд бордъяса войся бабича.
Ывла пемыдас помтөг шпорөдчис,
Бытьö восьтыны корис каличсö.

Öшинь костöді — гортö жбыркнитіс
Сёрмөм гөстя моз тэрыб вöрасөн.
Гора борд шыыс меö ыркнитіс,
Бытьö төврулөн небыд пöлыштөм.

Войся бабича йөктіс-гөграліс
Лампа би дорті, гашкө, шонтысис,
Сэсся ме гөгөр дыркодъ бергаліс,
Бытьö висътавыны мыйкө дасътысис.

Коркө и шпоркнитіс ен ув пельöсö,
Бордсö сиптөмөн лөня пукыштіс,
Сэсся öбразъяс увсьыс пернасö,
Баблысь пернасö рама окыштіс...

И ме велалі: тайö бабушöй
Асьсö казытыштни сійөс ыстывліс,
Войся бабича баблысь лов шысö
Жырийөд лэбаліг мелань öвтыштіс...

Йöзыс бытьö корьяс

Олөмас öд йöзыс,
бытьö öти ыджыд пулөн
ичöt корьяс,
Кышөдчöны-вөрöны
ён төвъясыскөд öттшötш
быдса нэм.
А нэм помас ставыс,—
кадыс водзын некод
ёнасö оз торъяв,—
Олөм пуысь орö да и вошö,
бытьö эз и вöвлы нем.

* Бабича — бобув.

Арся вой

Шаракылö-мунö арся войыс
Вижов корйöн эшкыналöм муöd,
Сійöс пикö воштiс сьölöм дойыс,
Дзуглясьöмөн пытшкöсас пыр туö.

Войыс важөн петавліс нин туйö,
Öти кадö гажтöмыс кор босьтiс.
Сэкисяньыс воліс уна муö,
Сöмын эз на пандав матыс ёртöс...

Гашкö, тайö ёртыс ме и эм да?
Гашкö, арся войыс тайöс тöдö.
Ывлаö ме пета, сöмын пемдас,
Жуглясьöмсö юкны ськөд мöда.

Усьöм кодзувъяс

Тавой ме öктi
 усьöм кодзувъяссö
 öти ыджыд чуманö
да муні наön вузасьны.
Но некодлы
 эз ковны
 усьöмаясыс...



Войся ангел*

РОМАН

16

Квайтымын витӧд вося гожӧм шӧр. Вернӧй ленинец Леонид Брежнев веськӧдлӧм улын ыджыд странаным водзӧ стрӧитӧ коммунизм. Газетяс тырӧмаӧсь трудовӧй да культурнӧй фронт вылын советскӧй йӧзлӧн вермӧмъяс йылысь юӧръясӧн. Коммунизм стрӧитӧмӧ ассъяс тӧдчана пай пуктӧ вӧрӧн да из шомӧн, нефтьӧн да газӧн озыр Коми республика. Коми муным абу нин ставсоюзса тюрма, кытчӧ вайлисны ссыльнӧйясӧ да лагерникъясӧ, а ыджыд стрӧитчан площадка, кытчӧ ас кӧсйӧмнас локтӧны йӧзыс страна пасътаысь. И оз сӧмын патриотизм ради, а ыджыд сьӧмла.

Быдса эшелонъясӧн воисны йӧзыс Сыктывкарса лесопромышленнӧй комплекс стрӧитанӧ. Слобода деревня дорын кыптисны стрӧитчысыяслы уна судта медводдза олан керкаяс. А юркарлысь чужӧмбансӧ мичмӧдисны кӧрт туй вокзаллӧн да аэровокзаллӧн тырысь зданиеяс; воссис ыджыд гостиница — «Центральнӧй», пырис уджӧ Сыктывкарса телецентр.

Ньӧжйӧ, но югыдлань вежсьӧмъяс тӧдчисны и районъясса шӧр сиктыясын. Совет власьты пӧшти ветымын во чӧжӧн первӧйысь паськыда босьтчисны кыпӧдны оланінъяс. Лӧмдінын ыджыд ӧшиньяса пу культура керкакӧд орччӧн кирпичысь лӧптӧны райкомлысь да райисполкомлысь куим судта здание. И сэк жӧ эновтӧм дӧва кодбӧсь посниджык сиктыяс да деревняяс. Найӧ, кодъяс пырлісны колхозъясӧ комынӧд воясӧ, унаӧн абу нин ловъяӧсь. А кодъяс ловъяӧсь, ставныс нин ыджыд арлыдаӧсь, но сідз эз и тӧдлыны шудаджык, кокни олӧмсӧ. Коммунистъяс, кодъяс жугтӧдисны крестьянинлысь олан ладсӧ, бурджыксӧ нинӧм на эз думыштны.

Видз-му овмӧс кӧ вӧсӧлалӧс кӧстыла пӧль моз, то ӧдйӧ сӧвмис вӧр промышленность. Посёлокъясын оланінъясысь ӧтдор стрӧитисны школаяс, медпунктыяс, клубъяс, самолётлы пуксянінъяс, спортплощадкаяс. Лесопунктыясӧ воис вынйӧра техника. Лӧмдін районын, кызди и водзті, медбуръяс лыдын Прупт леспромхоз. Лӧгинъяг лесопунктӧс пасйӧма районса Почёт пӧв вылӧ. Сэні жӧ нимъясныс водзмӧстчысь механизаторъяслӧн, бригадир-механикъяслӧн, увйысьысяслӧн. На лыдын нимыс и Эмиль Эмильевич Адамлӧн.

Слӧймӧдчис да, Ольӧксан Тарабукин вӧзйысис командировкаӧ Лӧгинъягӧ — петкӧдлыны газетын сэтчӧс вӧр лӧдзсысяслысь удж опытсӧ. Бӧръя волӧмсяныыс посёлокыс нӧшта на быдмӧма. Вӧлі жар шондіа июль, буретш ӧбед кад. Пырис нуръясыны столӧвӧ-

* Заводитчӧмыс 2009 вося 11, 12 номеръясын, 2010 вося 1, 2 да 8, 9, 10, 11 номеръясын.

йö. Вель уна пызан, и быд пызан сайын нель морт. Прöст мес-
таыс вöлі, и пуксис кык том нывбабакöд воча. Кыліс öти и сійö
жö сёрни: Эмиль Эмильевич Адам йылысь, код ордö и көсйис
мунны талун узыны корреспондент. Адам йылысь сійö бытöн
гижас очерк, гортас и тöдмасыс матысяньсö.

Орсыдлön столövöйясын вердісны чöскыда, и эз вöv дона. Öтка
йöз, да и семьяяс тшöтш, босьтісны татысь сёянторъяссö лун-
тыр кежлö и нулісны гортаныс.

— Мыйла ставныс сёрнитöны Эмиль Адам йылысь? Кувсис
али мый?— комиön варовитысь аныяслысь юалис Тарабукин.

— Тэ, буракö, абу татчöс. Первойысь на тай аддза-а,— шуис
öтиыс — ар комына, пашкыр гöрд юрсиа, гождьялöм мича чужöма;
вöсни ковтаа, гырысь нёняснас пыксöма пызан дорышас.

— Лёмдінсянь ме, «Эжва йыв» газетлön корреспондент,—
менюсö синъялігмоз вочавидзис тöдтöм морт.

— Кыдзи нö овыд?— юалис мöдыс, томджыкыс, и шом кодь
сьöд синсö чöвтіс газетчиклань.

— Тарабукин. Öльöксан Тарабукин ме, во-мöд сайын тані
вöвöлі нин.

— Лыддöны, Саша, тані «Эжва йыв»-тö. Посёлокад öд уна
комиыс, торъя нин нывбабаясыс. Мый йылысь эськö көсьян гижны,
кодöс газетуйтны?— водзö сёрнитіс томджыкыс.— А Эмиль
Эмильевичыд эз кув. Ме ас синмön аддзылі: тöрыт луннас гаражö
локтісны участкөвöй, автомата кык милиционер да граждaнскöй
паскөма öти мужичöй. Адамыслön киясö пысалисны наручник и
нуисны кытчöкö. Участкөвöйлысь юалим, да шуис сöмын: арестуйтіс-
ны пö, сэсса нинöм оз висьтав. Кытчö, мый да мыйла нуисны —
некод оз тöд. Посёлокын сы йылысь и сёрни öні.

Тарабукинöс шензьöм босьтіс, кыв-ворсö воштыліс. «Со тай
мый могысь вöлöм воывлö татчö КГБ-са офицер Ляшевыд»,—
думыштіс. Шуис сэсса:

— Лесопунктлön удж йылысь кута гижны, водзмöстчысь йöз
йылысь да.

— Сідзкö, Анфиса йылысь тшöтш гиж,— вöзйис томджыкыс.

— Коді сійö Анфисаыс?

— Со, тэкöд воча пукалö. Татчöс пекарняön веськөдлö, чös-
кыд нянь пöжалö, а ыджыд праздникяс кежлö — и көвдум да
шаньга на нöшта.

— Ой, эн ошкы, а то ошкö пöра,— Анфиса и збылысь гөр-
дöдіс.

— Пасибö, бур тема чуйдін. Пекар йылысь некор на эг
гижлöй. Ачыд эськö көн уджалан?

— Татчöс бухгалтерияын, щöтовод-кассир ме. Нимöй? Нимöй
Павлина.

Еджыд партука официантка вайис Тарабукинлön ныр улö
анькытша шыд, котлет, аладдя да чай, и нянь.

— Сёй ёна, мед ыджыда быдман,— тöдсалы моз нин шуис
Анфиса.

— Асьныд мыйла он сёйöй?

— Ми нурьясим нин.

— А верöсныд көн?

— Менам мужикöй тракторист, вөр трелюйтö вылыс складын.

Налён сэн асланыс столөвöй, котлопунктөн шуоны. А Анфиса невестаалö.

— Бур невесталы бур и жöник колö.

— Öтыведайтaм эськö да. Ачыд гöтыра?— варовитис Павлина.

— Гöтыра.

— Жаль.

— Мыйла?

— Ачыд жö шуин: бур невесталы пö бур жöник колö. Анфисакöд эськö тi лöсьыд пара вöлiнныд.

— Тэ, Саша, эн пыдди пукты Павлиналысь шуткасö.— Анфиса кыкнан кинас лэптыштiс морöссö, и нёньясыс гырысь кöчан махьяс моз водiсны пызан вылас. Дерт жö, тадзи вечмасис аныд аслас нывбаба озырлунöн да мичлунöн.— Сiйö, велалöма да, оз вермы овны шмониттöгыс. Посёлокын концертъяс дырйиыд йöзлысь серам пычкана номеръяс петкöдлö. Кутас лыддыны сцена вывсянныд кык сваттыыдлысь сыктывкарса улич вылын кывлöм сёрнитö да, йöзыс кочкавлöны, комиыс и рочыс. Правда, унджык рочыс, важöнджык воöмаясыс, гöгөрвоöны комисö, сёрнитöны весиг миян ног. Тöдан сiйö стиксö? Ну, сваттыыс тай кöза доитны ветаöма.

— Тöда. Тiянкöд сэтшöм гажа, абу и окота торйöдчынысö.

— Дыр-ö кeжлö воин?— юалис Анфиса.

— Лун куим тан лоа.

— О-о, дыр тай.

— Тэныд узянин ковмас,— шыасис Павлина.— Ветлысь-мунысьясыдлы лесопунктöн эм комната, конторакöд орчча керкаын. Сiйö жö керкаас, мöдар помсянныс пыранiныс, и олö Анфиса. Комнатаыс томана, ключыс ме ордын контораын.

— Мыйла тэ ордын?

— Комнатаас сöстöмлунсö ме кута, торъя пелькöдчысьыс абу, сэни узьлысьыс шоча овлö да.

— Сёрөн кö локта, кыдзи веськала сэтчö?

— Контораын лоа квайтöдз. Локтан кö сёрöнджык, ключыс лоö Анфиса ордын.

— Пасибö, гöгөрвои.

— Бөръя кадас частö гижö газетад кутшöмкö В.Уляшёв. Кыдзи ним-вичыс сылөн?— юалис Полина.

— Василий Витальевич.

— Стикъяс гижö и?

— Гижö.

— Мися, сiйö да кысь.

— Тöдса али мый?

— Öти сиктысьсöсь. Армияс босьттöдз тöлысь ме бөрся кодзтöм мегö моз вöтлысис. Жалитi да сетчи, а армиясянныс волiс сöмын öти письмö: кöсьян кö пö, пет верöс саяд, менö пö эн виччысь. Öти кывйöн кö, эновтис менö.

— И петiн?

— Петi, и ни öти ог каитчы.

— Василий Витальевичыд гöтрасис жö, неважөн на. Типографияс нывкöд öтувтчисны.

— Висьтав привет мясян: ог ме сы вылö лөг кут. Эг ме радейтлы сiйöс, сы вöсна и ог скöрав.

Петiсны столөвöйысь. Öбед кад помасис.

— Мен колö мунны контораö,— шуис Павлина.— Анфиса петкöдлас и висъталас, көнi мый.

Ыджыд морöса Анфиса — синтö манитана мыгöра ань. Ас-лыспöлöс мичлун сетö сылы джуджыд енэжын ымралысь шондi рöма пашкыр юрсиыс.

— Саша, тэ збылысь көсьян гижны ме йылысь? Ме öд прöстö пекар, пöжала чöскыд нянь да и ставыс.

— Му вылас тэнад медбур профессия, тэ — Вердысь! Бытöн гижны кута. Сöмын колö вылысь аддзысьлыны и сёрнитны. Съöкыд эскыны: татшöм мича том нывбаба и верöстöм.

— Абу нин том ме, неважөн кызь öкмыс тырис. Вöвлi верöс сайын, Павлиналөн воча воккöд гöтрасьлiм.

— Сэсся юксинныд?

— Эг. Шопералiс вөр кыскан машина вылын. Туяс лоис авария, и кер улö веськалiс. Тавося декабрын нель во лоö. Эз ю ни эз куритчы, а вот татшöмтор лоис. Районной газет пельöсад сетлiсны кувсьöм йылысь юöрсö, партийной вед вöлi, ударник. Ладнö, ме муна, няньшом колö көтны. Воштiсны, навернö, менö.

— Прöстит, но тайö каднас позис нин вылысь петны верöс сайö.

— Танi уна öтка нывбабайд, киссьöм колхозъяссьыд пышйис-ны да. Пöрöдчанiнас и чинтасянинас став увйысьысьыс коми бабаяс. Оз тырмы мужикуловыс. Татшöм серпасыс и орчча Зимстан лесопунктын, верст дас сэтчöдз.

— Окота на сёрнитны и водзö. Гашкö, рытнас аддзысьлам?

— Позьö и рытнас. Ме лоа гортын час көкъямысын.

Анфиса лэччис пекарнялань, Тарабукин мунiс контораö ад-дзöдчывны лесопунктса начальниккöд. Эмиль Эмильевич Адам йылысь тöлкөн некод нинöм эз висътав. Быдөн вочавидзлiс: арестуйтöмаось пö. Вель уна пасйöд вöчис корреспондент аслас блокнотö. Куим лунсö тан немтор и вöчнысь. Владимир Воробь-ёвлөн тшöктöм серти аддзысьлiс парторгкöд, корис гижны статья посёлокса коммунистьяс йылысь. Көсийысис.

Ужнайтiс столöвойын. Пукалiс öшиньдорса сийö жö пызан саяс, көнi и тöдмасис луннас Анфисакöд да Павлинакöд. Сөйиг-чöжыс син водзас сулалiс нёньяснас пызан дорышö мыджсьöм Анфиса. Чуркаа гöтырсö радейтö Матвей Öльöксан, и гöтрасьöм бöрас мукöд бабаяс вылö эз на каньявлы, көть эськö и петö вежыс да. Со тай, Анфисаыс öзйысь юрсинас быттö мыйкö öзтiс Öльöксанлөн сьöлöмын — бара нин окота аддзысьлыны. Наперво мунас эсийö комнатаас да водöмөн шойччыштас. Öнтай контораас волiгөн Павлина сетiс ключсö.

Керкаын ывлаас серти ыркыджык и абу номйöсь. Юрлöса-шебраса нель крöвать, сiдзкö, öтпырийö позьö шойччыны нель мортлы. Пытшкөссяныс каличасьтöг Öльöксан нюжöдчис крö-ватьö. Регыд ойбыртiс, и кутiсны локны тешкодь да повзöдчана вöтьяс, быттö чорыд пöкмелля дырйи. И садьмис сöмын сэк, кор аддзис: быттö пасьтöм гöтыр вылас ерикайтчö кутшöмкö тошка дядьö. Сыркмунiс весиг Öльöксан. Жалитiс, тошка мужи-кыслысь чужöмсö эз аддзыв да. Гашкö, сысянь и чурка нылыс, збыль басьсö вед Тарабукин оз тöд. Ставыс кө путьмас, гöты-рыслы водзöс мынтас — Анфисакöд кутчысьлас. Рыжой бабайс эз на тшуклы сылы. Матвей Öльöксан абу коммунист, оз ков

повны пöдруга видзöмсьыд партияысь вöтлöмысь. Сöмын вот кызиджык матыстчыны Анфиса дiнас? Кызди? Верöс сайö пентавлöм баба дiнö моз: лоны збойджыкөн да лестьджыкөн. Тьпу! Кутшöм сöмын думъяс оз воны юрас! Воасны, дерт, татшöм мича том дöвакöд аддзысис да. Часлы, лавкаö ветлас, водка доз ньöбас.

Петiс пос помас. Вöчис воськов-мöд и паныдасис Анфисакöд, кодлөн öтар киас бидон, мöдас тыра сумка.

— Вина лавкаыд восьса на?— юалис Öльöксан.

— Кодкö нöшта узысь локтiс али мый?— кылис воча юалöм.

— Эз эськö да.

— Сизимöдз уджалö, öнi кöкъямыс нин.

— Корджык позьö пыравны тэ ордö водзö сёрнитыштны?

— Ме некытчö ог мун, гортын лоа. Ну, час мысти кымын.

Öдва и коли часыс, сэтшöм ньöжйö муно кадыс. Öльöксан пасйышталiс блокнотö, мыйджык юасыны Анфисаыслысь. Овсö ни овнасö на весиг оз тöд и эм-ö челядьыс. Сё мокасьтыд, сэтшöма чеччö сёлöмыс, и лөньюдны нинöмөн. Вом тыр вина кö эськö! Позис жö водзджык ветлыны лавкаас. Сюрöса мужик нин, тöдтöм аньöс мусукалöм йылысь думайтан, а вина он ньöб; тьпу! Ладнö, нинöмла асьтö омöльтны. Рыжöй аньясыд пö ярöсь, и ачыс на, гашкö, водзджык пондысьны кутас. Мед эськö тадзи и лоö.

Петiс Тарабукин узылан патераысь, кильчö öдзöссö томналис. Анфиса öшинь пырыс казялис корреспондентлысь локтöмсö и водзвыв восьтiс посводзсьыс пытшкöс каличсö. Дорладорас кухня, кöнi кöрт плитаа кирпич пач; öти стен бердын стеклöа сервиз шкап, мöдын — пызан.

— Пыр пыдi комнатаас, пуксы диван вылас да лыдды ассьыд «Эжва йыв» газеттö, талун вайисны,— Анфиса вöня халата, и морöсыс лоöма джуджыд джопкана исласян чой кодь.

Гöсьт пöрччис туплисö, пинжаксö öшöдiс öдзöсдорса тув йылö, перйис зепсьыс блокнотсö да ручкасö. Пытшкöс жыръяс паныда стен бердас мича вевттьöда небыд диван, пыдынджык гардероб, веськыдвылас кельыдлöз покрывалöа кöрт крöвать, кöнi куйлисны еджыд эжöда кык пушыд юрлöс. Диван весьтас ыдждöдöм кык снимок: öтиыс ачыс; мöдыс, тыдалö, верöсыс.

— Снимок вылас верöсыд али батьыд?— фотояслань видзöдiг юалис Тарабукин.

— Верöсöй. Бать усис война вылын нелямын коймöд воын. Мам быдтiс миянös — чоя-вокаös. Митрей вок Зимстан лесопунктын тракторист, мамö сы ордын олö, челядьсö видзö. А ме велöдчи кулинарнöйын, мыйкöдыра уджалi столövöйын, сэсса вуджи пекаравны, витöд во нин тани. Овöй кыз?— Анфиса кухняс ноксигтырйи вочавидзалис корреспондентлөн юасьöм вылö.— Овöй Касева, овнайö Андреевна. Асьтö кызди вичалöны?

— Матвеевич. Тэкöд тшöтшъя.

— Челядьыд кымын?

— Кык. Ныла-пия,— мый нылыс абу ассянныс, дерт жö, эз висьтав.

— Мен вот эз сет Енмыс. Сэтшöма эськö колö да.

— Верöсыдкöд дыр олинныд?

— Вöли кадыс, мед чужтыны.

— Кодныд эськö вöлинныд мыжанас?

— Код тöдас, эгö прöверитчылöй,— быд воськовтiгөн Анфи-

салон лайкмуналис сьокыд моросыс, вощыштліс халат полаыс, и тыдовтчыліс порсь гос кодь еджыд лядвейыс.— Миян рёдын тай челядьтомыс некод абу-а.

— Том на, удитан на мамавнытё, ёна кө көсьян,— таdzi шуомнас Тарабукин быттьокё тёдчодіс: батынас по и ме верма лоны.

— Көсийомыд эськё и эм, да бур мужиктё аддзыны сьокыд, омөликыс оз ков дай,— Анфиса немымынысь нин пыраліс пиді жырьяс сидзи ли, могөн ли и быд пөрийё пыр ёнджыка петкодліс вежсё гөсьтыслысь, сэсся корис кухняс пызан сайё:— Лок, Саша, пось чай юам. Верос кувсьом бөрын ни өти мужиккод на воча ныр эг пуксьыв тайё пызан саяс.

— Пасибё, Анфиса. Тэ зэв шань и зэв мича, абу и окота петнысё тэ дінысь.

— Ог тай и вөтлы, а пызан сайё на кора.

Пызан вылас пузёдом электрочайник, тасьтиясын гуляш да шницель — гортас локтигөн ньобис столөвйысь. Көзяйка кыскис шкапысь кык румка да водка доз, мыччис гөсьтлы:

— Восьт и кысьтав, көсья нывбаба шогос пальодыштны.

— Окота мыйкё шуны, да ог лысьт,— Олёксан кысьталіс водкасё.

— Юыштам, збойджык лоан. За знакомство,— рочыштіс Анфиса и тотшнитчисны. Винасё кылөдісны яя сёянөн.— Тэ збыльысь көсьян гижны ме йылысь?

— Збыльысь. Контораын висьталісны тэ йылысь сөмын ошкана кывъяс.

— Ме ордын пукаломнымос гижан жё?— юмола нюлыштіс ассьыс пув рёма вом дорсё Анфиса.

— Ог.

— А мый эськё көсийин шуны?

— Сөмын эн дивит, висьтася: любитчи ме тэ вылө, Анфиса Андреевна. Вөлі кө гөтыртөм, гөтраси эськё.

— Татшөм мича кывйысь ог жё дивит. Ме вед абу пуысь гогналөм, а ловъя морт, тэ сайё эськё петі жё. Но гөтырыдысь мырддыны ог көсий, мен сөмын кага колө, өткөн кольомысь пола,— аньыд, тыдалө, сетіс төдны: көсьян кө пө, ог ло паныд.

Мөд румка бөрын Анфиса кутіс кажитчыны Олёксанлы лөсьыд кокъяса, пытшкөс томана озыр жытник кодь, кытчө сэтшөм окота пыравны гусясьны. Ключыс сьорас, сөмын колис вичысьны стрөка, кор восьтны пидө дзебөм томансё.

Пырисны пиді жырьяс, небыд диван вылө топыда орччөн пуксьөмөн босьтчисны листовны альбом.

— Тані менам став рөдвужой и пөдругасой,— Анфиса чунь помнас индыліс снимоклань и шуліс, коді сийө мортыс.

Корреспондент өти снимок корис газетын йөзөдом вылө. Збыльыськө кө, Олёксанлы вөлі дзик веськодь, кодъяслөн фотоясыс куйлісны альбомын. И тайөс, тыдалө, казалис Анфиса, чужөмсө мужичөйлань бергөдомөн шуис:

— Саш, тэ жё синъялан менсьым морөсөс, а он видзөд снимокъяссө.

Воча кыв пидди мөдыс топөдіс аньөс и диванас нёрыньтөмөн кутіс оковны пачысь сөмын на кыскөм нянь чөвпан кодь пось нёняссө кабралігтыр.

— Саш, ме кө өзъя, тэнө чишкала,— намөдіс нывбаба.—

Ланьтыштлы, верөслысь портретсö стенсьыс идрала, а то аддзö миянлысь окасьöмнымöс.— Анфиса судзöдчыліс и ыдждöдöм сни-мока рамасö меститіс гардеробас. Бöрсö эз пуксьы, а занавесалис öшиньяссö. Крöвать вывсьыс вештіс вевттьöдсö, шуис:— Нинöм-ла мучайтны öта-мöднымöс, пöрччысь.

Мöдысь шуöм эз ков, Öльöксан здукöн личöдчис, трусиксö чöвтіс аньлөн трусик вылö и тювкнитіс шебрас улö. Анфиса мыйкö көсйис на шуны, но друг тшöкмуніс: Матвей Öльöксан-лөн ичöт öльöксаныс ёсь пыридз моз зутшкысис небыдик аньлөн көчвöня гөг улö. Мыйöн воисны ас сadyныс, Öльöксан аслас син водзысь аддзис мичаа нюмъялысь Анфисалысь чужöмсö, быттö югыда нюмъяліс ачыс гоҗся шондйыс.

Анфисакöд кык вой чöсмасьöм бöрын Тарабукинлөн коман-дировкаыс помасис. Тыр вир-яя том нывбаба аттьöалис ассъыс ангелсö, коді вайöдліс сы дінö öнöдз тöдтöм тайö мужичöйсö; чужис лача, мый лоас мамөн.

17

Слабог, кутшöмсюрö веҗсьöмъяс кутісны мунны видз-му ов-мöсын. Эҗва катыдын колхозъяс пыдди котыртісны медводдза совхозъяс. Коліс уна специалист — агрономъяс, зоотехникъяс, ве-теринаръяс, механикъяс. Быд совхозлөн лои аслас партком, проф-ком, комсомоллөн комитет. «Льöмдінскöй» совхозлөн парткомса секретарён индісны Аверьян Гичевöс. Юсьбöҗса колхоз лоис совхозлөн отделениеөн, а ягдорса овмöс — тайö отделениееслөн бригадаөн. Чужис чиновникъяслөн нöшта öти аппарат — видз-му овмöслөн районса управление. Ягдорын көсйисны котыртны леспромхозлысь подсобнöй овмöс, но шуисны нөрöвитылыны.

Кыдзи и вит во сайын, ассъыс комсомольскöй томлунсö бара на тöд вылас уськөдіс Лазарь Костин. Воробьёвъяслөн да Кос-тинъяслөн семьяяслысь юбилейяссö пасйыны корис öти и сійö җö лунö — август мöд джынйын Ягдорын, буретш сэк, кор тестыс-лы тырö сизимдас вит ар, а тьöщaыслы да мамыслы — сизимдас, аслыс — ветымын. Юбилейяссö öттшöтш пасйöмыс лоис паме-тьö коляна югыд семейнöй празникөн. Лун-мöд сайын «Эҗва йыв» газет медводдза лист бокас йöзöдіс юöртöм: «Партийнöй, сöветскöй да хозяйственнöй органъясын дыр да бура уджалö-мысь, ветымын ар тырöмкöд йитöдын СССР-са Верховнöй Сöвет Президиумлөн Указөн Лазарь Кузьмич Костинöс наградитöма Трудöвöй Гöрд Знамя öрденөн».

Вöлі помкаыс, мед öглаö чукöртчывны Воробьёвъяслөн да Кос-тинъяслөн семьяяслы. Гаж вылö корлісны и Юсьбöҗысь Игнатовъ-ясöс. Öд и аслыс Георгий Евгеньевичлы ветымын арöс, Ольга Ерма-лаевнакöд гöтрасьöмсянь тырис кызь во. Сы мында җö, мыйта Ла-зарь Кузьмичлөн Елизавета Емельяновнакöд öтутчöмсянь. Георгий да Лазарь костын ёртасьöмыс кысьö педтехникумын öтлаын велöд-чöмсянь. Сы бöрти, кор Игнатов гöтрасис Олыгакöд, лоисны вокъяс кодьöсь. Олыгакöд быд аддзысьлөм Лазарь Кузьмичлөн син водзö сувтöдліс Вера Ильиничнаöс. Сылөн кувсьöмсянь кызь во нин, но медводдза муслунсö вунöдны сідз эз и вермы. Овлöны здукъяс, кор Костинлы кажитчö, быттöкö сылөн судьбаөн веськөдлö оз ачыс,

а Вера Ильинична. Гашкӧ и, тайӧ семейной праздникяссӧ вӧчӧ Вера Ильиничналӧн тшӧктӧм серти.

Ыджыд мамсӧ да ыджыд батьсӧ чолӧмавны волісны и чоявока — Вера да Кузьма. Налӧн тшӧтш жӧ аслыссяма юбилейяс: Вералы — кызь, Кузьмалы — дас вит арӧс. Некумын ӧтлаӧдӧм пызан сайын пукаліс и пӧль-пӧчӧн шуысь Емель Вань Володь гӧтырыскӧд. Тавося сентябрын кызь вит арӧс тырӧ Тамара Воробьёвалы. Корис Вера Костина да, праздник вылӧ воліс и Лазарь Игнатов.

Сюрис стрӧка да, Ӗгрӧпена матыстчис Тамара дінӧ, шӧпкӧдӧмӧн юалис:

— Тамарук, мый нӧ миян Вовуклы кагуксӧ он чужты?

— Чужта на вед, Ивановна. Чужта, чужта... — сьӧлӧмсяныс эскӧдіс Тамара. А мамыс да батьыс, Королёв гозья, майшасьны нин кутісны, гашкӧ пӧ, оз и артмы каганыс да. Торья ыджыд полӧмыс Евлампия Ивановналӧн.

Володя да Тамара рытнас шуисны мунны узьны Таркойтӧ мамыс ордӧ. Лазарь Кузьмич мӧдӧдліс Кузьма писӧ аслас шопер Серафим ордӧ, мед пӧ матыстчас татчӧ машинанас. Серафимлы кивыв воывлыны Ягдорас, век нин мам-батьсӧ аддзӧддас. А мыйта нимкодлуныс Анна Платоновналӧн да Ӗстап Васьлӧн! Эм кӧ кадыс, и гӧтырсӧ тшӧтш, Тасясӧ, босьтлӧ; сылы ӧд окота жӧ мам-батьыскӧд аддзысьлыны. Сватьяс — Тикӧн Опонь да Ӗстап Вась — воывлӧны ӧта-мӧд ордас, отсасьӧны ӧта-мӧдыслы. Кыкнанныс вуджисны ыджыд война, колисны ловйӧн, чайтлісны, колхозаныс бара лоӧ сідз, кыдзи войнаӧдз, и кутасны тышкасьны озыр урожайяс вӧсна. Вынтӧммӧм ӧтувья овмӧслы коліс государствоянь тӧдчана отсӧг, а сійӧ буретш да и эз ло. Важмӧны во сӧ сайын лӧптӧм оланінъяс, колӧны выль скӧт картаяс да амбарьяс, тракторьяс да автомашинаяс, видз-му удж вӧчан техника, но нинӧм эз тырмы. Вермана йӧз и водзӧ пышйисны посёлокъясӧ, кӧні серпасыс вӧлі дзик мӧд.

Серафимкӧд Таркойтӧдз шуис ветлыны и Елизавета Емельяновна: окота пӧ аддзысьлыны да сёрнитыштни Як Марьякӧд. Эз кольччы мамсыс и Кузьма. Сулаліс зэръястӧм поводдя, и туйыс кузяла кос. Льӧмдінсянь Ягдорӧдз «козликнад» воан часьыс муртса дырджыкӧн. Тайӧ вӧлӧкӧдыс Ягдор пыр ветлісны и орслӧн, и сельполӧн кузола машинаяс, Эжва катыд катлісны груз, бӧрсӧ лӧччисны тыртӧмӧн.

Колхоз кӧть и эз вермы сувтны кок йылас, Ягдорын кыптӧны выль олан керкаяс. Налы, кодьяс инасисны уджавны Таркойтӧ, стрӧитчан вӧрсӧ местаӧдз вайны отсалӧ аслас техникаӧн лесопункт. Тшупсьылісны шойччан луньясӧ помечӧн. Деревняса мужикулов пиысь унаӧн уджалісны вӧр делянкаясын бензопилаӧн пӧрӧдчысьӧн, трактористӧн, мастерӧн, кодьяс босьтісны професиясӧ Льӧмдінкӧд орчча посёлокса учебно-курсӧвӧй комбинатын. Тані дасьтісны рабочӧй кадрьяс районса став вӧр лӧдзысь предприятиеяслы. Деревняыс петӧм нывбабаяс уджалісны магазиньясын, столӧвӧйясын, школаясын, челядьлы садикьясын. Вӧр пӧрӧдысь бригадаясын став увйысьысьыс нывбаба. Тадзи власьтьясӧн эновтӧм колхозникьяс лоисны рабочӧйясӧн. И Ягдорын, и Таркойтын том йӧз гӧтрасялісны, чужисны челядь. Вых семьяяс унджыкыс стрӧитчисны чериа кык юӧн, тшак-вотӧсӧн да звер-

пөткаён озыр пармаён кытшалом Ягдорё. Тані жё важ йёзён на вөчлөм паськыд муяс да ойдлана видзьяс. Жаль, найё заводитісны эндыны шогмытөм аграрной политика вөсна. Гашкө, мыйкө и вежсьыштас колхозъяс пыдди совхозъяс котыртөм бөрын?

Шевчукъяслөн семья вөлі гортас. Люда сөмын на воөма кино вылысь — вөсньыдик, батыслөн кодь сьөд синма да сьөд юрсиа, дас квайт арөснад невеста кодь нин. Төдчө: карад велөдчигөн тшапмыштөма. Ставныскөд небыдика топөдчыліс. Кутчысьлөмөн чолөмасисны гөсьтьяскөд и Шевчук гозъя. Серафим машинанас муніс чойыс ордө, локта пө татчө час мысти.

Емель Лиза да Як Марья ошкисны өта-мөднысө, шуалисны өта-мөдыслы: ньөти на пө абу вежсьөмыд, век на пө томдырся кодьыд мича. Дерт жө, мичаөсь, Марьялы сөмын на нелямын вит, а Лизалы сөмын на нелямын сизим тырис. Бур верөсьясыдкөд аньясыд дыр оз пөрысьмыны. Ветымын арөссө некыдз он сет Педот Надьёлы — косіник да нюдз, и сэк жө зэв стройной. Казявлөма да, котөрөн воліс Як Марья ордө, вевъяліс мыйкөдыра варовитны ичөтдырсянныс пөдруга Емель Лизакөд. Ошйысис, отпуск дырйиыс Шаймиевыс нулөма Казаньё да, босьтлөмаөсь тшөтш и Каримаөс. Казаньыд пө зэв мича, дзик мойдын кодь.

Часыд өдйө и колис. Кылө, матыстчис нин машинанас Серафимыс.

— Лиза об, «козликад» унаён он төр. Но гөсьтьясыд пөпутной вылө мед оз петны,— өлөдіс Володя.— Богдан дядь висьталіс, аски пө тасянь Льөмдінөдз автобус кутас лэччыны, ставным сэтчө и сөлам.

— Да, да,— шыөдчис Богдан.— Аксёнов ассъыс гөтырсө нуө райбольничаса роддомө,— лесопунктса начальниклысь нимсө казътыштіс дядьыс.

— Шуралөн вомөдзыс рушкуыс, мед көть автобусас эз чужты,— чөвтис Як Марья.

— Кымын нин челядьныс?— юалис Лиза.

— Медводдзаөс виччысьöны.

— Ягдорын Шурасө да Аксёновсө сөлөдам Лазарлөн легкөвөй машинаө, ме орччөн накөд лоа,— шуис медичка,— роддомөдзыс ми кольөдам. А мукөдыс автобуснас лэчасны.

Як Марья босьтчыліс пызан дасьтыны, но Лиза вочавидзис, ми пө пөтөсь и кодөсь, и Кузьмакөд петісны. Машина дорөдз зня-пияөс кольөдісны куимнан Шевчукуыс — Як Марья, Богдан да Люда. Сэсся дыр варовитісны пиыскөд да моньыскөд.

Аскинас гөсьтьяс, тшөтш и Володя да Тамара, посёлокса автобусөн лэччисны гортаныс. Ягдорын автобусө сөліс и Никөн Тольён да Закар Агнилөн Феликсыс, корөмаөсь райвоенкоматө медкомиссия вылө. Шура Аксёноваөс Елизавета Емельяновна кольөдіс кага чужтан керкаөдз.

Вежон мысти теплоходөн Сыктывкарө аслас училищеө лэччис Людмила Шевчук. Важөнсянь нин сентябр лоис студентъясөс, техникумъясса, училищеясса да школаясса велөдчысьясөс трудөвөя воспитайтан төлысьөн. Пөшти төлысь чөж найөс мырдөн кутасны уджөдны республикаса овмөсьяслөн картупель да капуста муяс вылын. Колхоз-совхозъясын йөз вын тырмытөмла кызвын урожайыс колис зськө лым улө. Том йөзөс төрөканъясөс моз овмөдлісны кытчө веськалө. Омөлик көм-паськөмөн муяс

вылын лукйысигөн унаён кынмылісны да висьмылісны. Сы пьд-ди во помас овмөсьяс ошйысьлісны: босьтім пö бур урожай! А ыджыд урожайясысь ыджыд и шөркодь начальникъяслы вичмы-лісны орденъяс да медальяс.

Эз вöв бурджык серпасыс гожомнас. Кöрым заптан страда дырйи видзьяс вылö мырдөн мөдөдлісны и каръясса, и сиктъясса став интеллигенциясö. Татшөм мяян социалистическöй видз-му овмөс, кодлөн дзездалö быд вурьыс. Вөлөмкö, куш идеологиянад, коді шусис марксистско-ленинскöйөн, кынөмтö пöткөдны он вермы. Хрущёв на сувтöдіс мог: вөтöдны Америкаос быд морт вылö йöв да яй вөчөмөн. Но капиталистъясöс вөтöдны сідз эг и вермөй.

Мыйөн бара и помасяс Сöветскöй Союзын коммунизм строи-тöмыс-а?

18

«Эжва йыв» газетлөн мөд лист бокыс пырджык воссьыліс «Партийнöй олөм» да «Идеологическöй уджын воөдчыны быд мортөдз» рубрика улын статьясөн, кодъясöс дасьтыліс Влади-мир Воробьёв. Вöвлі дөсаднө, кор ыджыдджык чинаөс, сійö кö коммунист, асланыс газетын критикуйтны эз позь. А партбилет-төм мортыдлы ыджыд чинсö эз и сетлыны. Коммунист кö, көть и юр вем пьддиды пилипызь, верман кыпөдчыны зэв вылөдз. Лөгинъягса парторглысь статьясö, кодöс котыртліс сэтчө ветлігөн Тарабукин, ошкисны и летучка вылын, и райкомын. Сэні эз вöвны сöмын лыдпасъяс, а медсясö вöлі висьталöма йөз йылысь — комму-нистъяс и беспартийнöйяс йылысь. А вот Эмиль Адамөс, коді уна во чөж уджаліс тайö йөзыскөд, эз вöв казтыштöма ни öтиысь. Сідз эз и тöдны ёртъясыс, мыйла нуисны сійöс кытчөкө туй ни пом.

Лөгинъягö командировкаысь аслыс Тарабукинлы медъёна ка-житчис «Пöжасьысь» очерк, көні висьталіс посёлокса пекарняын уджалысь Анфиса Андреевна Касева йылысь. Текст шöрас вöлі и очеркса героинялөн снимокыс. Фотосö да öти газет Тарабукин мөдөдіс Анфисалы. Гижны көсийис сьölөмсянныс петана кывъяса письмө, да эз лысьт. Поліс, друг да письмөыс веськалас йөз киö. Пасйис: «Анфиса Андреевна, пасибö ставсьыс! Ен мед се-тас тэн бур дзоньвидзалун, и дыр ло сэтшөм жö мичаён, кутшө-мөн аддзылі. А семьятö лөсьөдөмыд ас саяд. Ыджыд поклон Павлиналы, öд сійö и чуйдіс гижны тэ йылысь очерксö. Аддзысь-лытөдз, Матвей Öльөксан».

Сэки, Лөгинъягысь воөм бöрын, Öльөксанös быттö вежисны. Гөтырыскөд нинөм абусьыс эз нин вензыны, и кыв йывсьыс мыйкөдыра кежлö вошис «б...» кывйыс. Збыльысь тай, пöдруга видзөм бöрад мужикыд лоö меліджык. Ёна важөн, кор му вылын, кодзувъяс да планетаяс вылын олісны енъяс да йөз, тайö кывйыс абу вөлөма понъясяна. Со мыйла.

Енкölаса öти планета вылын овлөма Блядэ нима ен-ныв. Сі-йö төдöма, му вылын пö йөзыс олöны зэв гöля, и шуöма кызкө отсавны налы. Блядэыд петас кузь туйö. Му вылö вотөдз туяс паныдасьлас уна планета, и быдлаö сувтлас. И аслас сетласьөмөн муыввса олысьяслы кутас чукөртны сьөм. Чукөртас уна, воас му вылö да, юклас гöль йөзлы. Вот сэксянь и көвъясисны сетла-

сьысь нывъяслы «б...» (Блядэсянь) нимыс. Аньяслысь деньга вылө сетласьомсö кутісны шуны му вылын медваж профессияөн.

А Олюксан Тарабукин лөсьодчис выль командировкаö, вөр лэдзсыяслөн эжвагоровса посёлокö. Сöмын вот аддзас-ö ещö коркö аслас очеркö Анфиса кодь жö мича героинясö?

Сентябр, буретш баба гожом. Володя Воробьёв тöдіс, матысмö гöтырыслөн чужан лун — тырö кызь вит арös. Но став Воробьёвъяслысь да Костинъяслысь юбилейяссö, тшöтш и Тамара Ми-саиловналысь, пасйисны нин Ягдорын. Ставныслөн ним кузя, кодъяслөн квайтымын витöд воыс вöлі юбилейнöй, лэптисны тост, шуисны бур сиана кывъяс.

— Тамар, кык лун мысти тэ чужан тайö му вылас,— гöтырсö небыдика топöдыштліс Володя,— вот думайта, мый тэныд козынавны.

— Ми пасйим нин, кыкысь оз пасйивны. Ог торкöй Лазарь Кузьмичөн думыштöм традициясö.

— Сійöтö сідз, но казтылом ради мыйкö ньöбны колö.

— Ме нин думышті та йылысь, но водзвыв чуйдыны эг кöйы.

— Висьтав, терпенньö абу.

Тамара сывйыштис верöссö, быттö кодыськö полöмөн шöпкöдіс:

— Менам медкокниа сьöктан кад. Вöчан кö кага — тайö и лоö кызь вит арösсö казтылом вылө меддона козиныс.

Володя окыштіс гöтырсö, таөн быттöкö тöдчöдіс: сöглас пö.

— А то пöчыд и мамыд быд волігөн юасьöны: нöбася али ог на? Мамö да батö оз сетны покойсö ни, öтарö внукös ли, внучкаös ли виччысьöны.

— Ме сайын тайö делöыд оз сувт, кута зільны коммунистическöя уджалысь ударник моз.

Збыльмöдіс сетом кывсö коммунист Воробьёв. Кызь нель арösнад мужичöйыд племенной уж кодь, а Володялы буретш сы мында. Мыйөн эз во тöлыссяыс, пыр и ошйысис Тамара:

— Володенька, лоан батён.

— Кор?

— Вая буретш тэныд кызь вит ар тыригкежлö.

— Ноко, вай öтлаын артыштам,— орччөн пуксьöдіс гöтырсö Володя.— Сьöктін кö сентябрын, öкмыс тöлысьыс кор лоö?

— Юнын.

— Тöдчö, мый менам гöтырöй математик.

— Сералан?

— Ог.

Гагаджык овнытö, кор мыйкö виччысян аския лунсыыс. Воробьёв гозъялы эм мый виччысьнысö. Выль воөн öта-мöднысö телефон пыр чолöмалігөн Тамара первойысь юöртис мам-батыслы нöбасьом йылысь. Евлампия Ивановна радысла, кылö, весиг бöрдзыліс. Со öд кутшöм дона öтка нылыд! Ставсö пö, мый ковмас кагаыдлы, ньöбам батыдкöд карса лавкаясысь; ті пö эн рöскодуйтчöй,— велöдіс мамыс.

Кыпид руөн олісны Воробьёв гозъя. Сэк жö öтитор жалитис Володя: Тамаралөн пыксöм вöсна эз ло лэччöмыс Сыктывкарö да. Арнас воліс Лёмдінö «Югыд туй» газетса редактор, республикаса журналистъяс котырөн веськöдлысь Авив Лыткин, и бара на кыптыліс сёрни Воробьёвöс карö вуджöдöм йылысь. Вöлі кö пö öтнам, лэччи эськö кыв шутöг, но гöтыр пö та йылысь и кывзыны оз кöйы. Збыльысь кö, эз зырт муснысö Во-

робьёвъяслысь и Льёмдінын. Кыкнанныс томось, и водзын налөн кузь олан туй.

Март тöлысья өти асылö Василий Уляшëв пырис редакцияö киас газетөн, шуис:

— Локті пошта пыр, ньöби талунъя республиканскöй газет.

— Мыйла ньöбин, ваясны öд редакцияö?— веськодя чöвтіс Тарабукин.

— Кор на локтас поштальоныд, а газетас эм шензёдана статья власовец-предательяс йылысь. Висьталісны мен да, лыдди веськыда пошта вылас.

Сыркмуніс Володя Воробьёв, кор кыліс «власовец-предатель-яссö». Друг да сэнi гижисны тшöтш и Богдан дядь йывсьыс?

— Ноко, ноко, гашкö, меным тöдса Эмиль Адам йылысь да?— корсис статьясö Тарабукин.

— Буретш да сы йылысь, код йылысь öтарö көсийыслін гижны героическöй очерк.

— Эз кө арестуйтны, гижи эськö. Ветымын коймöд восянь власовецъясыд миян моз жö Сöветскöй Союзса тыр правоа граждана.

Статья бердö синнас сатшкысис и Воробьёв. Слабог, Богдан дядьбыслысь овсö эз аддзы. Комиö власовецъясöс вайöмсянь ко-лис кызь во, а чекистьяс, вöлөмкö, öнөдз корсьöны на пöвстысь найöс, кодьяс служитісны СС войскаясин, кодьяс йötкалісны газöвöй камераясö старикъясöс, нывбабаясöс, челядьöс... Татшöм палачьяс лыдас вöлөма и Эмиль Адам, кодi фашистьяслөн пленö веськалөм бöрын велөдчас учебно-полицейскöй подразделениеын и кутас служитны немечьяслөн карательнöй отрядьясын.

Война помасьöм бöрын уна сюрс власовецöс вайисны Комиö. Эмиль Адам дас нель власовецкöд öтлаын веськаліс Льөмдін районса Лöгиньяг вөр участокö. Сэки безопасность органьяс эз на тöдны, мый Адам зверствуйтöма фашистьяскöд öтув. И со, уна во мысти чекистьяс туялісны мыж вöчысьöс. Эмиль Эмильевич Адам чужлөма 1910 воын Дагестанскöй АССР-са Хасавюрт карын, национальностыс немеч, но СССР-са гражданин. Карательнöй отрядьясын служитігөн уна сё сöветскöй мор-тöс бырөдöмысь Адамöс лыйлöмаось 1966 вося март 21 лунö.

— Но, мый татчö шуан, Саша?— эльтыштіс Тарабукинöс кывкутысь секретар Уляшëв.

— Ме бура тöдса чекистыскöд, кодi эрдöдіс Адамсö. Öти пызан сайын ме сыкöд тшай юлі. Сідзнад, Василий Витальевич, ме водзджык нин тöді, кодi сэтшöм Адамыс.— Тарабукинлөн тайö шуөмас мыйсюрö вöлі збыль, но унджыкыс лөж.

— Эн сөр, Саша. Тöдін кө, важөн нин эськö ошйысин.

— Менам вомын став водз пиньöй на, сы вöсна и лишнöйыс менам вомысь некор и нинөм оз пет. А öні, тайö статья бöрас, верма и явитны мыйсюрö. Чекистыс, кодi туяліс Адамсö, миян типографияса директорлөн воча вок, шуöны Генрих Степанович Ляшевöн. Лöгиньягас кайигөн и сэтысь карас лэччигөн быд пöрйö узыны сувтлывліс Альберт Ляшев ордö. Сы ордын и тöд-масьлі Генрих Степановичыскöд.

— Альберткöд öтлаын вуграсьлам, а мый сылөн эм вок-че-кист, эз ошйысьлы,— дыр чöv олөм бöрын шыасис Безноси-

ков.— Комиад сы мында ссыльнӧй да лагерник, и, дерт жӧ, абу ставныс еджыд юра бобӧнянь кодъ сӧстӧмӧсь.

— Но и мыжтӧг мыжалӧмыс эз вӧв этша, кодъясӧс либӧ лыйлисны, либӧ сисьтисны тюрьмаясын,— шуис Воробьёв.— И Чисталёв, и Савин сьылисны и Ленинӧс, и партияӧс, и выль олӧм стрӧйтӧмтӧ сьылисны, а кутшӧм лои налӧн судьбаыс — ставнымлы тӧдса.

— Ме вед сы вӧсна и ог пыр партияд. Код тӧдас, мый думьштасны водзӧ вылӧ коммунистьясыд,— венӧ пырӧдчис Тарабукин.

— Ме, гашкӧ и, пыри эськӧ, но кор кывсяс мамӧлы да батӧлы, мый ме лои коммунистӧн, ӧткажитчасны найӧ меысь,— веськыда висьтасис Василий Уляшѐв.

— Мыйла?— юалис Безносовых, кодӧ век на ки улас кутис Эмиль Адам йылысь статья газетсӧ.

— Ӑти-кӧ, найӧ Енлы эскысяс. Мӧд-кӧ, ыджыд мамӧс да ыджыд батӧс большевикъясыд кулачитлӧмаӧсь, мырдӧмаӧсь ставсӧ, мый вӧлӧма налӧн овмӧсын. И мед эз пуксьӧдны тюрьмаӧ, ковмӧма пырны колхозӧ. Юрын бергалӧ мӧвп коркӧ гижны та йылысь повесыт. А ӧд мый ми аддзам талунъя коми литератураысь? Прозаа унджык гижӧдас озырджыка олысяслы сетӧны мисьтӧм прӧзвищяс, сералӧны на вылын, петкӧдлӧны бӧлбанъясӧн. Вукӧдӧ нин сэтшӧм гижӧдъяссыс.

— А тэ бергӧдан ставсӧ мӧдарӧ?— ныр йылас ӧшалысь ӧчки пыр видзӧдлис Уляшѐвлань Безносовых.

— Нинӧм ог бергӧд, кута гижны збыльтор, но художественнӧя. Колхозъясыд коми крестьяниныдыл нинӧм эз сетны, а помӧдз рӧзӧритисны.

— Тэ прав, Вася. Но кӧнӧ йӧзӧдан сэтшӧм гижӧдсӧ?— шуис Воробьёв, тыдалӧ, дум вылас усис, мый сылӧн пӧчыс озыръяс-лӧн рӧдысь жӧ.

— Сэтчӧдз ылын на, гижтӧм на повесытыс. Важ йӧз шуӧны: бесъяс пыдди пӧ коркӧ воасны йӧз, кодъяс кутасны овны Кристослӧн велӧдӧм серти.

— Кодъяс нӧ эськӧ бесъясыс? Ми али мый?— юалис Безносовых.

— Ми кӧ вӧлим бесъясӧн, тадзи эськӧ сёрнитны эг лысьтӧй. Веськыдасӧ ог инды, а то кодкӧ удтанныд, и менӧ пуксьӧдасны; том гӧтырӧй, Татьянаӧй, коляс сэки дӧваӧн.

— Эн пов, ог удтӧй,— мурӧстис Тарабукин.

Редактор Трофимов асывсянныс вӧли партия райкомлӧн пленум вылын, кытчӧ волис КПСС обкомса первой секретар Морозов.

— Виддалисны кадрӧвӧй вопросъяс,— ӧбед бӧрын коллективын юӧртис Трофимов.— Райкомса первой секретарӧн лоис Тюпенько.

— Кысь татшӧм ова мортсӧ лыккисны?— юалис Тарабукин.

— Ачыс белорус, Комиын дас вит во нин. Уджавлӧма лесопунктъясын, вӧвлӧма начальникӧн. ВПШ заочнӧя помалӧм бӧрын партийнӧй уджъяс вылын, комын вит арӧса.

— Коми районӧн кутас веськӧдлыны белорус, абу эськӧ мича татшӧмторйыд йӧзсянныс да,— лабутнӧя намӧдис Безносовых.— А кытчӧ воддзасӧ, каллян ныра Давыдовсӧ?

— Партия обкомын пӧ видз-му овмӧс юкӧнӧн кутас веськӧдлыны,— вочавидзис Николай Прокопьевич.

— Республикаын видз-му овмӧсӧн сы мында веськӧдлысь,

сöмын тай пöльзаыс наысь зэв ичöt,— шензис Уляшëв.— Видз-му овмöс отдельыс эм обкомын, Совминын, профсоюзьяслөн областной сöветын, эм видз-му овмöс министерство, сэсся район тшупöдын абу этша чиновникыс. Эм весиг районса видз-му овмöс управление. И тадзи страна пасьтаын! Весиг «Крокодил» журнал абу кольöма веськодьöн татшöм дивö дiнас, ёся серадö татшöмтор вылас «Один — с сошкой, семеро — с ложкой» статьяын.

— Василий Витальевич,— эз чöв ов Тарабукин,— пыр партияö, помав ВПШ и верман лоны ыджыд государственной деятельöн, гашкö, весиг странаса видз-му овмöс министрöн. Сэки видзöддам, кызди кутан кыпöдны странаын видз-му овмöссö.

— Сыын и став лёкыс: мед лоны ыджыд начальникöн, быть колö помавны ВПШ. Америкаын татшöм партийной школаыс абу, но найö миян серти ёна водзынöсь народной овмöслөн быд юкöнын. И öдвакö найöс ми коркö вöтöдам.

— Вöтөн волювлан Америкаас али кыздз?— пиньсö кеслыштiс Тарабукин, кöть и кажитчис ёртыслөн сёрниыс.

— Вемöсөн. Войснас кывза рытывывса радиостанцияс, торйөн кö, Америкалысь гөлöссö.

— Ме кывза жö, но кылö омöля, пöдтöны,— висьтасис Тарабукин.

— А тэ содтöд антенна пукты.

— Кыздз?

— Заводской антенна помас гартышт содтöд провод. Öшинь вылад сувтöд либö самöвар, либö кöрт чайник и сэтчö йит содтöд антеннаыдлысь мöд помсö. И кутас кывны шумтöг.

— Тэ тай, Василий Витальевич, шпион вöлöмьд,— шуис Семён Иванович.

— Ме уджала газетын, и колö тöдны зэв унатор. А тадзисö велöдiс вöчны антеннасö карын велöдчигөн öти зонка, кодi велöддiс радиолубительяслөн кружок вылö.

Редактор вöли пöддалöм öдзöса аслас кабинетын и сёрнинысö эз кыв. Дай кывзынысö эз вöв кадыс, сийö гижис газетö партия райкомлөн пленум йылысь отчёт. Виль первой секретар Тюпенько кö коминас нинöм эз гөгөрво, то мöд да коймöд секретарьясыс комияс. Öтиыс коркö помавлöма рытья шөр школа, вöвлöма рабочейöн, пырöма партияö, заочной велöдчöма ВПШ-ын, и со... начальник. Коймöд секретарыс нывбаба. Збылысь: «Каждая кухарка может управлять государством». Татчö колö содтыны: кухаркаыс кö коммунист. Жаль, нывбаба-веськöдлысьыс зэв на этша. Сэки жö йöз пöвстын паськалiс шусьöг: «Кто не знает ни шиша, поступает в ВПШ». Ёна бурджык эськö вöли, веськöдлысьясөн кö вöлины енбиа профессионаляс, а эз сöмын найö, кодьяс бура кужисны комöдны-пасьтöдны, вердны-юктавны йöзöс марксистско-ленинской идеологияөн.

Олöмыс мунö водзö. Öтияс гөтрасьöны, мöдьяс юксьöны. Оз чин öчередьыс Лёмдiнса больницаын аборт вöчысьяслөн. Мунöны мöдарьюгыдö пöрысь йöз, сiдз эз и тöддыны кокниджык олöмсö. А öд сэтшöма виччысисны! А öд сэтшöма мырсисны нэм чöжныс!

Енмыс кылiс Тамара Мисаиловналысь верöссьыс гусьөн кевмысьöмсö: июнь тöлысся медкузь луньясысь öтиö сийö чужтiс

дзоньвидза пиӱс. Кызь вит арӱса Емель Вань Володь лоис батӱн. Воробьёвъяслӱн, Королёвъяслӱн да Шевчукъяслӱн семьясын татшӱм ыджыд радлуныс медводдзаыс. Бӱръяыссьӱ Ягдорӱ кайлигӱн Володялӱн пӱчыс шуис:

— Тамарук, юрбитны кута, корны Енлыс, медым менам Ванюкӱ пыдди вайин пиукӱс. Пиӱс кӱ чужтан, Иван ним жӱ и сетӱй. Нылукӱс кӱ чужтан, зэв жӱ рад лоа.

Имитӱс юрбитӱмыс Ӗгрӱпеналӱн. Чужӱм йылыс свидетельствын пасйисны кагалыс ним-вич-овсӱ: Воробьёв Иван Владимирович. Чужис Евлампия Ивановнаӱс да Мисаил Карповичӱс ыджыд мамӱн да ыджыд батӱн шуыс, а Як Марьяӱс пӱчӱн шуыс. Кутшӱм бара и лоӱ олӱмыс Иван Владимировичлӱн во ветымын мысти? Мам-батыс моз и водзӱ кутас стрӱитны коммунизм, али мӱдарӱ, лоас капиталистӱн?

Гожӱмнас «Эжва йыв» газетӱ воис выль уджалыс — Николай Липин. Ачыс лӱмдӱнса, ветымын сайӱ арӱса, некымын во вӱли республикаса радиоын собкорӱн. Ыджыд опыта журналистӱс пыр и индӱсны нуӱдны видз-му овмӱс. Сийӱ бура тӱдӱс ас чужан районсӱ, важ и ӱнӱя олӱмсӱ. Бритӱмысла югыд стеклӱ кодъ мольыд юра, век нюмдыштӱма, радейтӱ казътывны ассъыс томлунсӱ. Помнитӱ, кыдзи сийӱс, дас кӱкъямыс арӱса медбур комсомолец-колхозникӱс, комын нӱльӱд воын премируйтӱмаӱс... вит трудоденьӱн. Нӱшта некымын ударниклы вичмӱма кодлы сапӱг гоз, кодлы чышгъян, кодлы шаль, кодлы гын сапӱг гоз, кодлы ватнӱй гач. Премияссьӱ сетӱмаӱс колхозыслы вит во тырӱмкӱд йитӱдын. Вот тадзи донъявлӱмаӱс сиктын бура уджалысъясӱс революция бӱрын дас сизим во мысти!

Найӱс, кодъяс нажӱвитлисны медуна трудодень, тадзи донъявлӱсны и война бӱрын. А вот колхозъясса да сиктсӱветъясса медбур юралысъяслы кутӱсны сетны донаджык козингъяс: велосипед, патефон, пищаль, часӱ. Ветымынӱд вояс заводитчигӱн сизимсӱ олыся Юсьбӱжын велосипедыс вӱли кык — колхозъясса предъяслӱн. Но ӱтиыслыс челядыс ӱдйӱ жугӱдӱмаӱс, и позис тюръявны сӱмын чой горув. Ягдорса колхозӱн дыр кад веськӱдлӱмыс Анна Платоновналы нелямын сизимӱд воын сетӱсны «За доблестный труд в Великой Отечественной войне 1941—1945 годов» медаль, а во мысти козъналисны кийн новлан часӱ. Татшӱм часӱа мортыс Ягдорын уна во чӱж вӱлины кыкӱн — Анна Платоновна да пельшӱр Устинья Ивановна.

Колис мыйкӱ мында кад, и козингъяс пыдди медбура уджалысъяслы кутӱсны сетны бумага наградаяс. Чышгъянсӱ либӱ ватнӱй гачсӱ мед нӱӱбасны асьныс колхозникъясыс, а бумагаыд абу жаль. Сыӱн позьӱ наградитны унджык йӱзӱс, народнӱй овмӱсса любӱй уджалыссьӱс. Бумага наградаяссьӱ лӱсьӱдӱсны сиктсӱветъяс, райкомъяс да райисполкомъяс, обкомъяс да совминъяс, Верховнӱй Сӱветлӱн президиумъяс, торъя министерствояс да ведомствояс. И татшӱм наградаыс шусис Почӱт грамота — Сӱветскӱй Союзын медся ӱна паськалӱм награда. Бумага наградаыс сӱсся абу му шарвывса ни ӱти цивилизованнӱй странаын ни бӱрӱ кольӱм Африкаын. Сӱсся и мыйта на быдсикас почӱт нимыс!

Шоча овлӱ, кор «Эжва йыв» газет оз йӱзӱд кодъясӱскӱ да мыйӱнкӱ наградитӱм йылыс юӱр. Кольӱм номерас лысьтысъясыслӱн да пастукъяслӱн ыджыд список, кодъяслы сетӱма «Коми

АССР-ысь видз-му овмөсса отличник» ним. Талунъя номерын кузь список пропагандистьяслон, лекторьяслон да агитаторьяслон, кодьясос наградитома почёт грамотаясон КПСС райком — уджалысь йөзос коммунистическөя воспитайтомысь. Список улас неыджыд юөр, кодос сетома синмө шыбитчана съод шрифтон: «Льомдинын воссис пальодчанін (медвытрезвитель), кытчө отпыр-йө позё йөршитны кодалысь дас вит мортос. Быд веськаломысь колө мынтыны дас куим шайт. Пальодчанінө начальникон индөма сержант Акакий Чистяковос».

Обедөдз на редакцияө звонитис райкомса мөд секретар Игнатев. Редактор эз вөв, и трубкасө босьтис Воробьев.

— Ме вот видзөда «Эжва йыв» газет и шензя, мыйла райкомлөн наградаяс улө сетомныд медвытрезвитель йылысь,— кыліс трубкаын гөлос,— эз-ө мөй сюр бурджык юөр?

— Райкомыд почёт грамотаястө сетома активистьяслы йөзос коммунистическөя воспитайтомысь. А пальодчаніныд воссис йөзос воспитайтан могъяс ради жө. Сыын нинөм абу лёкыс, юөръясыс кө веськалісны өти и сійө жө лист бокө,— гудырамоз во-чавидзис Воробьев. Мөдыс, кылө, сөгласитчис.

Тюпеньколы, первой секретарлы, вөлі веськодь, мый йылысь гижө сылы гөгөрвотөм кывъя тайө газетыс. Роч ли белорус кыв вылын кө — мөд делө, лыддис и донъяліс на эськө райкомлысь органсө. Сы пыдди райкомын мукөд уджалысьыс комион гөгөр-воысьяс.

Акакийос пальодчанінө начальникон индөмыс кивыв редакцияса мужикуловлы. Век жө ас морт, типографияса бригадир Кланылөн верөс. Кор өшинь пыр тыдовтчыліс гөтыр дінас Чистяковлөн локтомыс, Олёксан Тарабукин шуліс шуткапырысь: Акакий зятъ пө прөверкаөн локтө — ог-ө кодкө кодалөй. А юөм-кодалөмыс районын вөлі паськалома вель ёна. Найөс, кодьяс юисны, а эз көсийны уджавны, кутісны вөтлавны сиктсьыныс, весиг районысь, көть и таысь пөльзаыс некутшөм эз вөв. А вот Альберт Ляшев босьтис рөштшөт и ас окотанас муніс Льомдинса типографияысь патераөн могмөдтөмла. Инасьома пө Эжваса вөр промышленной комплекс стрөитанінө. Дыр-ө кутасны пышйыны бур специалистьясыс Льөмдин районысь?

Век жө йөз олісны аския лунө эскөмөн. Виччысисны, мый ваяс налы вель, 1967 воыс, өд сійө юбилейной — Великой Октябрлы тырө нэм джын! Газетьяс, радио да телевидение гижөны да брунгөны, кутшөм козинъяс дасьтөны странаса уджалысь йөз тайө ыджыд праздникислы. Быд ичөт и төдчанаджык вермөм йитөны Ленинлөн да компартиялөн нимкөд. Республиканскөй газетьяс юөртөны: Сыктывкарын заводитис уджавны нянь пөжалан вель механизируйтөм завод, Эжваын воссис бумага вөчысьяслөн Культура дворец, Сыктывкарын пырис уджө «Орбита» телеприёмной станция, мый сетө позянлун видзөдны Москвасынь передачаяс. Карса Юбилейной площадь вылын воссис Ленинлы памятник. Воссис буретш сэн, көні водзті сулавліс ыджыд да мича, шоңді югөръяс улын пөртмасысь уна юра Стефановскөй собор, кодос кисьтисны большевикьяс. Скульптор сизьдөма вождьос мыш саяс знамяөн. Артмөма сідз, быттё мыш вылас өшалө ыджыд ноп, быттё ачыс Енмыс ёрөма Ильичос нуны тайө сьөкыд нопсө попъяс вылын тешитчөмысь.

Праздник водзвылын куим судта, уна жыръя кирпич керкао вуджисны льомдінса райком да райисполком. Тайо стройба места-ас водзті вöлі парк, көні ордйысьлісны легкоатлетъяс, волейболон ворсысьяс. Парк помас вöлі вевт улын сцена, көні гожомъяснас мунлісны сьылан-йöктан фестивальяс — и верстыöяслөн, и челядълөн. Ки помысь садитом том пуяса паркыс вермис лоны льомдінсалы нэмьяс кежлö шойччанінөн, районлөн гөрдитчантор-йөн, но кад кежлö пуксьылөм, боковысь вайом начальникъяс та йылысь эз думайтлыны. Льомдін строитан генеральной план пыр на эз вöv.

Воыс лой паметяс кояна Василий Уляшөвлы. Октябрлысь юбилейсö сійо пасйис куим жыръя выль патераын. Торъя нин радіс нөбасьысь гөтырыс Татьяна. Кык судта дас кык квартираа пу керкаыс эз на вöv дась, но юклісны нин, кодъясöс сэтчө овмөдны. Сэки и шыөдчис Володя Воробьёв Лазарь Кузьмич дінө: мед пö öти патера сетасны «Эжва йыв» редакциялы. Райисполкомса юралысь көсйысис и кутіс сетом кывсö: вичмөдісны. Татьяналы медьёна кажитчис сійо, мый öні асмогасьны оз ков петны пемыд сарайö. Оз нин ков повны, мый көзяйкаыслөн мөскыс аслас кузь да чорыд кывйөн нюлыштас лажынътчөм анылысь кыті оз ков. Вöлі öтиысь татшөмторйыс, и повзьöмысла нөбасьысь Татьяналөн кагаыс муртса эз вильснит кынөмсьыс. Лун-мөд весиг сёрнитігас мытшъяліс. Öні патераас посводз помас и закодыс. Колö чукөртны сьом, мед ньөбны гардероб да небыд диван. Пыді жыръяс кага крөвать сувтөдасны; коймөдыс, медся ичөтыс, лөö Василийлы кабинет пыдди. Мед сэні гижө статьяссö да кывбуръяссö. Улыс судта эськө, но эжасны пыран öдзөссö, да шоныд лөö.

Кызди и мукöд учреждение да организация, редакция да типография вуджисны вит уджалан луна вежон вылө. Газетö воөм письмөясын йөз аттьöалісны ленинской партиялысь Центральной Комитетöс, дона Леонид Ильич Брежневöс да советской правительствоос кык шойччан луна вежон лосьөдөмысь; и мужичöйяслысь, и нывбабаяслысь пенсионной арлыдсö вит во вылө чинтөмысь. Сөмын тай учреждениясад да организациясад уджалысьяслөн удждоныс дөбелки ичöt. Районын медуна босьтöны вөр лэдзысьяс, торъя нин төвся төлысьясö. Газетса кывкутысь секретар Василий Уляшөвлөн кө төлысьяс удждоныс сө комын кык шайт, то Таркойт лесопунктса вөр кыскысь шоперьяслөн кайлө сизимсөөдз. Этша мынтöны учителяслы, медикъяслы, бухгалтеръяслы... Дерт, некод эз тшыгъяв, чаль чунь гырся килька черитö да кыз чигъя сола трескатö позис ньөбны сиктса магазинъясын öчередьын сулавтөг. Бур серпасыс вöлі орсьяслөн лавкаясын. Сиктсаяс мышканыс нопйөн ветлывлісны ньөбасьны матысса посёлокъясö.

Квайтымын көкъямысöд воын районын медбөръя колхозъяс подув вылын котыртісны нөшта куим совхоз. Вөвлөм колхозникъяс кыптісны ловнаныс, и бара на чужис лача олөм бурмөм вылө. Ас овмөсьясын йөзыс унджык кутісны видзны йөв да яй сетысь пемөсьясöс, кодъясöс тшөктылісны бырөдны во-мөд сайын. «Льомдін» совхоз котыртөм бөрын кык во да джынйөн зумыда сувтіс кок йылас Юсьбөж отделение. Фермаö локтісны том йөз, котыртісны комсомольской звено. Зонъяс велөдчисны

механизаторъясö. Овмösö воис көрым заптан да урожай идралан выль техника. Сикт кывтыдпомын кыптис техника дзоньталан кирпичысь мастерскöй. Ягдорса бригада эз ло кивыв отделение-лы, и районса веськöдлысьяс Лазарь Кузьмичлön вöзйöм серти восьтисны сэн леспромхозлысь подсобнöй овмös.

Ягдорсаяс, кодъяс уджалöны Таркойт лесопунктын, кыпöдисны нин деревняын некымын выль керка. Кодсюрö вежисны важ керкаяслысь подув керъяссö, и керкаясыс кутасны на сулавны уна во. Чужöны челядь, быдмöны том йöз. Начальнöй школа помалöм бöрын нывкаяс да зонкаяс велöдчöны водзö общеобразовательнöй школаясын, пырöны странаса техникумъясö да вузь-ясö. Кодсюрö, медсясö армияысь воём зонъяс, ас районса учкомбинатын босытöны трактористъяслысь да шоперъяслысь правояс. Лесопункт отсöгөн ягдорса мужикъяс стрöитисны деревняын челядьлы ясли-садик. Сыкöд орччөн босытчисны кыпöдны начальнöй школалысь выль здание.

Ягдорса да таркойтса партийнöй организациясöс öтувтисны, секретарнас бöрйисны посёлокса учитель Виталий Денисович Журавлёвöс — Анна Платоновна да Остап Вась гозъялысь зятьсö. И велöдис, и öттшöтш котыртис партийнöй удж. Мамыс, Пелагея Петровна, кодi нелямын куим во нин вöли партияын, сета-влis пиыслы бур сöветъяс. Степан Нестеров веськöдлis ас деревняса клубöн. Челядьлы гижысьöн көть и эз ло, но лоис водзмöстчысь общественнöй корреспондентöн. Статьяысыс да очеркъясыс частö петавлisны районса «Эжва йыв» да республикаса газетъясын.

Аръявылыс морös тыр значокөн воис армияысь Закар Агни-лön да Никөн Тольлön пиыс — Феликс. Снаженмöма, батьсö тушанас пановтöма. Чужöм-öбликнас мамыслань мунö. Шоперö велöдчöма. Закар Агни көсйис, мед эськö пиыс инасис лесопунктö. Вöрсö кутасны кыскыны сэнi звеноясөн, и быд машина вылö пö колö кык морт. Но Феликслön туй вылын чужис öти падмög. Салдатысь воан лунас паныдасис Людмила Шевчуккöд, кодi училищесö помалöм бöрын вöзйысис ас районса, индisны чужан деревняса веськöдлыны ясли-садикөн. Ныла-зонма шуисны аддзысьлыны рытнас. Кольöдчисны рыт-мöд, воисны öта-мöдыслы сьölöм вылас.

Сэк, кор Люда босытчис заведуйтны Ягдорса садикөн, Таркойтсаян вольвлis удж вылас рабочöйясöс новлöдлан автобусөн, и Люда вуджис овны деревняö мамыслön керкаö. Бать-мамныс дзик öти нывсö могмöдисны ставторнас, медым вермис бура овмöдчыны. Ем кодь вöсныдик да веськыд, кузиник да кызиник кокчöра Люда вылö петis вежыс уна зонлön, а вот явöсö Феликсöдз некодкöд на эз окасьлы. Тайö и лоис помканас зонлы кольччыны чужан деревняса. Подсобнöй овмöслы леспромхоз көсйысис сетны кузола выль машина, а шопернас босытны Феликсöс.

— Тöдан, кыдзи лoö тэнад нимыд коминас? — кольöдчигөн Людмилалысь юалис зон, и ачыс жö вочавидзис: — Йöзөн радейтана. Но медъяна: меөн радейтана. Нимыд тэнад ас кодыд жö мича.

— Армия бöрад зонъясыд видзöдöны кытчöкö пышйыны бокö — лесопунктъясö, выль стройкаяс вылö, а тэ гортад кольччан, — мöдарö бергöдис сёрнисö Люда, көть и кажитчис шуöмыс Феликслön.

— Ачыд тай гортад жö локтöмьд.

— Радейта ме ассъыным деревнянымöс, и бать-мамсянь абу ылын.

— Ме радейта жö, а öнi и тэнö тшöтш. Эг кө аддзысь тэ-кöд, Таркойтысь ылöджыксö эськö эг жö мун. А öнi тани подсоб-ной овмöсын кута шоперавны.

— Позьö öтитор висътавны? Сöмын эн дöзмы.

— Дöзмöдана кө, дöзма.

— Сидзкö ог висътав.

— Висътав, ог лöгась.

— Армияд тэнад служитгкості ме бöрся Борис вокьд вöтлысис.

— Борис? Сійö жö кага на.

— Сидзкö и ме кага. Борисыд кык арөн и ичөтджык меысь.

Борисыс Закар Агнилөн да Никөн Тольлөн мöд пиыс, Фелик-сысь нель арөн ичөтджык, но батыс кодь жö востер. Помалис дас класс, водзö велöдчыны эз мун, локтан тулыснас пö армияö босътасны. Ягдорса да таркойтса том ныв-зон öтлаын котыртлöны йöктан рытьяс то деревняса, то посёлокса клубын. Кор Люда воывліс каникулъяс ылö Таркойтö, Борис зільліс аддзысьлыны нывкöд и йөктывліс сöмын сыкöд.

— Окасьлінный?— вежöглун чужис Феликслөн.

— Эг,— соссис Люда. Öти рытö эськö прамöя окасисны, да зэв на и дөвöль колис нылыд.

— Ме ассъыс юала.

— Татшöмтор он жö юав. Шуа жö, эг, мися, окасьлöй. Тэ прав: ме сійöс челядь туйö пукті.

— Кор воыны мам-батыд ордö?

— Мыйла?

— Мыйла пö? Корасьны. Тэнсьыд китö коравны.

— Збыльысь гöтрасьны көсьян?

— Збыльысь, пока вокöй эз мырдды.

— Тэ сэтшöм вежöг али мый?

— Вöлі кө вежöгтысь, важөн нин эськö юалі: карад велöдчи-гөн ёна-ö ышмин зонуловыскöд? Бать-мамсьыд бокын олігөн öд нывъясыд воштылöны этшнысö да...— зонмьд, тыдалö, поліс: друг да Людаыс вöрöдöм ныв нин. Мед эськö вылысыс и пытш-көсыс мича вöлі! Пипу пö тай мича, да сьöмöсыс сісь. Кутшöм бара и Людаыс-а?

— Миян группаысь кык ныв петісны верöс сайö. Но дас öк-мыс арöснад верöс сайö петöмьд абу этш воштöм.

— А тэ петан ме сайö?

— Мый огыс, мен öд дас öкмыс жö нин. Володя вокöс мамö кызь öтиөн чужтöма.

Ныла-зонмалөн тайö сёрниыс вöлі Люда керкалөн öшинь улын. То сэн, то тан сулалісны Емель Ваньөн садитлöм киссьöм коръяса кыз да пельыс пуяс. Тайö керка öшинь улас челядь-дырйиныс котравлісны и Володя, и Люда. Тайö керкаыс казытылö ассъыс медводдза көзяинсö Сергей Емель Ваньös, кодлысь томи-ник олöмсö орöдіс война. Тайö керкаыслөн кильчö пос тшупöдь-яс кузя кызь öти во сайын медводдзаысь восьлаліс власовец Богдан Шевчук. Тайö керкаыс кывліс Як Марьялысь ышлолалöм-сö и синваөн бöрдöмсö. Тайö керкаыслөн öшиньясыс аддзылісны ягдорсалысь война кадся да войнабöрся тшыг нисьö пöт олöмсö.

Унатор нин төдліс тайо керкаыс странаын, тшөтш и Ягдорын, коммунизм стрөитан воясө. А өд керкаыслы сөмын на кызь көкъямыс арөс!

Районө выль техникасө, тшөтш и тракторъяс да автомашина-яс, вайоны гырысь баржаясөн. Ягдорса подсобной овмөсын уна нин вөчисны уджъяс механизируйтөм могөн. Дзоньталөм скөт картаясө электронасосъяс васө вөтлөны веськыда Ягдорьюысь. А видзөны лысьтан скөт да порсьясөс, йөв-яйыс мунө лесопунктъясө. Дөзбөритөны пемөсьяссө медсясө аньяс, тырмө уджыс и мужикуловлы. Шептасъысь быдмөгъяс вөдитөмысь дугдисны, көдзисны уна вося турунъяс, пуктөны картупель.

Никөн Толь орскөд сёрнитчөмөн котыртис чери кыйысьяслысь куим морта бригада. Виль эжбаокса ыджыд ты бокө стрөитисны вөр керка, орччөн лэптисны ичөтик пывсян, кыйдөс видзанін. Кыйсьөны ботанъясөн. Тыас быдсикас чериыс — сир, сын, ляпа, кельчи и ёкыш. Пыдынджык ичөтджык ты, көні сөмын гыч. Сэні кыйсьөны жө.

Көть и киссис колхозныс, ягдорсаяс ни өти оз жалитны. Ёд йөзыс мырсьөны оз төщө трудовеньяс ради, а ки выланыс воө сьом. Сөмын тай кладбище вылын өтарө содөны выль крестъяс. Романса геройяс пөвстысь мөдар югыдын нин Спиридон Ефимович. Төдөмысь, адззысис сэні аслас Вассукуыскөд, кодкөд орччөн и дзевисны. Төдөмысь, Вассукуыс висътасис, кыдзи сійө веськаліс Эжбаас: ачыс пырис али кодкө вөйтис. Төдөмысь, мөдар югыдас Спиридон гозъя адззысисны финской война вылын усьөм өтка пиыскөд — Данилакөд.

Кольөм тулыс став деревняөн колмөдісны мөдар югыдө и Ёнись Пеклаөс, дзевисны мамыслөн гукөд орччөн. Ягдорса овмөсысь вөвъясөс бырөдөм бөрын сьөлөмнас висъмис Конюк Педь. Көть и бөръя вояссө эз нин уджав и конюкаліс мөд морт, а ачыс оліс Таркойтын нылыс ордын, частө воывліс конюшняө тапкөдыштны сюсь вежөра кывтөм пемөсьясөс. Аскөдыс босьтывліс внучкасө — Каримаөс. Федот Кирьянович, нылыслөн висъталөм серти, кувсьөма узигас. Ыджыд батсьө дзевны Сыктывкарсянь воліс и Власик внукуыс. Сійө пыр на уджалө милицияын, старшой лейтенант.

Йөзлөн важ көлена пыдди локтө выль. Емель Ваньөлөн керка өшинь улын кыз пу да льом пу арнас кисътөны кок улас кулөм коръяссө, мед тулыснас на пыдди чужтыны выльясөс. Тадзи мунө му вылын олөмыс.

— Гөтрасям да, көн кутам овны?— юалө Феликс. Төрытъя салдатлы сэтшөм нин окота мусукавны Людаөс, но сыметъыс эз на пондысьлы.

— Ме ордын. Со кутшөм лөсьыд коромина сулалө.

— Гашкө, нуөдлан гортад?

— Адззыласны кө вед, сёрнийыв кыптам.

— Мед. Тэнө ме сёравно некодлы ог сет. Көсьян, ме тэнө мездорын пырта. Мед адззыласны, кыдзи ме тэнө радейта.

— Пырт.

Сентябр, рытыс шоньд. Кольквиж рөмаөн лэччис шондіыс. Ныла-зонма кышyd руаөсь. Кутшөм ныв нө оз радейт, кор сійөс новлөдлөны ки вылас. Со тай, Феликс кокниа босьтис Людаөс мездорас и нуис кильчө вылөдзыс.

— Таысь позьö и окыштны тэнö,— нылыд чупнитіс зонмыд-
лысь бан боксö, восьтіс кильчö öдзössьыс ключтöм томансö.

Посводзсянныс кывтыдладорыс нель öшиня, катыдладорас
ыджыд комнатасьыс öтдор ичöтджык жыр эм, сэнi унджык и
öшиньыс. Нелямын сизимöд вося декабрын Як Марья ичöтджык
жыръяс и овмöдліс Богданös. Пачводзын сійö жö кадся көрт
пач, көні рьтъяснас Володя пöжавліс печенча. И со, вояс кольöм
мысти, тані көзйякаөн лоис Людмила Шевчук — коми ань Як
Марьялөн да украинеч Богданлөн öтувъя каганьыс. А каганьыс
юр невеста нин, кодös и челядь, и налөн батъ-мамыс шуöны
Людмила Богдановнаөн.

Матысмö вой шөр, а Феликс пыр на Люда ордын. Ичöt
жыръяс вель дыр öзйис би, сэсся кусöдісны. Ывлаын лампаяс
эз öзйыны, и гөгөр юкмöсын кодъ пемыд. Тöрытъя артиллерист
Феликс Ногиев и пемыдінын стöча инмис пасö — öти снарядөн
жугöдіс нывлөн гөг улысь мишеньсö.

Людмила да Феликс гөтрасисны вежон кык мысти. Öтутчис-
ны ыджыд свадьбатөг, кык семья чукөртчылісны Закар Агни
ордö. Феликс шопералис нин и лэччыліс Льöмдінöдз Воробьёвъя-
ясла. Вöлі субöта, и Ягдорöдз вермисны воыны и Володя, и
Тамара, кык арöса писö эз босытлыны. Пызан сайын пукалігөн
Як Марья видзöдлассö чöвтавліс Никөн Тольлань. Тыдалö, аньлы
тöд вылас усис ылö бөрö кольöмаыс, кор изба-читальняын сылөн
бöж улö мырдөн босытчыліс писькöдчыны гажа юрнас, вевъяліс
весиг ородны гач вөнсьö Никөн Тольыс. Öні сійö лоис сватөн.
Закар Агни бөръя кадыс госсялöма и лоöма гөгрös пач кодъ.
Тöдчис, кыліс сійö асьсö шудаөн. Öд верöсыскöд быдтісны бага-
тыр кодъ кык пиös. Борис сэнi жö, некутшöм сёрниö эз сүй-
сыв. Надейнö, жалитіс, Людаыс мойвиис ыджыдджык вокыслы,
а эз аслыс да.

Ягдорын чужис выль семья. Том гозъя овмöдчисны буретш
сійö керкаас, кытчö нелямынöд вося арын мездорас пыртліс мича
Машуксö Емель Ваньö. Öкмыс тöлысь мысти кызъ арöса Людмила
Богдановна Ногиева чужтіс пиös. Сетісны сылы ним — Никита.
Богдан лоис ыджыд батьөн, Як Марья — кыкысь ыджыд мамөн.

Водзö лоö на.



Кыштөм блокнот

В И С Ъ Т

Лөс вылын нокси важ көлуйөн, тэчи сійөс көрөбъясө. Ставыс тырөма бусөн, черань везйөн. И весиг лои яндзим чөв-лөньсө торкөмысь. Сы мыйта талун уджыс — колө быд пельөс пелькөдны! Киө босьті важмөм самөвар, көйдөма* нин сълөн лолыс... И морөсөс быттё урпи гыжйыштис: окота лои даддён исковтлыны дас во сайё... Окота лои төвся көдзыд асылө котөртлыны юкмөсөдз вала, а сэсся мамуккөд пузёдны пось тшай...

Видзөдласөс вешті мөд пельөсө и матыстчи сьодасьом сундук дорө. Ньөжйөник осьті сійөс, а сәні — челядьдырся муса чача-сөй. Наысь кындзи ме аддзи школаса тетрадьясөс, дзикөдз вижөдөмаөсь. Радпырысь заводити видлавны найөс. И со өти тетрадь костысь уси ичөтик пакет. Тэрмасьомөн осьті сійөс и аддзи куснялом кабалаяс пөвстысь важ блокнотөс! Дивө! Кыдзи нө воясыс блокнотөс эз чышкыны? Кыдзи нө видзисны, мездисны, жалитисны?! Дзоньнас вижөдөма, кыштөм, дзоляник. Помни-та, муні лавкаө, меным ар сизим вөлі, да казялі джадж вылысь турунвиж рөма блокнот. Сійө меным сэтшөма кажитчис! Вуза-сьысылы шуи, мися, козынав блокнотсө. Но сійө кутис вөтлыны менө лавкаысь, и ме бөрөдзи. Төді: синвайи отсалас, и мича блокнот лоас зептам!.. Тадзи и артмис: вузасьысълөн жалыс петис, и сійө мыччис меным дзайгаторийөс.

Повзёмпырысь лыддя дона блокнотөс, и сьөлөмөс шымыртлө дой: челядьдырся мисьтөм почеркөн гижөмаөсь кутшөмкө кев-мөмъяс да нимкывъяс. Киясөй кутисны тіравны, горш дінөй гөрдзасис, чепөсийс синвайи. Öти здукөн паметьөй пөльыштис менө дас вит во сайё...

Шондіа лун. Бать-мам керка. Ыджыдджык чойкөд ворсам йөрын Шарик понкөд. Понийи котралө мян бөрся, а ми чиктыла-м-сералам и пышъям луд вылө... А со бабө вайө вөрысь кисьмөм мырпом. Чойкөд пуксям пызан сайё — бабө тэчас тасьтё зарни тусьяс, пуктас сакартор да чөсмөдлас... Но кор пөчө дорө волісны гөсьтъяс, сійө век тшөктыліс мянлы петны йөрө, эз лэдз весиг өшиньө видзөдчыны. Ми довкнитлім, но өшиньө век жө гусьөника кыйкъявлім. Тушайи вөлі кузьджык, да унджыктор аддзылі: гөсьтыд пукавліс синсө куньомөн, а бабө мыйкө висьтавліс и висьтавліс... Öткымын гөсьт петавліс керкаысь нюмъяломөн, а өткымынөн и бөрдісны. Сы пыдди мөдысьсө волігөн унаөн вайісны чөскыд сёян-юан либө көлуй. Бабөлысь юасылі:

- Бабук, а мыйысь тэныд вайөны козинъяссө?
- Ме налы, жалюкөй, отсала... Со и вайөны...
- А мыйөн налы отсалан?
- Мезда висьомъясысь. Öтияслы верма отсавны, мөдъяслы

* Көйдыны (диал.) — көдзавны.

ог. Йöзыс дзик аслыспöлöсöсь: кодкö эскö бурдöдчöмö, а кодкö и оз. Тэныд нö став волысь гöсьтыс кажитчö?

— Оз. Мукöдсянныс пемыдöн öвтö.

— Со, тэ, вöлöмкö, кылан жö йöзыслысь ловсö! Молодеч!

— Бабук, да вунöд на йылысь! Лок мекöд ворсыштам: ме — мазі, а тэ котрав ме бöрся бонйөн*!

Бабö нюммунö, сывйыштö менö, окалö да босьтö пызан вылысь ки чышкöдсö...

Дас минут мысти сьöкыда лолалöмөн сійö пуксьö диван былö:

— Сэсся ог вермы! Ог вермы вöтöдны татшöм сюсь мазісö!

— Ура! Ме вермалі тэнö, бабöй!— горза ме, сьöлöмсянь горза.

Сэсся ми сывъясьöмөн пукалам диван вылын, а ме ас кежысь век на нимкодяся вермöмөн...

Кызди нö позис котрöдлыны пöрысь бабукöс?!. Öнi сöвесьтöй йирö тайöс казгылыгөн, а сэки, дерт, сизим арöса вөжорнам эг на гөгөрво татшöмторсö.

Бабöс ёна радейті. Медся югыд казгылöмъясьöй йитчöмаöсь ськөд. Бабö некор менö эз пинявлы, весиг мыжмылігам.

Ме ськөд олi öти жырийн. Кымын чуймöдана вöвлöмтор бабö висьтавліс Ёма да Васаяс йылысь!.. Быд рыт, узьöм водзын, восьтыліс виль дивöтор. А öтчыд мырдөн тшöктіс босьтны киö ручка да диктуйтіс гөгөрвотöм кевмöмъяс и нимкывъяс. Ачыс гижис лёка, ньöжйöник, öшыбкаясөн. И синъясыс нин слабиника аддзисны.

Пуксям ськөд гижны, гижам минут дас вит, и кута няргыны:

— Бабöй, менам киöй висьö.

— Чуньястö шойччöдышт, и ещö гижыштам.

Нöшта дас минут мысти:

— Ой, бабöй, менам кынöмöй висьмис!

— Ветлы, и кутам гижны водзö.

Ещö недыр кад мысти:

— Бабöй, меным колö котöртлыны нывъёрт дорö. Карандашöй сы ордö кольöма...

— Но, мый тэкöд вöчан?! Котöрт!

А чойöс мыйлакö некор эз кор гижны. Буракö, тöдіс: гижан уджö сійö оз кутчысь...

Со нöшта öти гижöдтор аддзи. Тайö сьöдасьöм дзöляник листыс — челядьдырысь вежа юкөнтор, менö бабöкöд йитысь сунистор. Вушйöм шыпасъясөн сэтчö гижöма: «Видз, Енмöй, тэнö радейтысьясös, инды веськыд туйсö тэныд эскысьлы...».

Сійö асывсö некор ог вунöд. Садьми водз. Вöлі ар. Видзöда, а бабöй пукалö вольпасяс и гусьöника бöрдö...

Ме шыаси:

— Бабук, мый нö тэкöд лоис? Кытікö висьö?

— Оз, нучкаöй, некыті оз вись. Сöмын öтитор тöда: регыд кула. Буракö, кадыс воис.

— Эз во кадыс! Бабöй, тэнö лёк вöt вөрöдіс?

— И вöтыс тшöтш. Воис кад эновтны мусö...

— Бабук, а кызди нö ме тэтöг кута овны?

— Со öд та вöсна и бöрда, абу окота тэкöд торйöдчыны. Но немтор он вöч. Ставыс Ен сайын. Недель мысти ме ог ло...

* Бон (диал.) — ветьök.

— Бабёй, эн повзёдлы менё! Ми кутам овны зэв дыр! Вунд шуштөм вөттө! Вай тэныд лыддя мича кывбуръяс!..

И збыльысь, вежон мысти бабё эз ло: виччысьтөг висьмис сьёлөмыс. Бурдөдысьяс нуисны бабёс больничаё, но некымын час мысти сійё кувсис. Тайё шог юёрсё кылөм бёрын пытшкөсёй гудыртчис... И ставыс ме гөгөр вежсис: шыяс, рөмъяс, гөлөсьяс лоины пемыдось...

Эг, ме садьёс эг вошты, ставсё помнита. Сөмын быттё пуяс дзикөдз кушмисны, и ньөжйөнника заводитіс усьны медводдза лым... Став шыяс лои вурзалан сяма... И некымын минут мысти заводиті ырзөмөн бөрдны...

Быдса во ме вөталі бабёс. И кутшөм тайё вөлі сьёкыд дас нель арөса нывкалы! Помнита, тшөкыда садьмылі войяснас да бөрді, и меным вөлі зэв шуштөм...

Но кадыс дойтө бурдөдө... Ме велалі овны бабтөг. Вөтавла на сійөс, но ог нин сэтшөм тшөкыда... Төда: бабукөй век орччөн, и сійө видзө менө став сьёкыдлунсьяс. Тайөс ме кыла сьёлөмөн.

Коли сөмын сыланкыв...

МИНИАТЮРА ЯС

* * *

Вежөрөй некыдзи такөд эз миритчы — овны өткөн и төдны, мый некод оз звөнит, оз лок. И аски — сідзи жө. Чөсөдана дойысь песся, но кута синваөс. Колө өд петкөдчыны вынаөн. Но коды? Ас водзын ола сөстөм сьёлөма. А тэ водзын? Тэ меным важөн нин он ков...

Гөгөрвоны позьтөмтор — тэ йылысь ньөти думайттөг кывзыны «мянлысь» радейтана сыланкыв. Сы йылысь мөвпавтөг, мый тайё здукас вөчан, мырдөн казътывлыны чужөмтө. Тешкодъ — сёрнитны тэ йылысь колян кадын. Тэ олан менам казътылөмъясын сэтшөмөн, кутшөмөн коркө тэнө мөвпыштлі — меөн аддзана став бурторнас, йөзөн аддзана став лёкнас. Ачымөс ог мыжды, эг и думыштлы тэын мыйкө вежны да.

Сьёкыд — гусьөн вежөртны: тэ колин меным донаөн. Ог, ог вермы лоны веськодьөн тэ дорө, и сэк жө — сиа тэныд паныдавы муса мортөс, коді эськө гөгөрвоис ставсё, мый ас кадө гөгөрвои ме, пөртіс олөмө меөн збыльмөдтөмторсө.

Миян туйяслы и быть колөма крестасьны. Тэ век дивитлін менө, овнытө пө он куж. Сы вөсна, мый и ачыд эн куж... Но тэысь коли сыланкыв... сөмын сыланкыв.

* * *

Кыдзи тэ чайтан: коді меын олө? Верстыө морт либө дзоляник нывка? Корсюрө чайтсьө, мый ме — аслам арлыдысь пөрысьджык быдса сюрс воөн... Мыйла? Менам вежөрын бергалөны гөгөрвотөм думъяс... Олөм да кулөм йылысь... Бур да лёк йылысь... Югыдлун да пемыдлун йылысь... Ме ола юалөмъясөн. И пыр корся юалөм вылө вочакыв. Но вочакывйыс дөзмөдө менө,

сьолөмөй мыйлако сувтө сылы паныд. Помтөм юалөмъясысь дзикөдз вежси: лои гажтөмөн, став йөзыс лоины быттө стен сайын. Өдзөсй ставыслы пөдса. Весиг тэныд — медмуса мортлы. Но кор нюмъялан меным, руй кыштивлө. И окота оломсө выльысь заводитны. Сөмын өтчид нюмдыштан, а меным окота овны быдса олом. Йөй! Ме джынвийө кулөма, но мөвпала олом йылысь, сы вөсна мый менам эм тэ. Оломын став югыдыс йитчөма тэкөд. Төдан, гашкө, эн на вунөд: меным сөмын кызь кум арөс. И юрөй тырөма помтөм мөвпясөн. Найө йитчөмаөсь тэкөд. Позьө-ө помтөг овны думъясөн?! Буракө, оз... А ме мөвпала, мөвпала...

А нөшта пола пемыдінысь, но радейта войсө да кодзувъяссө. Пола биысь, но радейта видзөдны бипур вылө. Тайө петкөдлө: ме — дзик кага кодь... Кыдзи тэ чайтан: коді меын оло? Верстө морт либө ичөт нывка? Сэтшөм гөгөрвотөм, но менам ловлы сюрс арөс... Но и такөд өтвыв ме — дзоля кага, полысь, шуда и жугыль, коді эскө, мый став йөзыс шаньөсь...

* * *

Быд мортлөн оломас эм аслас Зэр. Тувсовъя Зэрыс, ме думьсь, мелі. Гожсяыс — шоныдсьыс-шоныд. Арсяыс — мөвпалысь. Коймөдсө радейта өнджыка. Меным кажитчө видзөдны өшиньө и сыкөд өтвыв мөвпавны. Арся Зэрөй — матысса өрт. Корсюрө сійөс шуа Музаөн — кужө кыпөдны руөс, кужө лөньөдны майшасьөмъясөс. Кутшөм эськө вөлі лөсьыд, тэ кө, сьолөмшөрөй, вөлін Зэрөн. Сэки эськө кутім воны өти кывйө и олім эськө өтув, шудаа. Но думышталыны кө, тэныд оз позь лоны сөмын Арся Зэрөн: сэки эськө ми вөлім өтлаын сөмын арын. Ме тадзи ог көсийы овны. Меным пыр окота лоны тэ дінын, меным окота сунны лов шыад.

Вояс чөж дона Зэркөд олам тэөн. Шонта тэ йылысь казь-тылөмъясөс морөс бердын. Но мыйлако ог лысьт вөчны тэ дорө воськов. Ме төда, көні тэ олан. Төда, тэнад гөтыр ни челядь абүөсь. Тэ велөдан школаын быдмысь войтырөс. Мыйла ог лысьт сөвны поездө и воны тэ дорө? Өд колө ньөбны билет — и сөмын! Пола мыйкө вежны оломам. Быттөкө велалі овны виччысьөмөн.

Аски воас ар, и сьолөмөй радлө. Меным окота паныдасыны Зэркөд. Кыла: сыкөд аддзысьөм бөрын меын мыйкө вежсяс. Гашкө, сійө йөткыштас менө поездө, и воа тэ дорө. Дерт, тэ менө он виччысь... Но тэкөд аддзысьны көсийөмөй оз чин. Ме виччысьла Зэрсө... Колө гөгөрвоны ловлысь корөмсө...

Дона мортанөй, эн пөдлав өдзөстө... Ме воа. Сөмын бөрынджык.





Перым гөра

В И С Ъ Т

Виска ёльвомса куръяё чими пыравлө быд ар. Кежөма сійö и таво. Лёня пыр и гөгөрвоис тайöс, кор лэч туй вылысь петöм бöрын вөр керкаö пыртöдз кыр йывсянь казяліс, кызди легöны кулөм помъясö көрталөм да ю пыдöсö сатшкөм бедьяс. Видзöдөм серти, ыджыд чериыс: бедьяс летъялісны ён төв нырөн полошитан бадь вожъяс моз. Кулөмыс абу нин ошкана, да мед сöмын оз мын, видлас лэптыны пыжö. Со тай сійö, кымыньтöма бадьяс пölөн. Пурт эм, чер эм, ружье эм. Ёна кө водзсасыны кутас, колөкө, пуляөн сизьдыштны ковмас.

Чими вöлі сывъя вурдысь на кузьджык, Лёнялөн весиг ырк-мунліс лолыс. Ёльса чöскыд ва нырöдзыс пырöма да дзик кулөм помас öшйöма. Сюрöсыс вомас веськалöма да öти пинь саяс крукасьöма, оз гөгөрво бөр вомсö восьтны. Китайса нямöд кулөмыд эськө нява моз ройкмуніс, да капрон öшиньясаос нюжöдліс: сэтысь он мын, абу öд пиранья. Татшöм ыджыдыс эз на и пысасьлы. Кило дасаыд-дас кыкаыд да посниджыкыс быд во сюрлө, а тайö, видзöдөм серти, кызь кымын кило лоö. Мед сöмын оз мын, мед сöмын оз мын!

Эз и мын. Ёна нин мудзöма, тыдалö, да нильöг кер помос моз и лэптіс пыжас. Но сэнi ловзис. Мича вир-яя да шоңді эбöса ныв моз кутіс веглясьны, шыбласьны да лэптасьны, быттö дзоньыс жаль либö ышмö, мед вылас вожасьысьсö мучитыштны. Кодкө кө быттö видзöдіс, Лёня збыльысь нылос песысь кодь и вöлі. Пуксыыліс чимиы сьылідзир вылас, но водзсасыны кутөм бöрас нюжөдчис да став тушанас личкысис сы вылө, жмитіс пыж бердö, мед лөньюдны этшö. Кутіс тадзи черисö лигышмунтöдзыс. Сійö эз көсйы сетчыны некыз, веглясигас, гашкө, час мында кыпйöдліс Лёняос сьökыд мешökос моз.

— Öвсы, колөкө-а, а то плешкад колска!— ачыс мудзис Лёня да öлөдіс чериос, но черөн вартны ни ружьеысь лыйны кыс эз лыб, көть эськө дөбельки ыркаліс ва вылын.

Вöлі пемыд нин, кор, чорыда на кутөмөн (а друг да песовт-час?), чимисö петкөдіс пыжысь да, ва дорысь бура ылö нуömөн,

узысь мортос моз небыдика лэдзис турун выло. Вөр керка до-
ро матыстчом бõрын, кодi вõли ёль вомсянь воськов кызьон пы-
дынджык, ыджыд черисõ пемыдõн керны эз кут. Аски асыв
меститас да петкодас деревняõ. Лэччыны жõ нин колõ: лун-мõд
мысти армияõ, повестка бура важõн нин волис. Кольом воын
нин эськõ нулисны сборнõй пунктõдз, но бергõдисны бõр: колана
командаис, сийõ во кезлõ бõръяис, вõли тырõма нин. Ай чери
юрсõ суйõма, да некйис, дерт, абу пõк кодъ чõскыд, но сёянтор
жõ, кольõдигас и нямасны. Мужик мортыд дыр и водзсасис.
Энь кõ вõли, водзджык эськõ люсмунис.

Тадз кымын жõ водзсасис орчча посёлокын интернатын оли-
гõн да велõдчигõн мõд деревняисы сы моз жõ õкмысõд классын
велõдчысы Валя, но эз та дыра. Ачыс на и сывйышгис да лэдзис
пырны томан саяс. Восьтыгõм на вõлõма, но ключыс лõсялис,
да регыдõн и калькалис. Лёнялõн та кузя вõли нин кутшõмкõ
да сям, унаисы нин, кыз шулõны, войсõ кольис асланыс дерев-
няисы ас кымын арлыда жõ Иринакõд, кодõс зев водз тшыкõдис-
ны туй вõчысыяс. Кодлы эз вõв дыш, сийõ и нокйис, но во са-
йын кымын и талы лоис пом: локтис дзескыдинысы Миш Толя
да нывтõ оз сет некодлы. Кутчысян кõ, вуж додь вож кодъ сой-
яснас сыйдзиртõ бергõдас да синнас весиг оз лапнитлы. Буртõ
колонияын пукавлысьыдлысь эн виччысь.

А Ирина кындзи китыр йõза деревняын нылыс да весиг
шыбитõм бабаис абу. Ставныс кытчõкõ да мунисны, тшõтш и
Лёнялõн чойис, инасис Сыктывкарõ. Верõсатõ вõрõдны он лысьт,
а ропмунõм тшак кодъ нин пõчõяс выло вежыд оз нин пет.
Лыддылис Лёня, да кõкъямыс зон деревняын. Вахтаõн уджавны
кор ветлõны, сэки, кõнкõ, личõдчылõны. Ачыс ветлывлõ жõ кер
дорõ орчча районõ, да татшõм коланторйыд аслас кокõн локтõ.
Висьõм верман кõвъявны, да эз на тай нинõм пысасылы-а.

Õта-мõднысõ эз кõсийны вунõдны Валякõд, шуисны быть
помавны шõр школа, но õкмысõд класс помалõм бõрын Лёня
водзõ эз велõдчы, а вылын морõса, воом турун кодъ юрсиа ны-
лыс школасõ помалис. Кынõмсõ, дерт, шыбитис. Бура дыр мусу-
касисны да, тõдана, õшйылис Лёнялõн кõйдысыс. Водзõ эз велõд-
чы, посёлокса коммерсантлы нянь пõжалõ. Верõс сайын, челядя
нин, буракõ. Верõсыскõд лõсьыда олõмõн шуõны. Бур морт, ты-
далõ, веськалõма.

Валялõн дасõд классас велõдчигõн тõвся каникул выло лэдза-
лан лун-вояс Лёня лэччылис посёлокõдз да кутис на кутшõмкõ
лача, мый бипурныс эз кус, но весьшõрõ лои лэччылõмыс. Ар-
мияын кõ вõли, нылыд эськõ виччысис, но кор нелямын верст
сайсянь во джын син ни ныр он мыччыв...

Валяõс воштõмысь мыжа сõмын ачыс. Сэки дзикõдз ылалис
вõр-ваõ, кодi кыскõмõн кыскис дзолясянныс. Батыс новлõдлис
лэч туйõд, гашкõ, школаõ на пыртõдз, да вõрсõ гежмавтõг овны
эз нин вермы. Каникулъяс дырйи кыйсьышталõмõн сьолõмыс
эз бурмыв, со и воштысис Виска ёльпõлõнса пармаõ õкмысõд
класс бõрас, кыкысь, буракõ, и лэччылис гортас, петис веськõдны
мудзсõ сõмын Виль во кезлõ. Да сёрмис. Валя, веськыда кõ
шуны, эз и кõсий сыкõд сёрнитны. Но и ладнõ, да оз тай вот
вун, матi берегын нывъясыд абуõсь да. Кыйсян кадõ на йылысь
думайтнысõ некор, эшты сõмын котравны, но кор чарõм кутигõн

на петас деревняё да аддзас вала лэччысь ли пес пыртысь Иринаёс, окотаёс воссьылё пось чепёсйымёныс.

Гашкё, мыйкё артмис Светланакөд, сійё, видзөдөм серти, пыксис сөмын кывъяс вылас, да батыс, сё лешакыд, нырсө суйис, мед чөртыс бергөдлөмөн кутшөмкө гыбадө дзумгас.

Кутшөмкө да могөн орчча сиктё эськө ветлывліс, но тайё нылыс синъяс улас эз усылы. Вөлөмкө, кызди коркө ачыс, велөдчө интернатын оломөн посёлокса школаын. А каникулъяс дырйи сиктын ёнасө оз бергав: то турун пуктө, то вотчө, то нёшта мыйкө вөчө. Вотчигас и аддзис сійёс Лёня. Стөчджыка кө, батыскөд Виска ёльса вөр керкаө тёрөдчылісны кольөм воын. Ю кузя вылөджык кайысылөн жугалөма моторыс да, пелысөн матыстчөм бөрын пөшти лунтыр вөчасис керка дорын, көрт шмаксө катөдліс пельпом вылас визув бөжсьыс. Сэккості Лёня, весь олом дорысь, нуөдліс нывсө аслас дзуө, Сава тыла яг дорышө, көні вөлі зэв гырысь да зэв чөскыд сьөд пув.

— Смотри, мед абу вөлі дурөма,— өлөдіс Миколай Вась, быттё Лёня босытас да сильничайтас нывсө.

А батылы тёрөштшитнысө вөлі мыйысь: джинсы гачөн топөдөм бекъяснас, бөрөдыс и водзөдыс кок вожкостса гураннас, бура джуджыд морөснас да мичаник чужөмнас Светлана сідзи и кыскис ас дінас. Сэтчө жө вөлі Лёнякөд шоныд кывъя, быттё важысянь нин төдөны өта-мөднысө. Светлана збыльысь и төдіс мыйсюрө Лёня йылысь. Юаліс:

— Мыйла нө велөдчөмтө шыбитін?

— Кысь нө төдан?— шензъыштіс.

— Катшаяс висьталісны,— шмонитіс ныв да шуис збыльсө:— Интернатын жө велөдчылөмыд, да висьталісны. Ещө висьталісны: зэв пө бура вөлі гудөкасян.

— Дзоляника. Йөктөднытө быттё верма жө-а. А ещө мый висьталісны?— юаліс восьса өшинь кодь нывлысь.

— А ещө висьталісны, мый лөсявлінныд дзуридзса Валякөд, коді пө өні верөс сайын нин,— нюмдыштіс Светлана да вильыш синъясөн видзөдліс Лёня вылө.

Лёня кыліс, кызди ёкмуніс сьөлөмыс да шыбитіс пөсьө. Бура дыр эз куж весиг нинөм шуны. Медбөрти аддзис жө кывъяс да нурбыльтіс, мед мыйкө да шуны:

— Сы каднад быдөн ёртасьө. Абуджык гажтөм.

— Мед лоас тэ ног. Миян өні некод оз гудөкась, ме эськө и сьыл,— дзикөдз воссис Миколай Васьлөн нылыс.— Ме радейта сьывны, торйөн нин ассьыным коми сьыланкывъяс, выльяссө и важъяссө. Мөд во школа помала да водзө велөдчыны муна. Сьылөм кузяыс ли велөдысьө.

Мыйла пө и висьтасьны Светланаыслы, а ас мортөн лыддис. Мун пө да и гөгөрво тайё нывъястө. Зэв тай шоныд синъясөн видзөдавліс Лёня вылө-а. Сідз кө нин шуны, позис и мый вылө видзөдлынысө. Кызь өти арөснас Лёня вөлі, кыз шулөны, вель удал зонмөн. Куничаяс да йөраяс бөрся вөтлысигөн эз нөптав, а бур сёяннад нюжалыштіс да зумыдмис. Пельпомъясыс паськыдөсь, бекъясыс зэлыдөсь. Казялана и юмыртчөм вом доръяса да чангыльтчыштөм ныра чужөмбаныс.

— Тэныд водзө жө велөдчыны колө,— эз төд, мый йылысь мөвпалө Лёня, да водзө сёрнитіс Светлана.— Öні велөдчытөм

йöзыд некытчö оз сибавны. Али нэм чöжыд Пужваад и кöсьян овны?

«Мыйöн нö тэныд менам Пужваыс лёк?»— тшöтясны мөвпыштліс Лёня, но лөньюдіс асьсö да шуис:

— Кодлыкö и деревняын овны. Ме кö муна да мукöдьяс кö мунасны, деревняным кулас.

— Ни öти ныв абу да, челядътöгыд кулас и эм...

— Тэ локтан,— кызкö друг воис тайö мөвпыс Лёнялы юрас, ачыс весиг эз гөгөрво, кызди петіс вомсьыс. Эз весиг лысьт пыр жö видзöдлыны Светлана вылö, а бергöдчис сыланью мыйкöдыра мысти.

— Видзöда да, смел детина вölöмыд,— быдсөн дугдіс вотчöмсьыс Светлана да сувтіс веськыда пожöмъясыс моз.— Гудöкнад да йöра яйнад эськö абу лёк, да öд висьталі нин тай, мый велöдчыны на кöсья. Сэсся и ме тэнö дзик ньöти ог тöд, и тэ менö он тöд. Медводдзаысь на аддзысим, а гөтрасян нин. Тадз оз овлы.

— Мый нö кöть и? Мортыд первойсянныс тыдалö. Тэ, видзöдöм серти, шань.

— Тöдысь петöмыд... Менö кö дöзмöдан, верма и гыжъясöс лэдзны.

Мый вермас ас вöснаыс сулавны, тайö вöлі збыль. Ныв торъяліс эз сöмын мичлуннас, но и зумыдлуннас. Вöлі эз кос печкан кодйөн, кутшöмъясöс топалöм лядвейяснас да вомсянныс кокъяснас петкöдлöны телевизор пыр, а тырмымөн топыд яя да, видзöдöм вылö, ён эбöса. Татшöмыд, вöрсö кöть лунтыр гежмалас, оз мудз, и турун пуктігад мукöд моз оз упкы, и кагатö шонді банаöс чужтас.

Былытіс быттö ас дорсьыс тайö кывъяснас Светлана, но сьölöмас пöсьыс корис на мыйяскö шуавны, мед мыйяскö шуаліс и орччөн вотчысь, мусаён лоны кутысь нылыс. И Лёня шуис:

— Морт вылö воан модаыс менам абу, батьö да мамö эз велöдлыны. Кывйыс тырмымөн. Сійöс сöмын йöйяс оз гөгөрвоны.

— А ме йöй и эм. Висьтав кöть эн, ассьым ныра.

— Мися жö да кысь. Видзöда да, батьыдлөн кабыр улын.

— Батьыд да мамыд уставитысьяс и эмöсь. Ме мөдтор йылысь сёрнита: мый мөвпышти, сійöс быть вöча да мукöдтор вылö ог ылав.

Вöлі гөгөрвоана, мый Лёняён кыпöдöм сёрнисö Светлана водзö оз лэпты, да вуджисны мукöдторъяс вылö. Кык ведраён вöтісны да вöлисти петісны керка дорö. Батьыс век на вöчис моторсö. Лёня отсаліс сылы помавны, а Светлана пусис. Зэв чöскыда и кылаліс сэсся сыён дасьтöмыс. Лёня тадзсö пусыны эз куж.

Пемдіс да, Миколай Вась, кöть и моторыс лоис дась, туйö эз пет, нылыскöд узисны Лёня ордын. Водзö катысь крестьянин нар вылö нюжөдчис шöрас, веськыдладор бокас водіс Светлана, Лёня лоис шуйгаладорас. Ёна жö и дыр эз куньсыны сылөн синъясыс, и талы помкаён вöлі ныв, коді куйліс орччөн, но батьыслөн морöсыс вöлі Перым гөраысь на джуджыджыкөн.

Татшöмыс буретш да Лёнялөн кызь вит верста кытшын, деревнясян дас нель верст сайын. Административнöй граница

серти татчос пармаыс коми-пермякъяслон нин, но найо некор абу матыстчыломаось. Тыдало, ёна важон нин первойон удитло-маось пужасяс да сидзи век и кыйсьоны. Став сертиыс, кыдзи шуо батыйс, пужасяс — коми-пермякъяс жо, сомын Коми мулы автономия сетигон пайкыштломаось пермякъяслысь мусо да суйо-маось коми лыдо. Мый тайо збыль, тодчо весиг пужасяслон да орчча сиктсало кыв-вор сертифик. Сийо и они торъялышто коми йозлон серниысь. Аслысполослуныс торйон ёна тодчис, кор на волины олома йоз. Ыджыд мамыс мыйко воли шуас, да выльысь юавны ковмас.

Карта вылын Перым горасо мукодъяскод тшотш пасйома отувья Северные увалы нимон, коми-пермякъяс, конко, шуоны ас ногыс, но пужасяс шуоны тадзи, сы всна мый збыльысь Перым му вылын. Буретш тайо гораыс, грунийось-гранийось джуджыд мыгорнас помтом-дортон парма шоро синмон муртавтон шмакон шнякысьомыс, сулало товьяслы и ваяслы пыкодон. Посни и ыджыд юяс визувтоны отаро-модаро: Котйом да Эжва — войвыло, Пильва да Кама — лунвыло.

Абу быттё и джуджыд (карта вылын пасйомаось саридз веркоссянь кыксё метр судатон), а каян юр пыдос вылодзыс да быттё бордысян, окота йоткыштчыны да лэбзыны. Кокъяс улад нэмөвйоя воряс муртса чепөсийом рос кодь, Виска ёль тайо рос повстсьыс оз весиг тыдав. Татон ко вор керкаыд сулалис, лөсьыд жо и воли, конко, лов вылад, но оз статит. Зэр да лым ванас, гашко, олан (он од кут нопйон катыны), товьяс-нас пачто ёнджык ломтан да он кынмы, но быд лун кайны лов петмон абу окота, да и лэчынысо на абу кокни, сьылдирто верман чегны. Вор керкаыс гора подулас. Пöлыслон на лэпты-ломыс дзикодз рыжмис, да кер бергодны вермысь на батыскод лэптылысьны вьлөс. Они сийо висьо да одва ловья. Кердорса воддза сьокыд уджыс, кыдз ачыс шуо, кусыньтис. Ворө петавтогыс овны оз вермы да деревнядорса мати кытшо петавло. Корко сэтчо ныр вылас и сутшкыяс. Лёня эсько оз нин лэдз некытчо петны, да кывзысяс мой? И мамыслон кывйо оз сетчы.

Гора гогор нюръяс, а кони найо, сэни и звер-потка. Дорйо сийо, мый породны ворсо оз вермыны буретш нюръяс вснаыс: техника вйо весиг товнас. Нином элясьны, мудз дон дай унджык на сето Шензьоданаыс. Тадзи шулома тайо местаясас Лёняслон вужйысь медводдза локтысь, и бура шулома, сьолөмсяныс петома. Шензьытогыс некыз он вермы. Шензян ворзьоддытом, тшыкодтом на мичлунсьыс, быдтор эмсьыс, сысь, мый татшөмторйыс овло му вылын.

Чос туй кытшовтом ли тулан-ур борся вöтлысьом да рытъя уджон эштөдчөм бöрын бура ёна мудзөмон нин нюжөдчылө Лёня нар выло да, корт пачлысь печласьомсö кывзигмоз, мөвпавло олом-вылом йылысь да тшупо нырас, мый вор-ваыс и дорйо сийос кытчөко да шыбөлитомысь. Сы арлыдаяс дай посниджыкъяс бать-мамныслысь пенсия воом да вина юом и тодоны, а сийо тыр-бур морт, верстьо йоз весиг могон шыодчылөны. Этша тай велөдчөмыс лоис-а. А мод боксянь, водзö ко велөдчис да институт помалис, кыдзи тшөктөны воли бать-мамыс, эсько гортас овсис, эсько Шензьоданаас ветлыссис. Тайос и мөвпыштны оз куж.

Мый оз тырмы — тайё, дерт, орччөн сьёлём, муса морт, шудсё и шогсё тшөтш юкысь. Ылыстём вылё видзөдтөг, ветліс өд некымынысь сиктас Светлана дорё, но кыз шулёны, нинёмыс эз пусы. Ныв эськё петалис кыкысь, но шуалис сійё жё кымын кывъяссё, кутшөмъясёс аддзис Лёняёс бөрынтьём могысь яг дорышын вотчигөн. Содтысис на: ассыд арлыдатө пö корсь, көть эськё Лёня куим арёсөн и ыджыджык. Коймөдысьсё петіс батыс. Сійё крапкис веськыда:

— Вай, пиё, дугды дзерөдны нывсё. Абу тэд вылё. Ещö кө локтан, дзикөдз скөрма.

Мый дөзмөм йөз вермөны вöчны ыджыд лёк, тайөс Лёня төдіс бура. Но эз тайё тшөкты эновтчыны Светланаысь. Ныв ачыс эз көсйы лоны Лёня дорё матынджык, а мырдөн мусанад оз лолыны. Но өд абу на тай Лёня ветымын арёса. Асланыс жё деревняысь Прокö Петыр нэм джынйөн гөтрасьлёма да квайт челядьöс на лөсьöдлөма. Некод жö абу деревняын-а. Веняыс медводз мунліс. Кольөм воын воліс кыськө да весиг вуграсян да вотчан местаяслысь нимъяссö вунөдөма. Вот тэныд и на.

Армия бөрын нин, став сертиыс, пөвсö корсьны ковмас. Öнi во и служитöны, да кадыс өдийö коляс. Кодкө өд сюрас жö. Сэ-тшөм, коды Лёнялы моз сьёлём сертиыс деревняса олөм. Дерт, ыджыда велөдчөм морт Пужва вылё оз ышты, да и сійё нинөмла, век кутас асланыс бертны. Эмөсь быдлаын и сы коддьөмъяс, мед сөмын веськалас лөсьыд морт, а оз пытяш. Лэптасны ыджыд да кыпыд керка, лөсьөдасны челядьöс. Быдтасны да велөдасны найөс. Окотитасны кө ныв-пиныс кытчөкө мунны, мед мунöны — оз кут: мортлы колö вöля. Эз кө быттö вöv Лёнялы пармакөд öти лов шыөн олөм вылё вöля, эськө сьёлөмыс важөн нин куліс.

Деревняын сьөм вештана удж абу да, ковмас овны скөт видзөм да град йөр вөдитөм весьтö. Парма отсалас: зверсö и пөт-касö, тшаксö и вотөссö сетас. Дерт, кокниа тайö оз шед. Йөра бөрся вөтчигөн, поводдяыс кө сы дор, шой кодь лолан, да оз на и сюр. И олөмыдкөд прöщайтчыны верман. Кольөм воын ош йөймыліс: босьтіс да уськөдчис. Бур, мый ружье ствольясас вöліны пуляа патронъяс, эськө кыз на и помасис? Ошсö позьö жö гөгөрвоны: коды окота эновтны чөскыд сёян? Тайö ыджыд ай ошкыс матігөгöрын эз вöv. Кок туйяс сертиыс, локтіс ыджыд кушсö вуджөмөн Перымладорысь, көні кутісны пөрөдны колонияс тупкысьөм бөрын кольыштөм вöрсö, лөнь лунъясö кылыштис весиг техникалөн лимзалөмыс. Медтö кутіс асьсö лөня, да босьтчис гусясьны: өтчыд лэчкысь нетшыштис дорвыв дас нель сьöла дай му лэчкысь дозмөрөс нямис, мөдысь — тадз кымын жö да нөшта и туй шөрас браздөдіс вель ыджыд шаньга, дзик нин нинөм туйö пуктіс Лёняёс. Со и кыйөдіс, мед повзьөдны да ылыстны лэч туй вывсьыс, а гөна юрыд уськөдчис. Яйсö, ошъяссö висьөмөн шуöны да, эз сөйны и йөзлы эз вөййыны, а куыс зэв на лөсьыда и инасис. Дерт, гусьöникөн. Унатор тадзи лөö вöчны. Власьт ачыс тадзи велөдö овны. Бур власьт кө өд вöлі, деревняыссö эз виав.

Чими кыян рытö карасина лампаөн Лёня оліс бура дыр на, лөсьөдчис аски кежлö, мед дасьсö сөмын сөвтны пыжö да йөт-кыштчыны Виска ёлысь. Янсөдчөм водзвылас эз узсьы, да босьтліс на киас гудөк, кодөс быд во катөдлө аскөдыс вөр кер-

каӱ. И армияӱ босьтас. Сэни ӱд, кӱнкӱ, лӱдзасны жӱ ворснӱтӱ.
Сӱӱлӱм вылас воис ас районса композиторлӱн сӱланкыв, да
сӱӱӱс непӱштӱ ворсӱс, но и сӱылӱс:

Гылалӱны надзӱникӱн коръяс,
Кӱтъ и вель на шоныд ывлавыв.
Мавтӱ рытыс алӱӱӱн вом доръяс,
Быттьӱ синмӱ усьны кӱсӱйсь ныв.

Муса нылӱ мавтчытӱгыс мича,
Сӱӱ менам — асыв, абу рыт.
Сӱӱлӱм пытшкын збыльсь ӱд и видза,
Но ог тӱд на, аски келам кыт.

Ме ог тӱд на, мыйяс сылы шуа,
Мыйяс сӱӱ шуас, ог жӱ тӱд.
Ачым жӱ мед эськӱ гортӱ нуа,
А оз гортас кежӱд кодкӱ мӱд.

Мавтӱ рытыс алӱӱӱн вом доръяс,
Быттьӱ синмӱ усьны кӱсӱйсь ныв.
ӱти меным дыр нин муса торъя,
Со и чужис тайӱ сӱланкыв.

Яндысьны вӱлӱ некодысь, да Лӱня сӱылӱс тыр гӱлӱсӱн. Сылы,
дерт, вежӱрас эз воы, мый Шензӱданаыс рытӱӱ сы моз жӱ
да сӱмын ошкӱ.



*Локтан номеръясысь лыддьӱӱ Алексей По-
повлысь «Миян бӱрся кыйӱдчӱны» челядьлы пьеса-
мойд; Алексей Вурдовлысь «Прӱв Микӱллӱн
«флор» да «Аддзысь» висътъяс.*

Олөмтө он бергөд...

В И С Ъ Т

Сулаліс мича, гажа лун. Енэжөдыс кывтісны шочиник кымөръяс. Еджыдөдз доналөм шондіыс пөжис мусө, вөрсө и васө. Эз дугдыв лөдз-номлөн дзизгөмыс. Шондіыс катовтчис нин лун шөр бөрлань, а Ласей Макарлөн ю берегас сувтөдөм туйсас кык кельчи да куим йөрш кыңdzi нинөм эз вөв. Кыдз пуысь колясьяс вөчигас вель уна пөсь кисьтіс, нидзув да пучой корсигас. Пузьөдліс да юис нин куим пөрт чай, сөйис быдса нянь тупөсь, бырөдіс махорка пачка.

Ласей Макар асьсө лыддьывліс медсюсь вуграсьысьөн, и өні инас эз өшйы: майшасис, гораа ёрччис. Мыгөр вылас вежсьөма: чужөмыс вежыньтчөма, лөдз-номсьыс сьодасьөма, пөсялөмсьыс юрсиыс пратьмөма, балябөжөдыс, мышку кузяыс пөсь ньылөмыс визувтө, дөрөм-гачсө көтөдө.

— Мыйысь нө чери кыйөмыс торксис? Нидзувсө сідз жө самала. Вугырас пысалөм бөрас сідзи жө сьөлышта. Вугырсө ваас шыбиттөдз, кыдзи и пыр, Петыр-Павеллы кевмыся, чери сетны кора. Но табъяс оз сунласьны. Визувсьыс өтилаын тірөны, шатинсө оз кыскыны,— ю кыркөтшас Мадяр понйыслы норасигмоз шуаліс Ласей Макар.— Ме, другө, Мадяр, дас кык арөссиянь нин вуграся. Сэкисянь жө и вөрала. Мамө, Азот Анна, чуйдөдліс. Батьө, Лаврень Ласей, сэки тюрмаын вөлі. Нянь кольта гортө вайөмысь судитлісны. Гортаным вит сөйысь. Ме кыңdzi кык чой да вок. Дас нель арөсөн ручтө кыйлі. Сельпоын ку вылас пуд джын крупчатка пызь сетлісны. Сэки крысаыс зэв уна вөлі, а быд крыса куысь — өти шайт. Вежоннад сө крысаөдз кыйлі. Сө ку жө и сдайтлі. И быдпөлөс төварсө сө шайт вылад ньөблывлім. Верстьө мужикъяс сө шайт вылад куим сулея спирт ньөблывлісны. Мед эськө, Мадяр, өні тадзи жө лоө. Черисө вузалам, тшай-сакар, еджыд нянь, табак-папирос, вина доз ньөбам. Кыйдөссө карсаяс ньөбны көсийсны. Оз кө найө, Пөлудь Плавдилөн вокыс, коді школаад велөдө, ньөбас. Да-да, Мадяр, господин учительыд и ньөбас! Черитө сійө зэв азыма сөйө. Енджыка ульнас, солалөмөн, дерт.

Смоль сьөд, а голя гөгөрыс еджыд гөна понйыс көзяиныслысь татшөм сёрнисө унаысь нин кывліс и сы вөсна юрсө эз и лэптывлы, сөмын лапйөдліс синъяссө да лапаяснас мездьсыліс нырвомас, кымөсас шашаритчысь лөдз-номсьыс да надзөникөн мурөстліс, быттө шуаліс, төда пө чери шедтөмыслысь помкасө: «Гөтыртө, Öвер Плавдитө, питө, тестьтө-тьощатө, шуринтө кездовтөмысь, морт пыдди найөс лыддьытөмысь оз шед».

— Мадяр, медшөр помкаыс — рок абутөм. Вөлі кө рокыд — чериыд шедіс! Розя мешөкө роктө пуктан, юас лэдзан, көв йы-

лө коляс пуас пысалан. Сэтчө чериыд и сакаяссьö. А чериыс тани эм. Воддза волігас куим ёді да паськыд борда ляпаяс лэпта-лі. А öні роксö Пöлудь Плавдиыд эз пу! Шыдöсыс пö абу. Сьöмыс ньöбныс абу жö. Медбөръя нянь тупöсьсö да сакар колясö пö босьтін. А пенсияөдз пö нель лун на. Чери вылас лачаөн и локті водз асывнас ю дорас.

Ласей Макар джуджыд тушаа-тэчаса, гырнич ыджада кабыра, рудовсьöд юрсиа, гора кыв-вора морт. Сёрнитö кияснас шенасигтыр, кокъяснас джоджас зымöдігтыр. Оз кө мыйкö сы ногло, ош моз равöстас, вермас и кияснас воны. Та вöсна сиктас Ош Макарён нимтöны. Олöмыс Ласей Макарёс нинöмөн эз топöдды, гöтырыскöд, тесть-тьöщайскöд, шуриныскöд, пиыскöд лёкалöмысь кындзи. А мыйла эськö и колö зыксьынысö? Öд и весиг ичöt писö гöбöчас йортöмөн видзліс, гöтырсö да тестьсö нöйтліс, тьöщасö бонзытöдзыс пинявліс, кампужитчывліс. Шуринсö пыддитö эз пуктывлы. «Господин учительөн» сералігтыр шулывлö. А öд Öвер Плавди гöтырсö ачыс ай-мам керкасьыс моздорас топöдöмөн гортöдзыс пыртіс. Ай-мамыс гозъясö гажа гудöк шы улö кольöдісны. Кык лун да вой сэсса гажöдчисны, сьылісны-йöктісны, кутчысьлісны-окасисны! Ласей Макар быдöнлы шуаліс, мый овны ставныскöд мöдас лючки-бура, черинад, и пöтканад, и быдсяма вотöснас могмöдас. Торйөн нин тесть-тьöщасö да шуринсö. Гажöдысьнас, гудöкнас ворсысьнас «господин учительыс» жö и вöлі. Мед ворсöмыс эз торъявлы, ачыс жö стöканөн вом дорöдзыс сылы вайліс вина-курсö и яй йöнгыльсö. А коймöд луннас гажöдысь-ворсысьсö нимтіс-укöрайтіс нин. Шуаліс: «Господин учитель, пöсь он кисьт, школаөдз шывк лэччывлан, шывк жö и локтан. И нинöм абусьыс, шывкъялöмсьыс сьöм мынтöны, уна сьöм!»

«Школаас шывк лэччöм», «школасьыс шывк кайöм» кывъяссö Ласей Макар эз ачыс лöсьöд. Тадзи шуавліс тьöщайс — Трöш Марья, коді школаас абу велöдчывлöма, весиг школа пос помöдзыс некор абу волöма. Лыддьысьны ни гижны оз куж. А Ласей Макар нель класс помалöма. Öвер Плавди шөркост тушаа, еджгов юрсиа, кузь көсаа, лöз синъяса, небыдик сёрниа ныв, Ласей Макарыс киняулöдзыс и лöө.

Сійö эз öдорт и эз кедзовт верöссö. Мöдарö, кывзысис, ошкыліс: зэв ён морт пö, лёк йöзысь доръяс, вөр-ва бура тöдö, чери и звер-пöтка кыйö да вайö. Кöсйивліс жö эськö шуны, мый некöні оз уджав, да сэтшöм нин коми нывбабаыд — ставсö ас пытшкас кутö да видзö. Олöм чöжыс, кызди и ставсы коддьöмыс, пессьöма-мырсьöма, быдсяма уджсö ичöтдырсянныс вöчлöма. Айыслөн кодь слабиник синъяса, нэриник сойяса, удж вылас некодлы абу сетчылöма. Ытшкигад некод сійöс абу дiавлöма, юрасигад медуна турун юр сюртлöма. Öніöдз Плавди помнитö, кызди сылы бура уджалöмысь районса совещание вылын козьनावлісны Почёт грамота да платтьö вылö дöратор. Платтьöсö öнöдз на сундук пыдöсас видзö, а Почёт грамотаыс абу нин. Ласей Макарыс кампужитчигас косявліс. Стенмас рама пытшкын вöлі öшалö. Плавдиыдлөн шусис сэки: уджалін кө пö, и тэныд татшöмсö жö сетны вермисны. Ласей Макарыд и пузис, чашнитіс стенсьыс рамасö, швачкис джодж бердас да торпыри-

гөдз таляліс. Нөшта пызандөрасө сёяннас ош моз чашнитіс. Ставыс джоджас таляссис.

— Да, да! Быдтор выlö сяммывліс Ласей Макарыд,— пач дорас ноксигмозыс ас кежсьыс сёрнитіс Öвер Плавди.— Öнi вуграсянінысь локтас. Оз кө ло сылы колана сёяныс, вермас на и нөйтны.

Во вит сайын татшөмторйыс вөлі. Воис Ласей Макар вуграсянінсьыс, но чериыс абу шедөма.

— Синтөм пөлудь вөсна чериыс эз шед! Кевмин, ёрин, тыдалө!— ош моз равөстіс да гырнич ыджда кабырнас лөсыштіс син көтшас.

Сэсянь Öвер Плавди синпөлаөн, Пөлудьөн, лои!

— Эн лысьт некытчө норасьны! Кывла кө, олөмтө помала!— өлөдіс Ласей Макар.

Та бөрын Öвер Плавдиос квайт вежон сиктас эз аддзывны.

— Гришпөн висьö! Лун и вой крөватын куйлө,— висьтавліс сэки йөзыслы Ласей Макар.— Больничаө мунныс оз көсьы. Со и старайта, верда-юктала, чышка-мыська. Та вөсна жө и удж выlö ог петавлы.

Эз норась некытчө Öвер Плавди. Сөмын пөрысь ай-мамыслы висьталіс лоөмтор йывсьыс.

Орчча керкаас олысь Марья тьöтыскөд больничаөдзыс век жө ветліс. Сэсянь ыстісны Сыктывкарө. Кокньыд шуны! А кор он аддзы, кор кималассорөн ветлөдлан — кыдзи на ылі туяд вөрзян? Ласей Макарыд и сэки эз отсав! Марья тьöтыскөд жө и лэччыліс теплоходөн. Сыктывкартіыс Марья тьöтыс киöдыс кутөмөн новлөдіс. Гортас Öвер Плавди инвалидөн нин локтіс. Сэки жө и пенсиятө индісны.

Ласей Макар гөтырыслы весиг паныд эз воы. Гөтырыслөн карас лэччан луннас жө перйис дзебасө пуктөм сьөм да быд лун юис-кодаліс. Керка дорті мунысьясыс унаысь кывлісны, кыдзи Ласей Макар ливкйөдіс: «Овліс-вывліс вөрын, овліс-вывліс ягын, Эжва дорын удал зон».

Пачводз дорас ноксьөм бөрын Öвер Плавди мыськаліс джоджсө. Ичөтик ведраөн пыртліс струбаысь ва. Петаліс ай-мам ордас. Корис сьөмтор. Öд локтас верөсыс, и оз кө ло сылы колана сёяныс — нөйтас, гортсьыс пышйыны ковмас. Ветліс лавкаө да ньөбасис.

...Рытнас нин петіс асыв-вой төв. Ыркнитіс ывласө. Этшаммис лөдз-ном. Но эз вөв долыд Ласей Макарылы. Дзикөдз эбөстөммөм, лөглунон тырөм сьөлөма, сійө муртса эз бөрд. Ньөжйөник гартліс вугыръяссө. Пысаліс мышку саяс тыртөм нопсө да мөдөдчис гортланыыс. Кузь вад пөлөнөд кайис войланьö крута лэччысь кыр йылөдзыс, көні сулаліс чужан сиктыс. Сувтіс. Перйис табак көшельсө да пуксис куритчыны. Пемдысь ывлаыс кыскис мөвпавны-думайтны. Пукалө Ласей Макар, лэдзалө вомсьыс табак тшын кольчаяс, и син водзас сувтөны бөрө кольөм воясыс, ставнас олөмыс. Дзолядырсянныс эз радейт уджавны. Ас коддьөм арлыда зонкаяскөд лун-лун шлонъяліс. Медся радейтанайнъяснас вөліны анькытш, картофель да сёркни муяс. Нөшта — Важ Эжвалөн паськыд лыаа берегыс. Мукөд зонпосни уджалісны видз-му вылын, заптісны турун, мудйисны картофель, градъяс вылысь нетш-

кисны ёг турун. А найо лыс лапгьясысь вöчлісны чомгьяс, гожйöд-
чисны, купайтчисны. Нурьясьлісны колхоз му вылын быдмысь
картупельöн, сёркниöн, анькытшöн. Ичöтдырсяньыс дышöдчöмыс
колис нэм кежлас. Пырالیс эськö колхозö и совхозö, но прамöя-
сö эз и уджавлы. Медбөрьясьыс кукань гидын войнас стөрöжа-
ліс. Но унджыкысьсö сэтчöдз эз и воывлы, кöнкö гажöдчис,
юис-кодаліс. Сы пыдди стөрöжаліс Öвер Плавди Трöш Öвер
батыскöд. Унатор йылысь на думайтис Ласей Макар. Дум вылас
усьліс и Петыр вокыс. Сы моз жö дзолядырсяньыс шлоньяліс.
Уджö эз кутчысьлы. А сёйны да юны коліс. Заводитис гусясьны.
Первойсö йöз керкаö пыралöма. Съом гусялöма. Сыысь вит во
кежлö пуксьöдісны. Мынөм бöрас во джын мысти бара тюрмаö
веськаліс. Лавкаö войнас пач трубасö разьöмөн пыралöма. Став
сьöмсö, вина да сёянторьяс нуöма. Бара пуксьöдісны, пукалö
на. Тюрмаыс сылы, кыдзи ачыс шуö, гортыс кодь нин. Вердöны,
юкталöны, пывсьöдöны-мысьсöдöны. Юрыд пыр вевт улын. Да
Макар и ачыс тюрматö тöдö: тесьтсö Петыр лунö нöйтліс, юрас
кансер банкаöн вачкыліс. Кык во Улыс Човйын оліс да уджаліс.

Да-а! Мунöма тай олөмыс! Регыд квайтымын арöс тырас.
Бур йöзлы пенсия мынтыны кутасны, а сылөн став уджалан
кадыс кык во и чукöрмö. Но и мед. Öвер Плавдилы пенсияыс
воö. Сы вылö гоз-мöд во нин олöны. А оз кö ло сійö?! Кулас
кö нö?!

Татшөм мөвпгьяссьыс мыгөр кузяыс йирмөг котöртис, кöдзыд
ваöн быттö чужöмас и морöсас койыштисны. Вот эськö выльысь
кö чужны да бур йöзыс моз овны-уджавны, гöтыртö, ныв-питö,
тесть-тьöщатö лелькуйтны, пыдди пуктыны. Но öд олөмтö он
бергöд, он косöд! Öтчыдысь сійö сетсьö! Тайö мөвпнас Ласей
Макар чеччис шойччанінсьыс да мöдöдчис гортланьыс...



Сылан горыс оло

Мод во И.А.Куратов нима Литературной музей уджало бура дзоньталом, кык судта мича кирпич керкаын — IX нэмсе купеч С.Г.Суханов семьялон оланінын. Вуджом бoryн медводдза экспозициясо, дерт, сиим И.А.Куратовлы. Виль экспозиция вoлi дасьтома Победалон Ыджыд лун кезло, сiома сийo гижысь-фронтовикъяслы да гижысьяслы, кодъяс война кадo уджалісны тылын. Экспозициялон юкон торйoдoма и А.П.Размысловлы.

Ананий Размыслов колис тодчана пас 1930 воясса коми ли-тература совмoмo. Та вoсна музейса уджалысьяс матo комын во нин поэтлон рoдвуж да epтъяс отсogон чукopтoны сылон архивысь небogъяс, снимокъяс, колуй, ки помысь лoсьoдoм гижoдъяс, письмoяс да мукoдтор.

1970 воясo на ыджыд козин музейлы вoчис поэтлон мамыс — Евдокия Павловна. Сийo сетіс А.Размысловлысь гитарасo, снимокъяс да «Альбом для стихов» блокнот. Блокнотас эм ки помысь дасьтoм некымын вуджoдoм — А.Пушкинлон «Коломнаса керка», «Рoзбойник вокъяс» поэмаяс да «Арион» кывбур. Поэт вуджoдлoма найoс коми кыв вылo 1938—1939 воясo, кор Вoлoгдаса автодорожной техникум помалoм бoryн уджалoма Абъя-чойса доручастокын. Техникумoдзыс на Размыслов велoдчoма литератураын уджалысьяслон курсъяс вылын. А медводдза кыв-буръяссo йoзoдлoмаoсь «Ордым» журналын 1931 воo.

Война водзвылын Ананий Размыслов уджалoма «Коми комсомолец» газетса редакторoс вежысьoн, редакторнас вoлoма Серафим Попов. 1941 вoся юнь заводитчигас Коми Госиздат лeдзис А.Размысловлысь «Медводдза любов» небog. Сийo жo тoлысьнас, 22 лунo, пансис кузь да вир кисьтана тыш. А юль 9 лунo поэт муніс нин фронт вылo. Мунoм водзвылас асьыс медводдза небogсo козьналіс epтъясыслы, тшoтш и Серафим Поповлы. С.А.Попов весиг война вылын сeсся абу торйoдчылoма козиныскoд, пыр новлoдлoма гимнастepка зeптас.

Став экспонатсo — гитарасo и блокнотсo, небogсo и снимокъ-яссo — пoзьo адзыны экспозиция вылысь. Снимокъясыс висьталoны поэтлон батъ-мам йылысь, ас йывсьыс, кoнi сийo тышкасис да кытчo усьoм бopас дзeбисны. Найoс нин музейлы козьналісны Ананий Размысловлон чойясыс — Ангелина Прокопьевна да Зинаида Прокопьевна.

Та кындзи республикаса Национальной архив видзo Ананий Размысловлысь 1938—1943 воясса письмoяс, найoс гижлoма гортсаясыслы да аслас медбур, медматысса epтыслы — коми поэт Фeдop Щербаковлы. 1938 вoся ноябрын гортсьыс, Паль сиктса Сотчoм грездысь, Ананий Размыслов гижo Фeдop Щербаковлы: *«Здравствуй, Эдуард! (Щербаковлон литературной нимыс — Д.Х.). ...oнi мe наслаждайтча сиктса спокойствиеoн да гортса посни челядь зык-шумoн. Гортын видза кага да уджала поэма вылын. Темаыс — неуна сборной, а главнойыс —*

неудачной любов... Сёмын талун гижы 165 строка. Татиом успешной да кокниа некор на эг гижлы. Талун поэмалысь самой лирической моментсё гижигён водзёс көтөдэс ичөт чой... Төрыт помалі Пушкинлысь «Братья-разбойники» коми вылө вуджө-дөм. Эштөді кык рытөн да öти лунөн».*

А музейын поэзо төдмасыны 1942 вося январын ыстылом письмөөн. Сійö тыр сёлөм дойөн, майшасьомөн да ыджыд көсьомөн водзё на сөвмөдны ассьыс творчествосё. Со тайö джуджыд мөвпгъясэ письмөсьыс юкөн: «Чолөм, ёрт! Зэв жаль судьба кө вöчас сідз, мый миян сизим төлысьяс янсөдчөм лоас медбörгъя и нэмкежся янсөдчөмөн. Мен кажитчө, мый ми прöщайчим эг сідз, кыдзи колö.

Мен кажитчө, мый сійö здуксö асьным гөгөрвотөг ичөтмө-дiм сылысь төдчанлунсö гөгөрвотөм кузя. Кытчөдз тэ вöлiн мекöд орччөн, весиг медбörгъя минутöдзыс, ме кыдзкө эг слöймыв думыштылыны янсөдчөм йылысь (весиг пробка дукуштылөм йылысь мөвп юрвемö эз волю). И сёмын сэк, кор саялiс Айкина пристань, ме прамöйджыка видзөдлi збыльлуныслы веськыда синмас, и дыр пукалi пароход палуба вылын, төв водзын, и лов вылын вöлi тыртөм, шог и ас вылө дөзмөм. Удайтчылас-ö бөр волюны Коми муö, асланым чужан муö, катны пароходөн Коми юöд, аддзывны Коми парма-вөрöс, рыт коллявны коми нывгъяскөд? Удайтчылас-ö коркө лыддьыны ёртгъяс кытшын ассьым медбур кывбур, код йылысь кута на сёлөмын надея?

Колö пуктыны став вын, медым тайö удайтчис. Колö вöчны ставсö, медым не воштыны ёрта-ёртнымöс тайö став муывьса бушколас... Со сизимöд төлысь нин кыссьö война, сы мында кад жö нин ме служита армияын. Тайö кад чöжнас унатор нин быдсямаыс мунiс ме вывти, но мөдарö кө — зэв на этша. Медся сьöкыдыс и медся унаыс водзын на.


Неважөн мен удайтчис случайнöя мөдпöв лыддьыны А.Барбюслысь книга «Огонь». Тайö збыльысь шемöсмөдана книга первой империалистической война йылысь... Но колö пасйыны, мый öнiя война 30 пöв страшнöйджык... Сиа ставсö, мый тэн колö. Тэнад ёрт Ан.Размыслов».

Та бöрын поэт тышкасис на Рытыввыв да Воронежса фронтгъяс вылын. Пыр вöлi командирөн. 1942 вося майын А.Размыслов лой лейтенантөн. Дон ю вуджигён сійö доймавлiс, кык төлысь куйлiс госпитальын и пыр окотитiс öдйöджык бөр веськавны фронт вылө. 1943 вося майын поэтлы сетiсны старшöй лейтенантлысь звание. А сентябр 30 лунö Украинаын Кременчуг кардорса Большая Кохновка сикт босьтiгөн Ананий Размыслов кувсис снаряд торйөн ранитчöмысь. Ёртгъясыс гуалiсны сійöс яблоня улö. Война бöрас нин сиктса олысьяс вылысь дзедисны поэтöс салдатгъяслөн öтувгъя гуö.

1967 воö Фёдор Щербakov ветлiс ёртыслөн гу вылө да олөм чöжыс сэсся эз вунöдлы сійöс — казгъывлiс кывбургъясас, дневникас. А большая кохновкаса олысьяс öнöдз на пыдди пуктöны миянлысь поэтнымöс.



* Письмöясас гижанногö да орфографиясö кольöма авторыслысь.



Виль кывбуръяс

Верзьöмön

Улич пöлön тöвзис вöлön
гут.
«Тпру да но!» да, «Тпру да но!» да,
Он тай кут.
Вөтчис верзьöм бөрся мегö:
— Сувтлы вай!
Вöлыд бөр кок сувтіс сэки —
Он на кай.
Гутлön плетьыс нель сыв кузя,
Шлуч да шлач.
Мегö эськö вөтчö сюся,
Чибö — скач.
Төвзис вöла улич пöлön,
Кöні луд.
Көртвом дом кутысьнас вöлі
Повтöм гут.

Йöктысьяс

Кинна-канна, ворсыштам,
Чиви-люви горзыштам,
Куми-ками йöктыштам,
Гажтöмлунсö йөткыштам.

Кинна-канна, гудöкöй,
Гынды, кокыд лудö кö,
Топ-топ водзö, топ-топ бөрö
Керка стыныс весиг вөрö.

Кинна-канна, йöктыссис,
Эз ков, майбыр, тшöктысьяс.
Бöрас аддзим
Киссьöм пачöс.

Гөсьт

Өшинь пыр да — рөмпөштанө,
Сэсся джоджө лэччис танө,
Чеччалө, да видлы кут,
Ок и винёв югыд чут.
Лыбзис лун шөрөдзыс стөч
Шонді югөр — вильыш көч.

Лымбаба

Өти тупыль, сэсся мөд,
Өта-мөд вылас и лөд.
Коймөд тупыль — тайө юр,
Ныр пыддиыс морков бур.

Юрас ведра шапка пыдди,
Саөн чутъяс — син-вом быттё.
Беддя киас — гөлик-рос.
Артмис лымбаба, лок ворс!

Отсасысь

Мамук, узь, мамук, узь,
Водзын луныс зэв на кузь.
Посьыд бара петас,
Мудзыд уна шедас.
Гортын уджыс тырыс,
Кор и эськө бырас?

— Мамук, узь, мамук, узь,—
Шуө тэнад зарни тусь.
Отсала, мый верма,
Горт гөгөртө керны.
Джоджтө чышка-мыська,
Сюруктө тшөтш лысьта.
Пожася и пуся,
Дөмся-вурся сюся.
Ветла песла-вала —
Нимлуныд өд талун.

Арся войкол

Руныгө шонді гылыд лызьөн
Рытъя вөртас сайө.
Рөшкыд подъя юсьыс-тысьыс
Кокни ротор кайө.

Майбыр жө нин татшөм кадө
Йи ув чери кыйны.

Пестам войся ноддя татён,
Полам али мый нё?

Кыпид класс

Дзик быд асыв аслам классё
Долыдпырысь пыра.
Тані другъяс — ставныс асёсь,
Да и нывъёрт тырыс.

Менам парта коймөд радыв,
Орччён — мича Света.
Сытөг гажтөм меным татён,
Сылы гажтөм метөг.

Кыя гуся видзөдлассё
Урок вылын весиг.
А кор петам школа-классысь,
Торъявлыштам сэсся.

Талун перемена вылын
Восьсөн ставсё шуа.
Бöрас сумка-нопсö сылысь
Горт дорөдзыс нуа.



Вөрса тьотка

мойд

Важон йөзыс вөлөм эскөны, мый вөрса ю йывъясын олөны Вөрса тьоткаяс. Вөрса тьотка пө видзөдө, медым вөралысьяс да чери кыйысьяс оз тшыкөдны вөр-васө. Коді бура кыйсьө, сылы ассьыс челядьсө — звер-пөтка да чери — козьналө, а лёка кый-ссысьяссөс вермас и «велөдыштны» ас ногыс...

Тайө вөвлөмторсө кывлі Чисваын... Чисвайд — Емва юлөн веськыдладор берегын зэв ыджыд ты. Сэтчөдз катан да сэсся Чисва юсө на колө катны. Ыджыд Чисва тыысь кындзи нөшта Ичөт Вылыс ты эм. Тайө тыас важысянь кыйсьө Иван дядь. Сэн сылөн керка сулалө джуджыдкодь берег вылын. Гажа жө местаыс: гөгөр вөр, а керка бердас кызд пуяс, льөм да пелысь. Арын кө катан чери кыйны, эн дышөдчы да водзджык чеччы — ёна и чөсмаян! Таво Иван дядь бара шуө катлыны. Катлас кө, тувсов гөра-көдза бөрти да олас сэні Петыр лунөдз кымын.

Гөтырыскөд тай сёрнитисны да, пуд уси батыскөд ветлыны Марьялы, дас куим арөса нывканыслы... Мед пө шойччыштө сэні, любуйтчыштө вөр-ванас, лолыштө чөскыд сынөднас да вөралан керкаыскөд төдмасьө. Гожөмнас таво Машуклы сьөкыд лоө, ковмас горт овны: скөт вөдитны, чой-вокъяс бөрсаяс видзөдны, пусыны, пөжасыны. Бур, мый дедыс ловъя на, отсыштас — киа-кока, и юрыс уджалө на. Турунтө кызкө асьныс гозъя пуктасны Илля лунөдзид.

Чери кыйны катасны кык пыжөн. Мөд пыжаыс Веслянаысь Митрей Миш пиыскөд, дас вит арөса зонкакөд. Кыкнад челядьлы гажаджык и лоө.

Керка бердөдыс сэні визувтө көдзыд шор, синва кодь югыд ваыс. Тайө шорсыс и сөйөны-юөны, өд тыас ваыс абу чөскыд, кутшөмкө көр кылө. Керка саяс нюжалөма еджыд нитшка яг, сэні быдсяма гобйыс петалө.

Аски вежа лун, вөскресенньө. Водзджык чеччисны, вөлөн лэччөдісны көлуйсө: тыртөм бөчкаяс, кыйсян көлуй, сөян-юан, вежсян паськөм, узылан вон, зіб-зор, пелыс-өпас. Ставсө тэчисны пыжө да кырсьөн вевттисны. Пуксьылісны берег дорө, пернапас чөвтисны и мөдөдчисны Емва катыд. Туръя колис нин, берег дорын со весиг мамыс Машуклөн саяліс, оз тыдав.

Абу регыд катантор! Вит лун лоө зіб помсьыд ётшласыны, витөд луннас рытгоров сөмын воасны керка дораныс. Марья кузь туйө петіс медводдзаысь на, да и ыджыд-ө сылөн вын. Водзын Емва юлөн косьяс. Нывка төдө на йылысь батыслөн висьталөм серти. Тыдалө, польштө, пыр өтарө юасьө мыйкө. Коркө и кыліс сэсся бузгөм шыыс.

— Батьө, тайө косьясыд и эмөсь? — шызис нывка. — А ме

нимгьяссö тöда: Öш-мöс, Роч кось, Кытшыль кось, Кöин кось. Медся лёкыс пö Роч кось, комиöн оз сяммы сёрнитны.

— Эн пов, Марья-тусь, бура катам. Ме нэм ветлöдда тати да косьясыд век на бура новлöдлисны. Накöд колö сёрнитны кужны. Ме быд катигöн кора, медым ичöтика лаймыштласны. И збыль, оз ёна лёкавны.

— Мый колö шуны, мед оз сэтшöма бузгыны?

— Колö тöдны, мый быд косьлөн эм аслас ныр-вом, аслас сямлун. Катигад оз ков ылавны да кывзыны налысь бузгöмсö, оз ков видзöдны валгьяс вылас, да медым пыж нырыд век видзöдiс берегань, а зiбгьясьны колö кужны: тшукöд зiбтö пыж увсянь моз да видзöд пыж ныр бöрсяыд — ставыс бур лоö. Коськыдысь бузгöмсö кутан кывзыны, кор катяс.

Батя-ныла зэв бура и катисны квайтнан косьсö. Батьыс пернапас чöвтiс, косьяслы пасибö висьталiс. Шойччыштны да сёйыштны сэсся сувтисны. Бипур вöчисны, öбед пуисны. Сёйыштисны, шойччисны да водзö мöдiсны.

Нельöд луннас матыстчисны Чисва ю вомö.

— Батьö, бара косьяс тани?

— Абу. Вот сувтлам, да чеччыв пыжсьыд, аддзан ачыд: ва тани петö ыджыд шумöн му увсьыс... Видлы, босьтлы васö вомад.

Машук сiдз и вöчис.

— Ой, кутшöм чöскыдтöм: шома, сола...— мöдiс сьöласьны нывка да öдйö котöртлiс, Емва ванас вомсö пожгьялiс.

— Тайö сола ваыс нэм петö, кыскö му увсьыс писькöдчö. Дашкö пö, кöнкö сэни дзонь море! Коркö бур йöз, учёнöйяс, тöдмаласны ставсö,— шойччигöныс батьыс кинас итсалiс* джуджыд джымгорö**.— Тайö гöптас, висьталöны бур йöз, шойччö лёль, сьöмга, кор воас татчö мореысь. Шойччö куим лун, а сэсся гожöмбыд ворсö, чеччалö-йöктö. Тадзи гажаа олö арöдз, кульмытöдзыс. Кульмас да бөр мунö мореö. Арнас волам, аддзылан кульмöмсö.

Пырисны батя-ныла Чисва юö. Колö на ветымын сайö верст катны: öтчыд узыны вөр керкаын, а сэсся воас ыджыд Чисва ты. Емваыд югыд, ваыс кöдзыд, а Чисва пемыд, пач сёй рöма: сiйö петö вöрса тыысь.

Узисны вöралан керкаын, асывнас мöдöдчисны водзö катны, и друг кылiс буалöм шы — дзик быттö öш баксö.

— Мый нö тани öшкыс вöчö?— чуймис нывка.

— Тайö ош горзö.

— Мыйла горзö?

— Мекöд видзаасьö. Сiйö менам тöдса. Ме сiйöс öнтай пыр и тöдi: лэччылöма берег лыа вылас, сьлөн кок туйыс. Ичöтнас на сюрлi капканö, ме сiйöс мездi и лэдзи. Öти кокыс лёк ногөн и бурдöма. Казялас менö да видзаасьö, здоровайтчö тадзи.

— Уськöдчас кö?

— Оз, эн пов. Ми ськöд раз-мöд вочаасьлiм нин. Мед олö, лёксö оз вöч. Зэв сьöкыда ошгьяс тöвийöны, гуясын, нинöм оз сёйны, пев чуньнысö нёнялöны сöмын. Тулыснас петöны зэв омöльöсь, пöрысь ошгьяслөн гөнныс пластөн-пластөн усьöма. Мед Михайлö Иванöвич гуляйтö, бурмöдчö.

* Итсалiс — (диал.) индiс.

** Джымгор — (диал.) йир.

Эз и тѳдлыны, мыччысис Чисва ты — ыджыд, паськыд, пом ни дор. Кадыс водз на, шондѳйс на пу йылын, и ньѳти тѳвру весиг абу. Батѳыс мыччис тыыслы гѳснеч — сѳмѳд вылѳ пуктѳм нянь шѳрѳм, кѳрышлысь мышсѳ, сов чепѳль, сакар тор — да корис чери.

Машук ассяньыс тшѳтш гѳститѳдѳс. Батѳыс сѳсся висьталѳс, мыйла колѳ гѳснечсѳ Ыджыд тылы сетны... Найѳ ѳд кутасны овны Вылыс тыын и сѳнѳ жѳ кыйсьыны: «Ыджыд тыыс кѳзяин, колѳ сѳйѳс пыдди пуктыны. А сѳйѳ нин ачыс нарадитас Вылыс тысѳ, кодлы да мыйта чери сетны. Вот кутшѳм законѳяс вѳлѳма-ѳсь тыяслѳн важѳн! Ѳнѳя йѳзыд оз пыдди пуктыны-а тайѳс».

Ты вылад оз нин ков зѳбѳясьны: ваыс танѳ абу визув. Пелысѳн да ѳпасѳн мѳдѳдчисны ты кузя. Сѳсся и Вылыс тыланѳ матыст-чисны. Со и налѳн вѳралан керкаыс, неыджыд мыльк йылын. Ылысянь нин тыдалѳ, кутшѳм гажа местаыс: ыджыд ниа сулалѳ тшѳтшыд кыдзьяс водзын. Турѳясяясѳс виччысьѳны нин, Митрей Миш ая-пия сулалѳны со керка дорын. Найѳ кер лѳдзны могѳн татчѳ водзджык воѳмаѳсь.

Миш ѳтчыд гымѳбтѳс пищальысь, сѳсся котѳрѳн лѳччис выльѳн воысьяс дорѳ. Видзаасисны, мыйсѳрѳ босьтѳсны пыжысь и кайисны керка дорѳ.

— Машук, босьт чайник да пѳрт, васѳ шорсьыс гумовт, а сѳсся тѳдмась керкаыдкѳд, мед оз дѳзмы. Ме тѳн висьтавлѳ нин, кыдзи колѳ тѳдмасьнытѳ,— велѳдѳс батѳыс.

Кайис Машук керка дорѳ, копыртчыліс да видзаасис:

— Видза олан, избушка-матушка, примит менѳ ас дорад, а ме тѳнѳ нѳм кута ѳкѳтитны.

Сѳсся сувтліс быд пельѳс дорѳ, малалѳс небыда ичѳт кияснас да мыйкѳ мелѳа шуалѳс керкаыслы.

А мужичѳйяс став эмбурсѳ пыжысь катлісны да меститалѳсны и пуксисны ѳбедайтны свежѳй чериа юкваѳн. Ѳбед бѳрти батѳ-яс мунѳсны ботайтчыштны да кулѳмѳяс пуктавын вой улѳ, а челядѳ — пывсян ломтыны, корѳсь чегѳявын-бертны, шорысь ва катны ыджыд сѳмѳд дозѳясѳ, мед киськасьны пывсян бѳрас. Марѳя да Мишук пыр и тѳдмасисны да ѳртасисны ѳтув удж вѳчигѳн.

Рытѳявылыс пывсисны, челядѳ вежисны керкаысь улыссѳ выль турунѳн, а батѳяс колины би дорѳ: пусьѳны, «по стопке» юыштѳсны кузь туй бѳрти да мудз вылас.

— Иван,— шыасис Митрей,— челядѳ дырѳиным эг нин висьтавл, мед эз кутны повны, а танѳ ты бокад мыйкѳ эм, мый он вермы морт вежѳрѳн гѳгѳрвоны. Ми ѳд водзджык воим... Тѳрыт мыйкѳ казавлі, талун асывнас и. Кутшѳмкѳ шум кылас — не то тѳвру лѳктѳ, не то мыйкѳ шумѳн лѳбѳ, а сѳсся дзик йѳв кодѳ ру лѳдзас. Кутшѳмкѳ кад коляс — ставыс друг вошѳ.

— Ме тайѳстѳ талун казавлі жѳ, косьяс катѳгѳн да войков узигѳн. Ошкѳд аддзысьлім, важ тѳдсакѳд, буретш сѳки лои тѳнад висьталѳм мозыд, а ме нылѳйлы сѳмын ош йывсьыс висьталѳ. Ставыс бур лоѳ... Мыйкѳ лѳк кѳ — ѳнѳдз эськѳ лои нин. Ен мед видзас.

Кыкнан мужичѳйыс пернапас чѳвтѳсны.

Сѳрнитѳсны кыпѳяс* йылысь. Таво став кыпѳясас поздысьѳма-

* Кып — (диал.) позтыр.

ось гөгөраяс, дзодзөгъяс, юсь гозъяяс эмось и. Берег пөлөныс бадьяс пөвстас сы мында утка поздысьома! Пиянныс петасны да кулөмъясад бара кутасны сюрны. Мед быдтысьоны, сөмын чери кыйны выльөн воысьяс позтырнас мед оз бырөдавын-а. Лоө аддзөдлыны найөс, висьтавын, мед оз пакөститны.

Кык друг өтвын чери кыйисны куим вежалунысь дыр — вит бөчкаөн пыж вылө: сир, ёкыш, кельчи эм жө. Пөксө чукөртисны туисөн морт вылө. Рытъяснас Иван дядь пыр мойдис челядылы. Зэв станьось* Маша да Миш, прөста оз овны: то сямөдысь ичөт көрөб вөчөны ниа сир улө, то бөдяга косьтөны нывъяслы краситчыны (вирыд вылө каяс, и чужөмыд алөй лоө). Лэччан өд гортад, да мед лоө гөснечыд пөдругаяслы и другъяслы.

Аски мөдөны гортө. Талун ставсө пыжө сөвтисны, набоялисны пыжсө, мед бура кывтны кось-порогъяс. Ужын бөрын водз и водисны. Керкаө пес кольөма, йирт бердас өшөдөма сов, кос нянь. Тайө керкалы запас.

Асывнас водз чеччисны, завтрак пуисны. Сөйыштасны и чепөсьясны гортлань — Петыр лун кежлө мед воны. Страдна кад матыстчө, колө вевйөдчыны. Арнас воласны чери кыйны да сэки кывтасны Митрейлөн пурйөн.

Друг керка саяс Лайкан понныс увтчыны кутис. Горзисны, горзисны — оз лок, быттө ылыстчө весиг. Машук котөрөн кайис вөрө, часлы пө, пыр локта Лайканкөд.

Пон гөлөс ылысмө и ылысмө. Батьыс Машуклөн кайис жө берегө, кутис горзыны. Оз локны. Увтчөмыс нин весиг оз кыв. Кыкнан батьыс повзисныкодь. Босьтисны пищальяс да мунисны вөрас. Кылө, кыкнанныс нин лыйисны морт өтчыдөн.

Миш горт олө, виччысьө, вот-вот локтас би дорө Маша. Мыччыяс кө, Миш эськө смелмөдчас да шыгыртас Машуктө. Зэв мича ныв быдмө. Мишлы сьөлөм вылас воө нывкаыс.

Шөгө сэсся уси: «Кытчө лои? Дашкө, ош косявлис?»

Батьяс дыркодь ветлисны вөрөд, а рытнас сөрөн нин локтисны да эз и водлыны. Аскинас мөдисны Содзмөс ты дорө. Весьтас кө, кык ты костын коластыс верст квайт и лоө, а ю кузяыс сө ветымын бердө. Гөгөртисны вөр керкаяссө сэтысь, колисны быдлаө кос нянь.

Мөд лун помассис, а Машуклөн да понлөн ис ни ру абу.

* * *

Кайис Машук вөрас да пыр и аддзис Лайканөс: увтө лысөм чукчиөс. Чукчиыс му кузя кысьө: ичөтика лэбыштас да бара котөртө. Лысөма, көнкө, койт вылас да оз вермы дыр кежлө лэптысьнысө, сынөдас кыпөдчыны. Вот сийөс и котрөдлө понйыд, оз кывзысь көзяйкаыслысь. Ылөкодь нин мунисны, кор чукчиыс друг кыпөдчис и пуксис пу вылө. Пон сулалө пу улас да юрсө дорлөдлө. Машук чукөстис Лайканөс, пуктис кисө юр чук вылас.

— Мөдм гортө, сөмын ылөдлис мянөс чукчиыд.

Мөдөдчисны бөр, но Лайкан друг тшөтьсө сувтөдис да жмитчис Машук бердө. Видзөдлис нывка и кынмис места вылас: на кок туй кузя локтө паськыд плешка ош, лэдзөма нырсө да иса-сьө. Быттө эськө и эз повзы нывка, думыштис веськыд кивыв

* Станьось — уджачось.

сетчыны: сэнi визувтö ёль, а ёльыс усьö керка дорö. Кöсйис ылöдны оштö. Мунiсны да мунiсны, мунiсны да мунiсны, эз во-
лы ёльыд, а сы пыдди воис зэв паськыд да куш нюр. Шондiйс
танi ёна на сотö. Босьтiс нывка шондiсö морöсас и мөдöдчис.
Рытöдз мунiс, век шондiсö морöсас кутiс, а нюрыс эз помась.

Шондiйс нин пуксьыны кутiс, кор нывка ылыськодь аддзис
пуяс — неыджыд чукөр. Мунiс сэтчаньö. Вөлöмкö, пу чукöрыс
сулалö нюр шöрас, неыджыд мыльк вылын, косiнын. Луннас
тайö местасö ылысянь аддзылiс нин. Нюрсö лунтырнад пöшти
гөгöртöма лои. Пуксис ыджыд коз пу дорö Машö, нёровтчис да
понсö шыгыртiс. Кутшöма, вөлöмкö, мудзöма! Унмовсьны нин
кутiс — ылысь-ылысь кылiс лыйöм шы, а кодарын — оз гөгөрво.
Понйыс тай пельсö чошкöдлiс жö, быттьö кыпöдчылiс весиг, а
сэсса бөр никыртчис нывка бердö.

Мöд луннас водз палялiсны. Думайтiс да думайтiс Машö и
шуис шондiсö öнi морöсас босьтны, а рытланьыс мышкуас. Коз
пу-матушкатö пасибöалiс Машö бура узытöдöмысь, зверъясысь
видзöмысь... Тöрыт вöли зэв ёна мудзöма да вунöдiс узыны вöз-
йысьны-а. Водзö мөдöдчисны.

Шондiсö нывка морöсас кутiс; лун шөр бöрас чайтöмөн мыш-
куас нуис — а бөр важ местаас воисны. Кöсйис нин бөрддзы-
ны, да сийö здукас кык көчпийöс аддзис — чеччалöны, ворсöны.
Думыштiс: «Найö öд, ва кө юöны, дашкö, ёль дорас лэччöдасны?»
Понйыс зырöдлiс на бöрся, но Машук ёна пинялiс ёртсö. Лайкан
никсыштiс да ланьтiс.

Кöчпиян чеччалiгтыр котöртöны, на бöрся Машук да Лайкан.
Дыркодь мунiсны, кадыс рытгоров нин лои. Друг воссис кушин,
а сэнi керка сулалö — трубасьыс тшын петö. Машук ляп уси
радысла ли, повзьöмысла ли. Сувтiс да ньöжйö-ньöжйö, ичöтик
воськовъясөн матыстчис керка дорö, öдзöссö осьтiс дай пырис.

— Видза оланныд? Кодкö эм абу?

Керкаыс шоныд — горъя пача, но тшыныс ывлаö петö ичöтик
труба пыр. Ичöтик öшинь эм, паськыдкодь узыланiн.

Некод эз шыась. Пуксис нывка лабичас да ышловзис. Сийö
здукас ывлаысь пырис тьотка — сöстöм сарапана, юрас мича
чышъян, киас пöдöнча.

— Гöсьт тай миянын. Видза олан, Машук!— шыасис тьоткаыд.

— Кысь нö тэ менö тöдан?— чуймис Машö.

— Ме Вёрса тьотка, видзöда вöралысьяс да чери кыйысьяс
бöрся, медым вөр-васö, зверсö да утка-пöткасö эз нартитны.
Батьыд да Митрей бур вöралысьяс да чери кыйысьяс, вөр-ватö
пöчитайтöны... Ме öд тiян чом дорö некымынысь волi, весиг
кывлi, кыдзи найö сёрнитчисны, кор пö быдманныд, тэнö да
Мишукöс гөтравны. Тэ зэв ёна воöмыд Митрейлы сьölöм вы-
лас... Аслад станьлунөн да киподтуйөн. И кыдзи дедтö сьölöмсянь
казытлан. Митрейыд и шуö, эськö пö и найöс, пöрысь энька-
айкатö, пöчитайтны кутан. Меным тэ сьölöм ылö воин жö,
окота лои аддзöдлыны да козьнавны мыйсюрö... Лёк кока ошкыс
тэнö повзьöдiс, а эськö Лайканыдкöд чукчыс и вайöдiс татчö.
Сийö абу лысöма, ылöдлiс тiянöс... Сэк эськö водз асывнас бөр
нин и вöлiн батьыд дорын, а öнi сийö синваөн мысьсö. Кöчпиянöс
сэсса ыстi тiянöстö корсьны.

Вёрса тьотка мысьсöдiс Машукöс, пуксьöдiс пызан сайö.

Медводз сетіс йёв, сэсся шыд да рок. Сэсся петкөдліс овмөссө... Керка йёрас чеччалёны көчьяс, нювсьёны ручьяс, кык көин пукалёны-зымвидзёны, видзөдёны гөгөр, мед вөлі ставыс лючки. А со и ошкыд водёма пу бокё, нырсө пуктёма лапа вылас.

— Тайё ошкыс батылды тёдса. Коркё тай капканысь ошпиёс мездылёма. А йөвтё, кодөс юин, көрлысь лысьта,— висьталіс Вёрса тьотка.

Пуясас да бадьясас лыдтөм-тшөттөм лэбач дзользьё-сьылё, а кильчө вылас гөрд урьяс дорлөдлёны юрнаныс, кывзысьёны көзайка сёрниё.

Рытнас нывкаөс ужинён вердіс Вёрса тьотка — пражитөм чериён да нөкъя мырпомён. Эз и төдлы Машук, унмовсис тьоткалөн паськыд вольпасяс. Шоңдыскөд тшөтш мөд асыв чеччисны, завтракайтисны. Туйё петтөдз Вёрса тьотка козыналіс Машукөс енэж рёма мича сикөтшён да кык зарни монетаён.

— Сикөтштё новлы быд праздник. Öти монета вылас верөс сайё петігад ньөб мича платтьё да шөвк тугъя шаль. Мөдсө видз, дашкө, коркө ёна ковмас олөмад. Сикөтштё сэсся сетан ыджыд нылыды да висьталан, коді тэныд сетіс и мыйла. А нылыд коркө нылыслы бара сетас. Ме уна коми нывкалы сеталі козинтё, мед бура оласны да быдтысясны, мед станьён лоёны да мед йөзкөд ладмөдчёны. Öні сэсся мунам.

Пуксьөдіс Вёрса тьотка Машукөс ичөтик пыжө. Сэн жө вөліны пон, кык көчпи, лэбачьяс, урпиян. Кытчөкө личкыштлис, и пыж качөдчис сынөдас, и лэбисны вөр весьті, а тьоткалөн оланіныс руө пөри. Пыж гөгөрыс ру жө. Лэчисны сэсся Машукьяслөн вөралан керка бердөд визувтысь ёль дорө. Керкаыс со нин бура тыдалө, гөлөсьяс кылёны и. Пуксьөдіс Вёрса тьотка нывкаөс яг рөчас, и пыжыс руө пөри.

Аддзысисны батя-ныла, да батыслөн весиг синваыс чепөсйис радысла. Митрей радысла нывкаөс шыгыртлис весиг, Мишыс и.

Аски сэсся ставён кывтісны гортө.



Литература олөмысь

2010 во

Январь

1 лунö нималана драматург Александр Ларевлы тырис 80 арös.

Февраль

17 лунö пасйис 80 чужан лун Коми республикаса народнöй гижысь Нина Куратова.

25 лунö С.Маршак нима библиотекаö посни лыддысьысьясöс чужан лун вылас корлис нималана коми мойдчысь Соломония Пылаева. Сölö баблы тырис 80 арös. Тані жö именничалысь нимöдісны «Варов лягей» выль небöг.

Март

19 лунö Куратов музейын витöдысь муніс кывбура эстафета. Водз асывсянь сёр рытöдыс выль кывбурьясөн петкөдчисны нималана и том гижысьяс.

Гижысь котыр босьтчис лэдзны «Народная библиотека» пас улын ичөтик небöгъяс. Медводдзаён сэні йöзöдчисны Надежда Мирошниченко, Александр Суворов, Алексей Иевлев, Андрей Попов.

Апрель

8 лунö медводдзаысь котыртлісны коми гижысь Егор Васильевич Колеговлөн чужан лунсяньыс 115 во тырöмлы сиём «Колеговса лыддысьöмъяс».

Петіс «Народная библиотекалөн» мөд чукөр. Тані йöзöдчисны Галина Бутырева, Елена Афанасьева, Алёна Ельцова, Григорий Спичак.

Май

22 лунö Луздор районса Занулье сиктын воссис нималана коми прозаик Василий Юхнинлөн музей.

Июнь

25—27 лунъясö Удора районса Важгорт сиктын горалис «Коми книга» гаж.

Сыктывкарын дасöдысь нин котыртлісны том коми гижысь-журналистъяслы Гожся университет.

Июль

5 лунö пасйис 50 арös гижысь Алексей Иевлев.

Коми Республикаса Правительстволысь литература премия сетісны «Сыктывкар» альманахлы (лöсьöдысьясыс: А.Канев, А.Иевлев, А.Берштейн) да Ухтаын олысь, челядьлы гижысь Александр Журавлёвлы «Где живу я, отгадай» небöгысь.

25 лунö 60 арös тыри нималана коми драматург Алексей Поповлы.

Август

Финляндияса Оулу карын XI Международнöй конгресс вылö

чукөртчылісны финн-йöгра гижысь-туялысьяс. Коми Республи-
касянь сэтчö ветлісны Алексей Полугрудов, Нина Обрезкова,
Татьяна Кузнецова.

21 лунö тырис 50 арös куломдінса коми гижысь Вячеслав
Бабинлы.

Сентябрь

Алексей Соловьёв вуджöдіс мари кыв выlö Алексей Попов-
лысь «Зов предков» небöгсö.

Петіс Геннадий Юшковлөн «Чукöсты, Коми му, чукöсты». Тайö медбөръя небöг, кодös Коми Республикаса народнöй ги-
жысь удитіс дасьтыны ачыс на.

Октябрь

120 во сайын чужис Тима Вень.

20—23 лунъясö Сыктывкарын гижысь Котырö чукөртлісны
том коми авторъясös республикаса семинар выlö.

Ноябрь

Воссöмсянныс 110 во пасйис Сыктывдін районса Ыб сиктса
библиотека. Небöг видзанінлы сетісны коми гижысь Владимир
Безносиковлысь ним.

5—6 лунъясö Ханты-Мансийскын котыртчыліс Урал да Сибирса
гижысьяслөн XI конференция. Миянысь сэтчö ветліс республикаса
гижысь Котырөн вескөдлысь Елена Васильевна Козлова.

6 лунö коми лирикалы подув пуктысь Ананий Размысловлөн
чужан лунсянныс 95 во тырöмлы сиисны казтылана рыт. Рыт
вылас воліс Ананий Прокопьевичлөн ичöтджык чойыс, Зинаида
Левич.

Петіс Фёдор Щербаковлөн «Югид кодзув» кывбура небöг.

Вужвойтырлөн шылада-драмаа национальнöй театр пуктіс дра-
матург Алексей Поповлысь «Кимöститчысьяс» выль спектакль.

25—26 лунъясö Сыктывкарын муніс Международнöй науч-
нöй конференция, сиöма финн-йöгра литература нималана туя-
лысь, гижысь, Василий Ильич Лыткинлөн чужан лунсянь 115
во тырöмлы.

Лэдзисны коми челядьлы лыддьöм выlö антологиялысь мöд
да коймöд петасъяссö. Ставыс татшöмыс лоис куим небöг.

Декабрь

Петіс Андрей Поповлөн «Смысл дождя и листопада» кывбура
небöг.

17 лунö Савин нима драма театр пуктіс Алексей Поповлысь
«Чудь мыльк» выль пьеса.

24 лунö вужвойтырлөн шылада-драмаа национальнöй театр
пуктіс Александр Суворовлысь «Эжваса анекдотъяс» выль пьеса.

Петіс Александр Журавлёвлөн «Ой!» челядьлы небöг.



Йӱзӱдӱмӱ «Войвыв кодзув» журналын 2010 воын

Повесьтьяс, висътьяс, пьесаяс, кывбуръяс

АНУФРИЕВА Л. Тэ йылысь мӱвпалӱмӱн... Кывбуръяс. 2. Кыштӱм блокнот. Висът. Коли сӱмын сыланкыв... Миниатюраяс. 12.

БАБИН В. Ставыс сӱлӱм шӱрӱ инмӱ. Кывбуръяс. Телефон. Висът. 8. Виль кывбуръяс. 12.

БАДРЕТДИНОВ У. Сюзь. Висът. 4.

БАЖЕНОВА О. Виль кывбуръяс. 1.

БУНИН И. Кык висът. 10. Кык висът. 11.

ВОКУЕВА Н. Менам радлунӱй. Кывбуръяс. 4.

ВУРДОВ А. Кык висът. 1. Вунлытӱм тшупӱдъяс. Висът. 4. Кутшӱм олӱм — сэтшӱм теш. Висътьяс. 10.

ГАБОВА Е. Кывбуръяс. 3.

ГАБОВА О. Кывбуръяс. 3.

ГОРЧАКОВ Г. Ок эськӱ нин тайӱ вежӱгтӱмӱд да... Кык юкӱна ворсантор. 2. Мед эг вунӱдӱй найӱс! Кык юкӱна пьеса. 5.

ЕЛФИМОВА А. Зэра-лымъя костас... Кывбуръяс. 2. Карса... Кывбуръяс. 5.

ЕЛЬКИН М. Вогӱгӱрся. Кывбуръяс. 10.

ЕЛЬЦОВА А. Сӱлӱм лестукъяс. Кывбуръяс, миниатюраяс, вуджӱдӱмъяс. 6.

ЖУРАВЛЁВ-ПЕЧОРСКИЙ В. Бобровӱйын тулыс. Висът. 3.

ЗАРНИ ЛЮСЯ. Виль кывбуръяс. 10.

ИВАНОВА А. Шӱвк бордъя лӱбачӱй. Кывбуръяс. 6.

ИЗЪЮРОВ И. Сизим море вомӱн. Висът. 3.

ИЛЬИНА А. Вӱрсалӱн ворсӱдчӱм. Висът. 5. Аддзысьлӱм. Висът. 10.

КАЛИСТРАТОВА И. Кывбуръяс. 3.

КАНЕВА Т. Кывбуръяс. 3.

КАРМАНОВА К. Виль кывбуръяс. 9.

КИРПИЧЕНКО Т. Чужан му йылысь. Кывбур. Куим лун да нэм. 8. Миян ичӱтик герой. Висът. 11.

КОЗЛОВА Е. Сямтӱм зонка. Повесьт-мойд. 12.

КОЧАНОВ В. Асья Кыа. Мойд. 5.

КУКЛИНА Р. Лолӱй ыззывлӱ да лӱнӱлӱ... Кывбуръяс. 5.

КУРАТОВА Н. Кань мысьсӱ — гӱстя воас. Висът. 2.

ЛАДАНОВ М. Ёля тыын. Висът. 4.

ЛАРЕВ А. Гӱтрасян кад. Пьесаысь юкӱн. 1.

ЛОДЫГИН В. Виль кывбуръяс. 7. Чибльӱг. 9; 10. Перым гӱра. Висът. 12.

НАПАЛКОВ В. Войся ангел. Роман. 1; 2; 8; 9; 10; 11; 12.

ОБРЕЗКОВА Н. Духовна. Кык юкӱна ворсантор. 11.

ОСТАПОВА М. Горький. Висът. 4.

ПАВЛОВА Н. Морт тайӱ шудсӱ, югыдсӱ оз кусӱд... Кывбуръяс. 4.

Шондӱ из. Кывбуръяс. 11.

ПАНЮКОВ А. Ен тшӱктӱм серти. Висът. 2. Чубьюсянь Волоцкӱй гу дорӱдз. 7. Олӱмтӱ он бергӱд. Висът. 12.

ПОПОВ А. Баба гожӱм. Повесьт. 7; 8.

СУВОРОВ А. Кывбуръяс. 3.

ТИМИН В. Биармиаса викинг. Роман. 3; 4; 5; 6; 7. Югыд шондӱ улын. Кывбуръяс. 11.

УЛЯШЕВ О. Жугавтӱм стӱкан. Висът. 3. Комдорсянь Коммуӱдз. Восьтысьлӱм-висътасьлӱм. 10.

ЧУГАЕВ Н. Шегъясям?.. Кык серпаса теш. 6.

ШЛОПОВА О. Вӱрса тӱткӱ. Челядьлы мойд. 12.

ШОМЫСОВА А. Увланьюрисисны мовпгясой... Кывбургяс. 1.
Кышакылö-мунö арся войыс. Кывбургяс. 12.

Публицистика

БЕЛЯЕВ Г. Комиö А.Фадеевсаянь кык телеграмма. 1.
БОБРАКОВА И., ЛАДАНОВ М. Сыллысь, веськөдлысь, режиссёр...
Ёрта сёрни. 11.
ВЫЛЬ НЕБÖГ. 2; 3; 7.
ЖУРАВЛЁВ С. «Ми — Журавлёвгяс...» 3.
ЙÖЗÖДÖМА «ВОЙВЫВ КОДЗУВ» ЖУРНАЛЫН 2010 ВОЙН. 12.
ЛИТЕРАТУРА ОЛÖМЫСЬ. 12.
ЛОБАНОВА Е. Некор оз вун селигерса вой-лун... 9.
ЛОДЫГИНА Е. Сьöкыд нэм. 4.
ЛУДЫКОВА Л. Велöдысь гозгья. Казытылöмгяс. 8.
МАРТЫНОВ В. Войвывсаянь — лунвылөдз. 3. Ылі да орчча муяскөд
йитöдгяс. 9.
МИТЮШЕВА Н. Биа шерөн оролөм сыланкыв. 5.
«ОЛÖМÖС ЙИТІ КОМИ ГАЗЕТКÖД». Ёрта сёрни. 7.
ПОПОВ В. Нэм кежлö кольны йöз паметьö. 5.
УЛЬЯНОВ А. Дереваннойса Öльöксангяс. Очерк. 6.
ХАТАНЗЕЙСКИЙ Н. «Изъватаслөн» выныс содö. 1.
ХОЛОПОВА Д. Сылөн нимыс оз вун. 9. Тима Веньлөн енъяугыд
чужанінын. 10. Сылан горыс олö. 12.
ЧОЛÖМАЛÖМ. 2; 7; 8.
ШАХОВА Л. Быдторйыс вöлі олөмас. 3.
ШАХТАРОВА Г. Миян олөм, миян семья. 11.
ШЕБЫРЕВ А. Ленин карса йöртöд, Ленин карса гөрöд... Очерк. 5.
ШОМЫСОВА А. Удораса ыджыд гаж. 9.
ШОМЫСОВА А., КУРАТОВА Н. Радейтана, муса. 2.
ЩАНОВ А. Салдатлы письмö. 4.
«ЭЗЫСЬ БОРД» КОНКУРСЛЫ КЫВКÖРТÖД. 1.

Сыланкывгяс

ПОПОВ С., ГОРЧАКОВ Г. Дыр на казытивны кутам. 5.
НЕКРАСОВ А. (Гамса), ТЕРЕНТЬЕВ Ю. «Хромка»гудöк». 6.
ЕЛЬКИН М., ОВЕРИН М. Кадыскөд тай ставыс бөрö кольö. 7.



ПЫДДИ ПУКТАНА АВТОРГЯС!

Редакцияö гижöдгяснытö ыстигөн быть колö юртны:

1. Ассьыныд ним, вич, ов; кор да көні чужлөмныд (лун, төлысь, во).
2. Паспорт юрггяс: номер, серия, кор да көні сетісны, гортса адрес (прописка серти).
3. Индивидуальной налогöвöй номер — ИНН (кодлөн эм).
4. Страховöй свидетельство номер.

Тайöс юрттöг редакция гонорар оз вешты.

*Журналын йöзöдтöм гижöдгяс
редакция оз рецензируют и авторыслы найöс оз мөдöд.
Редакция оз век во öти кывйö авторгяскөд.*

Комп. набор и верстка **Н.Кузнецова**. Корректор **Т.Югова**.

Адрес редакции: 167982. ГСП-2, г. Сыктывкар, Дом печати, каб. 202.
Телефоны редакции: 24-47-52 (гл. редактор), 24-51-52 (общ. отд./факс).

E-mail: kodzuv@mail.ru

Подписано к печати 10.12.2010. Формат 70х108^{1/16}. Печать офсетная. Усл. печ. л. 7; усл. кр.-
отт. 8,4; учётно-изд. л. 7,54. Тираж 825. Заказ № . Регистр. ПИ № ФС 3 - 0226.
Публикация материалов по освещению реализации социально значимых проектов осуществля-
ется при государственной поддержке в форме субсидии Агентством Республики Коми по
печати и массовым коммуникациям. Отпечатано в ООО «Кировская областная типография»,
610000, г. Киров, проезд Динамо, 4.